


Գ Ի Բ Ժ XLIX



ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՄՆԵՐԵՔԵՐՈՐԴ ՏԱՐԻ

1908

№ 3—4

ՆՈՅՆՄԲ.-ԴԵԿՏ.


Թ Ի Ֆ Լ Ի Ս

ԵԼԵԲՏՐԱՅԱՐԺ ՏՊԱՐԱՆ ՕՐ. Ն. ԱՂԱՆԵԱՆԻ՝ ՊՈԼԻՑ. 7.

1908

## ԲՈՎԱՆԴԱԿՈՒԹԻՒՆ

|                                                                                        |     |
|----------------------------------------------------------------------------------------|-----|
| «Լուման» առաջիկայ տարին . . . . .                                                      | Գ.  |
| Ամենայն հայոց կաթողիկոսի ընտրութիւն . . . . .                                          | 2.  |
| † Մուրացան . . . . .                                                                   | Ը.  |
| Գարնան ծաղիկներ. բանաստ. Մուրացան . . . . .                                            | 3   |
| Քօսա-դաղ լերան վկան, Լեոն Խանզադէ . . . . .                                            | 5   |
| Տէր Գարրիէլ Պատկանեանցը. Եր. Շահազիզ . . . . .                                         | 24  |
| Խրիմեան Հայրիկի յիշատակին. Արամ Գիրքեան . . . . .                                      | 62  |
| Միբէյօ. Պրովանսական քերթուած Ֆրետերի Միսթրա-<br>լի. Ֆր. Թրգմ. Արշակ Չոպանեան . . . . . | 73  |
| Աշխատելու արուեստը. Կ. Հելտի. Թարգմ. Արտակ Վ. . . . .                                  | 114 |
| Երազհալ ոսկեղար. Մինաս Բերբերեան . . . . .                                             |     |
| Յուշեր, բանաստ. Զօն . . . . .                                                          | 120 |
| Յայտարարութիւններ (կազմի վերայ)                                                        |     |



ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵՐԵՔԵՐՈՐԴ ՏԱՐԻ

1908


№ 3—4

ՆՈՅՆՄԲ.-ԴԵԿՏ.

Թ Ի Ֆ Լ Ի Ս

ԵԼԵԲՏՐԱԶԱՐԺ ՏՊԱՐԱՆ ՕՐ. Ն. ԱՂԱՆԵԱՆԻ՝ ՊՕԼԻՑ. 7.

1908



THE UNIVERSITY OF CHICAGO

LIBRARY

1900

1901

1902

1903

1904

1905

1906

1907

1908

1909

1910

## „ԼՈՒՄԱՆ“ ԺԴ՝ ՏԱՐԵԾՐՋԱՆԻՆ

Տասն և երեք տարի առաջ ծնունդ առաւ «Լուման», որի XLIX գիրքը այսօր է լոյս տեսնում...

1896 թուի սկիզբն էր, երբ «Լումայի» I գիրքը լոյս տեսաւ, բովանդակելով իւր մէջ պատմական և գրական նիւթեր, և այդ օրից Լուման—սակաւաթիւ ամսագիրներից մինը—գրաւեց իւր տեղը պարբերական հրատարակութիւնների շարքում. երկար տարիներ անցան այն օրից և շատ ու շատ տառապալից օրեր պատեցին հայ ազգի և գրական աշխարհի առանց այն էլ մառախլապատ թանձր հորիզոնը:

Բայց «Լուման» մնաց իւր դերում երկար տարիներ, մինչև որ համառուսական ցաւալի ելք ունեցող յեղափոխութիւնը թուլացրեց «Լումայի» վաղուց ի վեր թուլացած նիւթականը. այո՛, կրկնում ենք, միայն նիւթականը, որովհետև բարոյական աշակցութիւնից «Լուման» մինչև օրս էլ զուրկ չէ և կարող ենք վստահ կերպով ասել, որ մենք բարոյականը աւելին չենք ցանկացել:

1905 թուի արիւնալից փոթորիկը իր բազմաթիւ տնտեսական ու այլ խիստ կարեւոր հարցերով արգելադիր եղաւ «Լուման» կանոնաւոր շարունակելու, բայց խմբագրութիւնը, չնայելով նախընթաց տարիներից բաց մնացած մի քանի հազար ռուբլու հասնող դիֆիցիտին, շարունակեց առանց յուսահատուելու հրատարակել «Լուման»։ Բայց հանգամանքները միշտ ուժեղ են մարդուց և մանաւանդ մի ուժասպառ մարդուց (մեր խօսքը ի հարկէ նիւթական ուժասպառութեան մասին է)։

Ահա այստեղ է միմիայն այն խորը և քչերին մատչելի պատճառը, որ «Լուման» վերջին երկու տարուայ ընթացքում անկարող եղաւ նոյնպիսի կանոնաւոր կերպով առատ նիւթ մատակարարել հայ ընթերցող հասարակութեան, որպէս նա տոկոշն կերպով շարունակեց տասը տարուց աւելի. Հայ մամուլի զժբաղդ վիճակն է եղել միշտ վերջացնել իւր գոյութիւնը դիֆիցիտով, այն էլ ծանր, և կամ նիւթականի պակասութիւնից զրգուած. և շատ քիչ առևտրական ու այլ հանճարներ կարողանում են իրենց գոյութիւնը պահպանել քիչ թէ շատ յարատե ժամանակ։


Հայ աղան միշտ վախեցել է գրչից և բարւոք է համարել իւր սնդուկի առատ գանձը ծառայեցնել այնպիսի գործի, ուր կարելի է կրկնակի յետ ստանալ. հեռու է հայ ազգից այն օրը, երբ նրա ամեն մի անհատ պարտաւորապէս իւրովսանն կրմտածի մայրենի գրականութեան և գիտութեան բարգաւաճման համար։

Իսկ մինչ այն, թող անսասան կորովով առաջ ընթանայ գրչի հայ աշխատաւորը և իւր վարձատրութիւնը փնտռէ սնանկ հայ խմբագրութիւններում։ Լոյսը պիտի վերջի վերջոյ բնաջինջ անի խաւարը ու իւր շլացնող ճառագայթները նետելով դէ-

պի մութ անկիւն, անշնչացնի լոյսից խորշող անհատ-  
ներին և կամ նրանց սերունդները լոյսի ընտելացնի-  
Ռայց մենք շեղուեցինք: Մեր խօսքը «Լումա-  
յի» մասին էր. մենք խօսեցինք նրա անկանոն  
հրատարակութեան մասին. բայց մենք պիտի լռենք  
այն առթիւ, թէ ինչ տուեց «Լուման» հայ ընթերցո-  
ղին և ինչ դեր խաղաց նահայ գրականութեան մէջ:  
Այդ մասին իւր կոմպետենտ և ուժեղ խօսքը թող  
ասի պատմական քննադատը, որի առաջ մենք պիտի  
լռենք:

Մի երկու խօսք էլ Լումայի ապագայի մասին:  
1909 թուին մենք փորձում ենք նորից վեր-  
սկսել Լումայի շարունակութիւնը և ինչպէս միշտ՝  
յուսագուրկ որևէ ապահովութիւն ստանալուց. իսկ  
եթէ հայ լուրջ մամուլի և գրականութեան իսկա-  
կան բարեկամները գտնում են, որ Լուման իբրեւ  
միակ գրական պատմական ամսագիր անհրաժեշտ է  
հայ գրականութեան, թող շտապեն ապահովել ամ-  
սագրի հրատարակութիւնը և ցոյց տան, որ արհա-  
մարհանքի դրոշմ վերացել է հայ մամուլի ճակա-  
տից:

ԽՄԲԱԳՐՈՒԹԻՒՆ



## ԱՄԵՆՍՅՆ ՀԱՅՈՑ ԿԱԹՈՂԻԿՈՍԻ ԸՆՏՐՈՒԹԻՒՆԸ

«Լուծալ»-ի ընթերցողներին ծանօթ է արդէն, որ Խրիմեան Հայրիկի առ տէր փոխուելով Հայաստանեայց Մայր Աթոռ թափուր մնաց և կաթողիկոսական նոր ընտրութիւն նշանակուեց անցեալ հոկտեմբերի 30-ին:

Չնայելով, որ ընտրական հրաւիրագրերը էջմիածնի սինօդը իւր ժամանակին ուղարկեց ներքին գործերի նախարարութեան, որ, ըստ պալատէնիայի Կ. Պօլսի ռուսական դեսպանի միջոցով ուղարկում է Տաեկահայ թեմերին, այնուամենայնիւ հրաւիրագրերը բաւական ուշ տեղ հասան, այնպէս որ տաեկահայ թեմերում պատգամաւորական ընտրութիւնները կատարուեցին շատ հապնէպ կերպով և շատերն իսկ ստիպուած եղան պատգամաւորներ նշանակել մեր կողմերից հեռագիրներով, որպէս զի ծայնի իրաւունքից զրկուած չմնան:

Այս ուշացնելու պատճառը, ինչպէս վերջը պարզուեց այն էր, որ ռուս կառավարութիւնը զիտաւորութիւն էր ունեցել կաթողիկոսական ընտրութիւնը յետաձգել, մինչև որ Հայոց եկեղեցու կառավարութեան վերաբերեալ նոր կանոններ մշակէ, բայց վերջը լսելով Կովկասեան Փոխարքայի հակառակ կարծիքն այդ մասին՝ փոխել էր իւր զիտաւորութիւնը:

Սինօդը այս խնդրում մի զեղծում գործեց. Կիլիկիոյ 7 թեմերից 7 հոգեւոր և 7 աշխարհական պատգամաւոր հրաւրելու փոխարէն միմիայն մի հոգեւորի և մի աշխարհականի

հրաւիրագրեր ուղարկեց, որի դէմ ոչ միայն բողոքեց տեղւոյս մամուլը, այլ որ գլխաւորն է բողոքեց ինքը Երկրկիւն կաթողիկոսը և նոյն իսկ չմասնակցեց կաթողիկոսական ընտրութեան: Այս խնդիրը մնաց առ կախ, որովհետեւ Էջմիածնի Համագումարը ուշադրութեան առարկայ չդարձրեց այս կարեւոր խնդիրը, մինչդէռ ազգային լրութեան տեսակէտով կարեւորագոյն խնդիրներից մէկն է և առաջիկայում կարող է շօշափելի տարածաշրջանների առիթ լինել:

Հոկտեմբերի 25-ին արդէն զրեթէ ամեն կողմերից ժողովուրդ էին հողւորական և աշխարհական պատգամաւորները:

Մամուլի, ինչպէս նաև պատգամաւորների մէջ երկու խոշոր հատուածներ կային: Մի մասը իրանց ընտրելի ներկայացնում էին Ամեն. Իզմիրլեան սրբազանին և Դուբեան եպիսկոպոսին, իսկ միւսը դարձեալ Իզմիրլեան սրբազանին և Օրմանեան աբեղայիսկոպոսին:

Վերջին ամիսների Տաճկաստանում տեղի ունեցած կառավարական եղանակի փոփոխութեան պատճառով հրաժարուած էր Օրմանեան պատրիարքը, ուստի և նորա թեկնածութեան հաւանականութիւնը յայտնի չափով նուազել էր, և այս իսկ պատճառով վերոյիշեալ երկու հատուածների մէջ պայքարը շատ մեծ չափով անդի ունեցաւ:

Տաճկահայ պատգամաւորները, ազատութեան հովերին սիրահար, հեռացել էին Օրմանեանից, իբրեւ միմիայն կուլտուրական զարգացման հետեւող անձից, և դեռ Էջմիածին չհասած, Վոսփորի ասիերից գէպի մեզ լողացող շոգենաւի վերաւ արդէն կատարել էին իրանց նախնական որոշումը:

Նոյեմբերի 1-ի Համագումարը սրբագործեց այդ որոշումը և Մայր տաճարում ընտրութիւն կատարելով ամենայն հայոց կաթողիկոսական ընտրեալ հռչակեց ամեն. Տ. Մատթէոս եպս. Իզմիրլեանին 73 ձայնով և նորան կանգիդատ Տ. Նիկիէ եպս. Դուբեանին 55 ձայնով:

Օրհնեալ է Աստուած, Հայաստանեայց առաքելական եկեղեցին շուտով կպատուէ իւր սգոյ քօղը և նորընտիր վեհ. կաթողիկոսը ժամանելով ս. Էջմիածին՝ կմատչի ի հովուութիւն Հայաստան ժողովրդոց:

Յոգնած կեանքի արհաւիրքներից և ուժասպառ՝ հիւանդ ուղեղը դադարեց գործելուց...

Հասարակական բուժարանի մի մոայլ ու առանձնացած սենեակում վեռաւ հայ ազգի արժանաւոր անդամներից մինը։—

Փակ սենեակից՝ միայնակ նայում էր նա դէպի ազատ աշխարհ ու իւր խիստ յոգնած ուղեղով մերթ գուարթ յոյսեր ներշնչում իրեն, մերթ՝ ընկնելով չար ոյժի պողպատի ճանկերը, զարհոյրի ու հոգեկան ալեկոծութեան փրփուրն էր թափում բերանից. ծանր էր պատկերը ինչպէս և վիճակը և բնութեան վեհ ոյժը խղճաց յոգնած մարմինն, ու զգայուն հոգին իւր գիրկն առնելով յաւիտենական հանգիստ տուեց նորան։

— Բայց ով էր նա։

— Հայոց գեղեցիկ գրականութեան աշխատաւորներից մինը՝ Մուրացանը (Գրիգոր Տէր-Յովհաննիսեան), որ իւր կեանքը նուիրեց հայ գրականութեան, ապրեց մինչև իւր վերջին շունչը նրանով։

Պատմութիւնն է միայն այն ուժեղ ձայնը, որ Sine iura et studio կարող է արժանի հատուցում տալ ամէն մի գրողին և այս դէպքում Մուրացանին։

Բացի այլ պարբերական հրատարակութիւններից Մուրացանը եռանդուն կերպով աշխատակցել է նաև Լումային առաջին տարուց սկսած և մինչև իւր հիւանդութեան վերջին օրը և մենք հետևեալ համարում կտանք նրա պատկերը կենսագրական տեղեկութիւններով միասին։

Իսկ այժմ մենք յայտնում ենք մեր սրտի կրակիծը երկարամեայ աշխատակցի ցաւալի կորստի առթիւ։

## ԳԱՐՆԱՆ ԺԱՂԻԿՆԵՐԻՆ

Փողտրիկ, զուարթ ծաղիկներ՝  
Գարնան մուտքին շքադիր  
Դուք պճնել էք դաշտ, արօտ,  
Առուի ափեր գեղադիր:

Ծածանում էք մարգերում,  
Զարդարում լեռ ու քարափ,  
Արևից շող կորզելով՝  
Գիշերից ցող ու տարափ:

Փայլում էք հա՛ շուրջ բուրում  
Այգիքան քնքոյշ ու սիրուն՝  
Որ ձեր տեսքին զմայլած  
Սիրտը՝ սիրով պատարուն

Արհամարհէ վշտերը,  
Գրկէ կեանքը ջերմագին,  
Եւ սիրաշուրթ համբուրին  
Զոհէ իւր սիրտն ու հոգին...

Կար ժամանակ որ ես էլ  
Գարնան ժպտին սիրահար,  
Մնում էի անհամբեր  
Ձեր բացուելուն գունավառ.

Պտրում էի դաշտերում  
Զիւնածաղիկ, մանիշակ,  
Իսկ ծաղկոցում՝ վարդ, քրքում,  
Ցասմիկ, շուշան ու մեխակ:

Կապում էի նոցանից  
Փնջեր բուրեան ու քնքոյշ՝

Եւ խանդավառ, ժպտադէմ  
Նուէր տանում սիրուհուս.

Եւ աչերը սէգ կուսին  
Պայծառ երկնից համատիպ,  
Ջեր երփներանգ թերթերին  
Նայում էին լուսաբիւր:

Ապ' ժպտալով ինձ անոյ՜՜  
Փունջն հոտոտում քաղցրաբոյր,  
Եւ սերտ սիրոյն ի նշան  
Տալիս ինձ ջերմ, հուր համբոյր...

Աւանդ, բաղդիս նախանձեց  
Չարագուշակ, սև ոգին,  
Ջերմ սրտի մէջ դրաւ ցուրտ,  
Սէրը դարձուց արեան գին:

Ժպլտ, թէ ջերմ համբոյրներ,  
Գգուանք, թէ խանդ գեղանու  
Սիրապատար հոգւոյն հետ  
Թռան ինձնից, ոհ, հեռու...

Ինչո՞ւ այլ ևս՝ Փլօրայի  
Պսակին զարդ ծաղիկներ,  
Բացում էք ու հրապուրում  
Արտասուացող իմ աչեր.

Ո՞ւմ համար ես կթեմ ձեզ,  
Ո՞ւմ համար փունջ պատրաստեմ,  
Իմ դիցուհին էլ չըկայ,  
Փակուեց արդէն իմ եղեմ...

Թառամեցէք, ոհ, դուք էլ,  
Կամ խնդրեցէք Աստծուն  
Որ աչքերիս վարագոյր՝  
Իսկ սրտիս տայ թմրութիւն,  
Չը տեսնեմ ձեր վառ պատկեր,  
Ոչ էլ զգամ անոյ՜՜ բոյր...

# ՔՕՍԱ-ԴԱՂ ԼԵՐԱՆ ՎԿԱՆ

ԵՂԵՐԱԿԱՆ ՎԷՊ

(Թրքահայ գաղթականների կեանքից)

## I

**Ա**րշալոյսը բացւում էր: Վաղորդեան աղջամուղչը ան-  
նշմարելի կերպով ասես հալւում, անհետանում էր, իր թևերի  
տակից մէկ-մէկ բաց թողնելով Տրրիս գիւղի սար ու ձորը, դաշտ  
ու արտորայքը, քար ու թուփը, որոնք հետզհետէ երևան էին  
գալիս և իրանց քնաթաթախ դէմքով ցցւում առաջիդ ու, կար-  
ծես, մինչև դետին խոնարհելով՝ բարի առաւօտ քեզ մաղթում:  
ապա, ուղղուելով, երկարացնում իրանց հասակը ու քո հրամա-  
նիդ սպասում:

Կեանքը արագ-արագ սփռւում էր ամեն տեղ. գիշերային  
խառարի չար ոգին հալածւում, փախչում, անհետանում էր և  
ամեն ինչ արթնանում, ոտքի էր կանգնում և իր սովորական  
դերի մէջ մտնում. այլ ևս չը կային խառարային շրշիկ, նեն-  
գամիտ ոգիներ. ամեն տեղ չքանում էին նրանց նոյնքան  
նենգամիտ, ծուռ ու մուռ շարժումները, նրանց ահ ու սար-  
սափ տարածող ուրուականը: Դեռ մի երկու ժամ առաջ քե-  
զանից ոչ հեռու կանգնած ուռենին, որը քեզ վրայ ահ ու դող  
էր սփռում, հանդարտ շալով, շարժում էր իր տերեւները և  
քթի տակին ծիծաղում քո երկչոտութեան, թուլասրտութեան  
վրայ: Եւ այսպէս, քեզ սատանայ, դե, գայլ ու արջ թուացող  
իրերը մէկ-մէկ դուրս էին պրծնում խառարի գրկից և մանր ու  
բարակ շարժումներով իրենց աչքերը տրորում: Դեռ արեւը չէր  
դուրս եկել տօնելու իր յաղթանակը. դեռ գիշերային աղ-

չամուղջր տենդային կռիւ էր մղում նրա հետ և շանքեր գործ դնում՝ նրա ճանապարհը կտրելու. սակայն միայն խիտ մացառ- ներում և ձորերի խուլ խողովներում էր փոքր ինչ աչքի ընկ- նում նրա սրտամաշ գոյութիւնը:

Հագարաւոր կենդանիներ՝ ասես բնազդմամբ զգալով երկրի թագուհու այդ յաղթութիւնը՝ սկսեցին իրանց ձայներով ող- ջունել նրան իր տարած յաղթանակը և պատրաստուեցին գործի կպչելու: Միայն Տրրիսցի գեղջուկն էր, որ դեռ չէր համար- ծակում իր դռան նուռոցով մասնակցել բնութեան այդ հա- մերգին. առօրեայ ահաբեկող երկիւղը վաղուց մեռցրել, գերեզ- ման էր տարել նրա մէջ վստահութեան, համարձակութեան զգացմունքը: Բայց և այնպէս նա էլ էր զարթնել և դեռ իր աղքատիկ անկողնում պարկած՝ զրոյց անում իր թշուառ ա- մուսնու հետ և այդ օրուայ անելիքի մասին խորհրդածում: Վեր- չապէս, նա էլ սկսեց հազնուել և, կժից մի աման չուր վերց- նելով, դուրս եկաւ դուռը, երեսը լուաց, իր հնամաշ չուխի փէշով սրբեց ու, դէպի աղօթարան դառնալով, խաչակնքեց երեսը և իր ամենօրեայ աղօթքը մըմնչաց: Նա էլ կա- մաց-կամաց դաշտը դուրս եկաւ իր եղ ու գոմշուկով իր դաշտը հերկելու:

Արևը դուրս եկաւ: Ամեն ինչ գործի կպաւ: Տրրիս գիւղը ամբողջապէս ծածկուեց ծուխերի քուլաներով. հայ գեղջիկուհին թոնրի կողքին նստած՝ գոգնոցի շարժումներով սկսեց աւելի ևս բորբոքել աթարի կրակը: Կեանքը ոտքի էր կանգնել ամեն տեղ. միայն մի տան երգիկից ո՛չ ծուխ էր բարձրանում և ոչ դուռը բացուում: Դռան փարթամ կերտուածքից և բազի մեծութիւնից երևում էր, որ այդ առևնը ունեցել է իր փա- ռաւոր անցեալը և զիւղի աչքի ընկնող տներից մէկն է եղել երբեմն: Սակայն ինչ-ինչ փոթորիկների և անողոք ճակատագրի հարուածից, ըստ երևոյթին, այդ շէնքը զրկուել է իր մի ժա- մանակ պանծալի դրութիւնից: Նրա տէրը այժմ մի պա- ռաւ էր մնացել իր մատաղահաս աղջիկ թոռան հետ, որոնք օրուայ այդ պահուն դեռ նոր էին ոտքի կանգնում. նրանց հանգիստը խանգարել էին այդ գիշերը նրանց բարեկամ այցե-

լուները: Խորթի վերի մասում երկու հնամաշ անկողնի մէջ իրարից ոչ հեռու դեռ պարկած էին երկու հոգի և, ինչպէս երևում էր, կենդանութեան ոչ մի նշոյլ ցոյց չէին տալիս. երկուսն էլ դեռ նոր էին մտել կեանքի դեռափթիթ այն շրջանը, որը խոստանում է ամեն բան:

Ուշ գիշերին նրանց բերին այդտեղ նրանց խորհրդաւոր ընկերները և իրանք անյայտացան իսկոյն: Պառկածներից մէկը յանկարծ սկսեց ծանր տնքալ և խրոխրուացնել. տան մատաղահաս աղջիկն իսկոյն մօտ վաղեց, քնքշութեամբ ուղղեց նրա գլխատակի բարձր և ֆնաց նստած գլխավերևը:

Պառկածը ծանր վիրաւորուած էր. նա զառանցանքների աշխարհումն էր զտնւում.—այդ թշուառ... զոհր... իմա է՛է... բռնութիւն էք... գործ ղնում... տեսնենք, ո՛վ... ո՛վ կը խլի նրան... կրկնում էր նա: Սպա յանկարծ աչքերը լայն բաց անելով, նա սկսեց նայել իր գլխավերև նստած աղջկան և կարծես ճանաչեց նրան:

—Սօնա, այդ դ՞ու էս, ո՛հ, իմ կեանք, այդ դ՞ու էս... ինչո՞ւ ենք մենք այստեղ, ո՞ւր է դրօզչի Տրաթլամէն, այդ հրէշը,—ծանր կերպով հարցրեց վիրաւորը:

—Սօնան հրէս կողքիդ պառկած, քնած է. Տրաթլամէն այլ ևս չը կայ, մի՛ մտածի՛ր. ամեն բան լաւ է. իսկ ես Սալվին եմ. ճիշտ է, ես շատ նման եմ քո Սօնային, դու սխալուած չես: Ձեզ մարութն է բերել, որին դուք Արթօ էք տեսնում և որը ինձ ազատեց Ուսօ-բէկից:

—Սալվին... հա, հա Արթօն... ախ...: Հիւանդը լուեց և դարձեալ զառանցանքների մէջ ընկաւ: Երկու օր էր, ինչ նրանց մի կերպ այդտեղ էին հասցրել: Դրանք իրանց սիրահարութեամբ զրգուել էին չար մարդկանցը, որոնք և վիրաւորել էին այդ անմեղ սիրահարներին, որոնց Արթօն իր ընկերների հետ Տըրխ էր փախցրել, յոյս ունենալով դեռ կեանք պարգևել նրանց: Այն եղերական օրից երեք-չորս օր էր անցել, և այդ մի քանի օրուայ մէջ նրանք համարեա ոչինչ չէին կերել: Խնամողները միայն ստէպ-ստէպ մի քանի կաթիլ կաթ կամ ջուր էին կաթեցնում նրանց պապանձուած շրթունքներին թէ՛

քաղցր, թէ՛ ծարուր յապեցնելու: Վիրաւորներէց մէկը՝ Վահէն, դարձեալ աչքերը բաց արեց. այս անգամ տան պսուտն էլ մօտ եկաւ ուրախացած և, ձեռքը սիրալիր մօր պէս նրա ճակատին դնելով, հանգիստ կերպով հարցրեց.

— Ի՞նչպէս ես քեզ զգում, Վահէ շան:

— Ի՞նչպէս... կրկնեց նրա հարցը կցկտուր կերպով Վահէն, — Ի՞նչպէս... ինչո՞ւ Սօնան չի զարթնում... ես... ես... օ... լաւ եմ... ինձ ոչինչ չի եղել... այժմ ես, ես, օ... կը լսեմ Արթօյին. օ, ի՞նչ օրի ենք հասել... Ապա գլուխը շուռ տուեց դէպի Սօնան և երկա՛ր, շատ երկա՛ր նրա գալկացած դէմքին նայեց, յետոյ, կարծես անցեալի դառն պատկերները իրանց եղերական իրողութեան հետ մտաբերեց և, ժողովելով իր բոլոր ոյժերը, վեր ցատկեց դէպի Սօնայի կողմը, բարձր ճչալով, — Սօնա, ա՛յ Սօնա՛, վե՛ր, վե՛ր, մեզ այլ ևս ո՞վ կը բուժանի — մենք միասին ենք: Սակայն իսկոյն և եթ թուլացած վայր ընկաւ. դեռ երեկ պիշեր նրանից ճանապարհին այնքան արիւն էր գնացել, որ համարեաւ ուժասպառ էր եղել. այժմ էլ ցատկելու ժամանակ վիրակապն արծաւիտեց և արիւնը դարձեալ հոսել սկսեց վերքից:

Սալվին և իր տասը զգուշութեամբ կապեցին նրա վերքը: Նրանք անհամբեր Արթօյին էին սպասում, որը, այդ դժբաղդ սիրահարներին նրանց յանձնելով, շտապել էր հէքիմի ետեւից իր ընկերների հետ միասին: Այդ Արթօն մի քանի շաբաթ առաջ ազատել էր Սալվին քուրդ բէկերի ճանկերից: Վերքերը ճանապարհին մի կերպ կապել էր նա, ուստի անհրաժեշտ էր հէքիմի օգնութիւն:

Վերջապէս, Արթօն հէքիմի հետ վերադարձաւ: Տեսնելով պարկածներին, հէքիմը ցնցուեց. մի քանի ամիս էր, ինչ նա բաժանուել էր Վահէից, իր սիրելի ընկերից, և, առանձնանալով այդ կողմերը, պարտապում էր իր արհեստով: Սա, նկատելով Վահէի այդ ողբերգական դրութիւնը, արտասուել սկսեց, ապա մօտ գալով, բռնեց նրա զարկերակը ու գլուխը թափ տուեց: Արթօյի օգնութեամբ նա վերքը բաց արեց, ուշի ուշով զննեց և դառն հոգոց քաշելով, թի տակին կրկնեց մի

քանի անգամ. — «արիւն շատ է դնացել. բացի այդ վերքը ինքնըստինքեան շատ վտանգաւոր է». — և նա սկսեց վերքը լուսնալ, մաքրել զանազան կեղտոտութիւններէից ու կապել: Միևնոյնը արեց Սօնայի հետ. սակայն սրտ մասին բացասական կարծիք յայտնեց — «ես յոյս չունեմ, որ այս թշուառ զոհը նորից կեանք ստանայ, ոտքի կանգնի. ինչ էլ որ լինի, ես պիտի մնամ այստեղ և ամեն կարելին անեմ, գուցէ մի անյայտ ծեռք օգնութեան դայ այս անբաղդ զոհերին»:

Հէքիմը օրական մի քանի անգամ այցելում էր իր բարեկամ հիւանդներին և հարազատ մօր պէս ոչինչ չէր խնայում այդ թշուառներին: Շնորհիւ նրա տոկուն և խելացի հոգացողութեան, Վահէն օրէցօր սկսեց դէպի լաւը գնալ այնպէս, որ նրան շրջապատողները յաճախ ուրախութեամբ կրկնում էին՝ «յոյս ունինք Վահէին դարձեալ առողջացած տեսնել և նա զոր չի դնայ տիրող տգէտ պայմաններին»: Եւ իրօք, «բժան թշուառ զոհեր են դերեզման իջնում տիրող պայմանների շնորհիւ այն մթնոլորտներում, ուր ամեն բան դեռ բարձրիցն է կախուած համարւում, ուր դեռ թագաւորում է «առանց Տիրոջ կամքի ծառի տերէն էլ չի պոկ գալիս»-ի դառն հասկացողութիւնը: Եւ դեռ, գուցէ, շատ և շատ տարիներ սահեն երկրիս վրայով, չկարողանալով վախճան պատրաստել այդպիսի կսկծեցուցիչ հեաւանքներ ունեցող հասկացողութիւնների համար:

Սակայն մխիթարական էր Վահէի ներկան, նրա վերքը այժմ վտանգ չէր սպառնում կեանքին. ամենքը համոզուած էին, որ նա շնորհիւ իր հէքիմ ընկերին էր կեանք ստուցել:

Այդպէս չեղաւ թշուառ Սօնայի ճակատագիրը. նա սկսեցաւ այդ անբաղդ աղջկայ համար և իր սև դոյներով դերեզման պատրաստեց նրան: Հէքիմի ճիգ ու ջանքերը ապարդիւն անցան: Անհուն կսկծի հարուածի տակ այդ տաքարիւն աղջիկը անխնայ էր գործ դրել դաշոյնի մեխումն, որից ոչ մի միջոց փրկել չը կարողացաւ նրան: Այո՛, անխնայ էր գործ դրած դաշոյնի հարուածը, և այդպէս անխնայ միայն անկեղծ սիրահարներ վարուել գիտեն. նրանց երևակայութեան մէջ միայն

երկու ծայրեր գոյութիւն ունեն, երկու ծայրեր միայն աեղ  
բռնած ունին՝ սիրել անսահման սիրով, ատել նողկանքի ան-  
հուն դառնութեամբ. ապրել միայն սիրելիի համար, մեռ-  
նել դարձեալ միայն նրա համար: Այդպիսիներից էր և Սօնան:  
Արդէն ութերորդ օրն էր, ինչ հէքիմը Տրրիս գիւղումն էր.  
այդ օր նա վաղ առաւօտեանից ոտքը չէր հեռացրել Սօնայի  
մօտից, այլ ամեն կերպ աշխատում էր մեղմել նրա տանջանք-  
ները, որոնք հետզհետէ թուլանում էին: Սօնան մեռնում էր.  
նա վերջին անգամ բաց արեց իր չքնաղ աչքերը, այս ու այն  
կողմը նայեց, կցկտուր կերպով արասասանեց մի քանի անուն-  
ներ և գլուխը դնելով Սալվիի ծնկների վրայ, որ նրանից  
նոյնպէս չէր հեռանում այդ օր, և ցոյց տալով իր գրպանը,  
խնդրեց միշի թղթի ծրարը Վահէին յանձնել, երբ նա կը  
վերադառնայ: Հէքիմը նրան համոզել էր, որ Վահէն առողջացել  
և զնացել է նոր բժիշկ հրաւիրելու. այն ինչ նա նրանց առաջի  
օրուանից առանձին-առանձին սենեակներում էր պահում:

## II

Եւս գիշեր էր: Լուսինը վաղուց անհետացել էր երկնա-  
կամարի վրայից: Գիշերային անթափանցելի աղչամուղջը լռե-  
լեայն իր թևերի տակն էր առել Մասիսի շրջակայքը: Ամեն ինչ  
սև ու խաւար էր. ամեն ինչ ծածկուած գիշերային մութ  
սաւանով: Ոչ մի բան աղատ չէր խաւարի ընդհանուր տիրա-  
պետութիւնից: Ամեն արարած, կարծես, աղչամղջի ընդ-  
հանուր թագաւորութիւնը աւելի զօրեղացնելու, հզօր դարձ-  
նելու համար՝ փակել էր վաղուց իր աչքերը և անտարբեր կեր-  
պով մշշում, խռմփացնում էր:

Դուրսը կեանք ասած բան, կարծես, վաղուց անհետացել  
էր երկրի երեսից. ո՛չ մի շարժում, ո՛չ մի ծայն-ծպտուն չը կար.  
Միայն ստէպ-ստէպ հազիւ լսւում էին ծառերի սօսափիւնը,  
խշշոցը, որոնք իրանց տերեւների այդ միակերպ ողբերգու-  
թեամբ ասես բողբոջում էին աղչամղջի անողոր և սրտամաշ  
տիրապետութեան դէմ:

Հեռու արևելքում մի ինչ որ բան մարուող, հանգչող սաստ-  
ղերի պէս փայլում, կարմիր բոցեր էր արծակում, ապա կոր-  
չում, անհետանում էր տիրույ խաւարի մէջ: Դա հանգչող սաստղ  
չէր՝ երկինքը մթին էր տալիս. սե-սե բարակ թուխպերը փա-  
լուց ծածկել էին նրա երեսը, սաստղերը չը կային:

Դա Գ. գիւղի բանախ լապաերն էր, որը դրան ցցուած  
սեան վրայ ամրացրած, այս կողմ այն կողմ արծակելով իր  
աղօս լոյսը, ասես կուռում էր գիշերային չար ոգիների հետ և  
աշխատում պատուել խաւարի դաժան երեսը:

Լուսթիւնը թագաւորում էր և բանտի շրջակայքում, որը  
մերթ ընդհատուած էր գիշերապահի ոտքերի թրմփոց-  
ներով, որը բանտի պատի տակին հրացանն ուսին դրած՝ հան-  
գարտ և համաչափ քայլերով երթևեկում էր, աջերը շուտ-  
շուտ այս ու այն կէտին ուղղելով, երբեմն էլ փոքր ինչ կանգ  
առնում, ականջ դնում այս ու այն շշուկին և, բերանը լայն  
բաց անելով, օրօշտում ու նորից շարժում իր քայլերը:

Նրանից ոչ հեռու երևում էր մի սև ահագին դանգուած,  
որի երկարութեամբ միշտ երթևեկում էր գիշերապահը. դա  
բանտն էր: Այստեղ վաղուց արդէն տիրում էր գերեզմանային  
լուսթիւն. կալանաւորներն այս ու այն անկիւնում կուչ եկած,  
զառը հոլպերի շտակ ճնշուած՝ նիրհում էին: Որը վաղը պիտի  
կախաղան բարձրանար, որը դատի պիտի կանչուէր, որի դա-  
տավճիռը արդէն կարգացուած էր աքսորի, կամ տաժանակիր  
աշխատանքների ենթարկութեամբ: Բայց որքան արդարացի էր  
այդ. շատերը կրում էին այդ սոսկալի տանջանքները, պատիժ-  
ները լոկ պատրաստուած վկաների սուտ ցուցումներով. շա-  
տերը չէին կարողացել ժամանակին տեսնուել սրա-նրա հետ և  
բերանները իւղել, որ մեղսգրական արծանազրութիւնները  
խիստ և չարագուշակ չը կազմուին: Ինչեւիցէ, նրանք անողոր  
բաղդի հարուածներին թողած իրտնց տուն-տեղը և սիրելիներ-  
ը՝ այսօր հեծում էին բանտի մութ խորշերում: Այդպէս  
է մարդկանց նախատագիրը, որը գիտէ իր անհուն բաղցրու-  
թեամբ շոյել մարդկանց և բաղդի դազաթնակէտին հասցնելով  
ովսանաներ կտրուալ տալ. գիտէ և այդ վիթխարի բարձրու-

Թիւնից գլորել ցածր իր զոհերին այն անյատակ վիհը, խորխորատը, ուր Թադաւորում է արցունքների, տանջանքների, լաց ու հեծեծանքի քարասիրտ իշխանութիւնը: Իսկ եթէ դրանց վրայ աւելանում են բանտ ու կապանքներ, ուր ազատութիւնը իւրաքանչիւր քայլափոխում սրբապղծւում է, ուր անհատը զրկւում է ամեն մի բարոյական սկզբունք կրող իրաւունքից, այն ժամանակ սև ճակատագրի զաւանթանութեան պատկերը կատարեալ կարելի է համարել...

Բանտէր... ռքան սրտամաշ է այդ անունը. ռքան քաշասիրտ է ձեր միշտվայր կազմող մթնոլորտը, և ռքան խուլ հառաչանքներ են լսուել ձեր անողոք յարկի տակ: Բանտէր... որքան անմեղ զոհեր էք դուք յաւիտենականութեան զիրկը զրլորել և ռքան արցունքների, վիշտ ու տառապանքի սկզբնապատճառ էք դարձել: Դուք ձեր Թունայից մթնոլորտում սնուցել էք սկսած սար ու ձոր դողացնող աշխարհակալներից մինչև վերջին հացի փշրանքի կարօտ մուրացկանին: Դուք ձեր զագրելի տանջանքներին ենթարկել էք արդարութեան աւետարան քարոզող պետերին: Քա՛նի-քա՛նի դարեր են սահել յաւիտենականութեան զիրկը, բայց այսօր դուք դարձեալ նոյնն էք: Խաղացե՛լ էք արդեօք դուք ունէ ուղղիչ դեր մարդկայնութեան ընդհանուր զարգացման և քաղաքակրթութեան պատմութեան էջերում: Եղե՞լ են արդեօք որևէ բարւոքման և կուլտուրական սկզբունք տարածող ձեր Թողած հետքերը ազգերի և մարդկութեան պատմութեան մէջ:—Ո՛չ, ո՛չ, չեն եղել: Խաբուսիկ է ձեր գոյութիւնը. ծով ու ովկիսոսներ կը կազմէին ձեր քամած արցունքները. սուգ ու շիւան են ձեր Թողած հետքերը: Եւ գուցէ նոյնը մնաք դուք, քանի որ ձեզ չեն փոխարինել որոշ սկզբունք կրող տներ...

Գիշերապահը ինչ որ մի փսփսոց լսեց բանտի լուսամուտից ու այն կողմը առաջ դնաց: Լուսամտից ոչ հեռու նստել էր մի տարիքաւոր կալանաւոր և սաղմոսն առաջը դրած՝ կամացուկ կարդում-աղօթում էր: Նա տէքերը երկինք բարձրացնելով, մըմնչաց.— Տէ՛ր, հան ի բանաէ զանձն իմ, զոհանամ զանուանէ բումմէ... Գիշերապահը նայեց նրան ու վերադար-

ծառ. առաջին անգամ չէր նա նրան անանում այդ դրութեան մէջ: Ապա կալանաւորը, վերջացնելով իր առօրեայ աղօթքը, յենուեց իր ձեռքի վրայ և սկսեց դուրս նայել լուսամտից: Այնտեղ ամեն ինչ մութ ու խաւար էր, ինչպէս իր վիրաւոր սիրտը. ոչինչ չէր երեւում, և նա շարունակում էր նայել: Նա ընկղմուել էր ծառայանշութեան մէջ և իր փառաւոր անցեալին էր մտաբերում ու դառն վշտի առկա արցունքներ թափում: Նա չիշեց իր հոյակապ պալատները, որոնք մի ժամանակ մայրաքաղաքի զարդն ու պծրանքն էին կազմում. չիշեց, թէ որսեղից այժմ ո՛ւր է հասել. չիշեց, թէ ո՛րքան անգութ է վարուել իր հետ անողոր ճակատագիրը: Նա աւելի ևս հեռու անցաւ, երբ ինքն այդ մայրաքաղաքի աչքի ընկնող և առաջնակարգ վաճառականների շարքում պատկառելի տեղ ունէր բռնած և միլիոնների հետ էր խաղում: Յիշեց և դառն հոգոց քաշեց, որ այդ բոլորը կորել են անդառնալի: Ո՞րպիսի փոփոխութիւն, ո՞րպիսի անողոր հարուած... Իսկ այդքան անփոխարինելի կորուստից յետոյ վիճակուած են իրան բանտ ու կապանքներ... Նիւթականի կորուստը նրան այնքան վիշտ չէր պատճառում: Մի քանի ամսուայ մէջ ինչ-ինչ անյաջող հանգամանքներ միմեանց ետեւից զրկեցին նրան իր նիւթական բարձրութիւնից, և նա վերադարձաւ իր հայրենի Բ. քաղաքը, ուր աշխատում էր փոքր ինչ սպահովել իր և ընտանիքի նիւթական դրութիւնը: Նա շուտով հիմնեց ներկարարի գործարան քաղաքի ծայրում և իրան երջանիկ էր համարում, որ մի կերպ կարողացաւ ապահովել իր դրութիւնը: Սակայն այստեղ էլ նրան բաղդը հալածեց: Զուր չէ տաճ քրդական առածը թէ՛ «խէր դա բրնէզ, շառ դա բրնէզ...» (խէրն էլ իրար ետեւից կը գայ, շառն էլ): Միևնոյնը կատարուեց և նրա հետ: Շուտով մայրաքաղաքից վերադարձաւ այդտեղ Տրաթրամէի որդի Վաւմը և հօր թողած կտակի համաձայն՝ սկսեց բողոք-բողոքի ետեւից տալ պատշաճաւոր իշխանութեան, թէ իր տները շատ հեռու չեն այդ գործարանից, ուստի ներկերի վատ ազդեցութիւնը զանազան հիւանդութիւններ է պատճառում թէ՛ իրան և թէ՛ իր ընտանիքին և օրէնքի համաձայն պահանջում էր քանդել այդ

գործարանը: Իսկ գործարանի տիրոջ բարեկամներն սկսեցին օրինաւոր փաստեր բերել, որ գործարանը գտնուած է որոշ հեռաւորութեան վրայ, այդ պատճառով չի կարող ոչ մի ֆուսս տալ բողոքատուին: Թէեւ այս վերջինները տարան յաղթանակը. սակայն ամեն տեղ հալածուած այդ հարուստը անչափ վիրաւորուած համարեց իրան, որ զրկուելով ամեն ինչից, այժմ իր հայրենի քաղաքում էլ մի անկիւն չեն ուզում տալ իրան. այն էլ ո՞վ չէ ուզում.— նա, որը իր շնորհիւն է մտել բարձրագոյն դպրոց, աւարտել և այժմ տղայական կապրիդներով բռնկուած, հալածուած է իր մի ժամանակ բարեբարին: Ուստի և լցուած վշտի անհուն դառնութեամբ դէպի մարդկանց այդչափ լալիր յայերախտութիւնը, որ պարզ տեսաւ Վռամի մէջ և որը այնքան զգուշի ծնով արտայայտուեց իր դէմ, վրձնեց այդ իր հայրենի նուիրական վայրիցն էլ հեռանալ: Այդքան ծանր էր ազդել նրա վրայ յայերախտութեան զգացմունքը, և այդ միայն եղաւ պատճառ, որ նա գլուխն առաւ ու հեռացաւ այդտեղից, աւերելով գործարանը, որը ճիշտ որ ոչ մի ֆուսս չէր ստալիս Վռամին: Թափառելով երկրէ-երկիր, այդ հալածական անբաղդը վերջապէս բնակութիւն հաստատեց մի պղնձհանքի շրջակայքում, Գ... գիւղի մէջ, ձեռք բերելով այդ պղնձհանքի կառավարչի պաշտօնը, ուր և մնաց մինչև եկաւ մի այլ ծախորդութիւն լցնելու նրա անբաղդութեան բաժակը, և նա կալանաւորուեց ու նետուեց Գ... գիւղի բանտը, ուր և ամեն դիշեր արտասուքի հետ լսում էր նրա ազօթքը.— Տէր, հայն ի բանտէ... Իբրեւ պղնձհանքի կառավարիչ, նա պատասխանատու էր այնտեղ պատահելիք ամեն ինչի: Մի օր պղնձհանքի գործարանից զոդացել էին մի պատկառելի զուժար: Կասկածը ծանրացաւ մի տաճկահայ բանուորի վրայ, և նա առանց քննութեան պղնձհանքի բանտը նետուեց, ուր և յուսահատութեան միջոցին, թէ ինչից զրդուած՝ խեղդամահ եղաւ, թէ խեղդամահ արին նրան: Այդ բանը մութը մնաց. ուստի կառավարութիւնը, տեսնելով այդտեղ օրէնքի խախտում և ինքնահան վարմունք այլոց կեանքի դէմ, յանցաւոր ճանաչեց կառավարչին և բանտարկեց նրան:

—Ո՛հ, իմ այս անբաղդութեան պատճառը Վռամը եղաւ, — կրկնում էր յաճախ դժբաղդ կալանաւորը, — եթէ նա չը յուսահատեցնէր ինձ, ես ընդ միշտ հաստատուած կը լինէի իմ հայրենի քաղաքում, ուր և զնացի մինչև կեանքիս վերջին օրերը ապրելու։ Բայց նա, այն իժի ծնունդը, մոռացաւ ամեն բան, մոռացաւ այն ամեն բարիքը, որոնց ես չը խնայեցի նրան և իր հօրը, և իր ապերախտ վարվեցողութեամբ հեռացրեց ինձ իմ սիրած վայրերից և այստեղ հասցրեց։ Նա իր անզգամ հօր կրտսին է կատարում։ Իժից իժ է ծնուելու։ Անողորմ Բրուտոս, դու յանդգնեցիր ձեռք բարձրացնել քո բարերարի վրայ։ Միթէ մոռացար, երբ տրեխները հագիլ, խաչագող հօրդ փէշերից բռնած՝ մի առաւօտ հօրդ խաչագողութեան սալակով իմ դռանը կանգնեցիք։ Ես պատասպարեցի ձեզ, ձեզ հետ եղած յանձնարարական նամակին ոյժ տուեցի իմ անթիւ բարեկամների միջոցով, առանց որոց այդ նամակը ո՛վ գիտէ ինչի հարկաւոր լինէր։ Այո՛, ես այստեղ ընկայ, այնտեղ զարնուեցի և յանուն վեհ զգացմունքի, վեհ գաղափարի քեզ բարձրագոյն զպրոցի հիմնարկութեան մէջ սան դարձրի, հովանաւորեցի, որ ապագայում քո լրբութեան անարդ դաւադանը իմ վրայ փորձէս։ քեզ նետ դարձրեցի, որ քո սլաքները դէպի սիրտս ուղղէիր, հա՛։ Անաստուած։ արդեւք ի՞նչ է լինելու քո վերջը...

Մինչ սա այսպէս մտածում էր, յանկարծ գիւղից ոչ հեռու ճանապարհի վրայ երևացին մի խումբ ձիաւորներ։ Խմբի առաջից հանգարտ գնում էր նրա հրամանատարը։ Ահա՛, նրանք հասան գիւղի աչգիներին և խմբաւորեցին հրամանի համաձայն վայր իջան ձիերից և անշաղկապ անցան աչգիներում տիրող խաւարի մէջ։ Դիչ յետոյ այնտեղից դուրս եկաւ մի կարճահասակ մարդ իր երեք ընկերների հետ և բոլորը միասին ուղևորուեցին դէպի Գ... գիւղի բանտը։

— Տղերքը չեն քնել, մի՛ վախէ՛ք, ես նրանց խստիւ պատուիրեցի զգուշ լինել և մեզ սպասել ու ձիերին լաւ կրչտացնել, որ կարողանանք մինչ առաւօտ բաւականին ճանապարհ կտրել։ Իմ թառլանս չի խրխնջալ։ Ես նրան լաւ եմ պատուիրել։ Եթէ նա լուռ մնայ, բոլոր միւս ձիերը կը հե-

տւին նրա օրինակին, առաջին անգամ չէ այս,— փափսում էր իր ընկերներին կարճահասակը:

Վերջապէս, նրանք մօտեցան բանտին և կանգ առին: Կարճահասակը մօտեցաւ գիշերապահին և ինչոր հասկացրեց նրան: Գիշերապահը սկզբում գլուխը բացասական շարժեց, բայց երբ նրա կարճահասակ խօսակիցը բաց արեց իր համոզեցուցիչ լեզուն և ցոյց տուեց նրան իր ձեռքում եղած Թղթադրամները, նա մեղմացաւ և համաձայնուեց նրա հետ: Շուտով գիշերապահի Թղլտուլթեամբ կարճահասակը մօտեցաւ բանտի լուսամտաին և Թրխկացրեց, իսկ նրա ընկերները բարձրացան բանտի տանիքը:

Կալանաւորը գլուխը բարձրացրեց և մնաց տեղն ու տեղը սառած՝ իրանից փոքր ինչ հեռու կանգնած էր Արթօն, որը հազիւ լսելի ձայնով փսփսալ սկսեց նրա հետ:

— Թորոս-բիժա, մի՛ մտածի՛ր, ես եմ. այսօր դու ազատուած կը լինես. քո լուսամտաի վերեւ այժմ մի ծակ կը բացուի. բարձրացի՛ր լուսամտաւ և ձեռք մեկնի՛ր դէպի այդ ծակը. այնտեղից քեզ գուրս կը հանեն և դու բարեկամներդ շրջանում կը լինես. զգոյշ:

Կալանաւորը Գ... գիւղում ապրող Թորոս-բիժան էր, որի տանը իւրաքանչիւր տարի սահմանից անցնելիս, կամ այնտեղից գալիս ապաստան էին գտնում զանազան անցորդներ: Ինչպէս տեսաք, նա ընկնելով իր նիւթական բարձրութիւնից, մայրաքաղաքից վերադարձաւ Բ... քաղաքը, իր հայրենիքը, սակայն Վառձի կապրիզներին չը կարողանալով դիմանալ, հեռացաւ այնտեղից և ապրում էր այդ գիւղում, կատարելով պղնձհանքի կառավարչի պաշտօն, որի պաշտօնակատարութեան ընթացքում և բանտարկուեց:

Շուտով Բորոս-բիժայի գլխիվերեւ ճիշտ որ առաստաղը ծակուեց, և սա ուրախացած իր ձեռքը մեկնեց դէպի այդ ծակը: Մի երկու րոպէ ևս, նա արգէն տանիքումն էր: Անծանօթները առաջնորդեցին նրան և Արթօնի հետ կորան խաւարի մէջ:

Մի ժամից չէտոյ լսուեց գիշերապահի հրացանի պայթիւ-

նր և հարաջ տալը թէ՛ կալանաւորներէց մարդ փախաւ: Սկսուեց մի չտեսնուած իրարանցում բանտի մէջ, բայց ի՛նչ. զիշերապահը Արթօյի ցոյց տուած ժամանակին էր հարաջ սուել, ուստի վերջինս արդէն բաւականին ճանապարհ էր կտրել, այնպէս, որ այլեւս երկիւղ չէր սպառնում նրանց: Անընդհատ արշաւելով, Արթօն երկու օրից յետոյ Թորոս-բիծայի հետ արդէր Տրրիս գիւղումն էր, ուր էին Սօնան և Վահէն անյուստի վիրաւոր դուրթեան մէջ:

—Ո՛հ, ի՛նչ լաւ բան կը լինէր, եթէ սրան էլ փրկել կարողանայի,— կրկնում էր հէքիմը, նայելով Սօնայի թուլացած դէմքին:

—Գուցէ բարին այս է, հէքիմ, չիք չարիք սուանց բաբեաց,—նկատեց նրան Թորոս-բիծան,—գուցէ զրա մահն է բարի. էհ, ի՛նչ կարող ենք անել:

—Ո՛չ, ես ցաւում եմ հոգոյս ամեն էութեամբ, որ այսպիսի անկեղծ սրտի տէր անհատներ շատ սակաւ թիւ են կաղմում մեր զժբաղդ միջավայրում:

—Ճիշտ է:

—Խեղդել զաւակներին, մարդկանց զգացմունքները, դա ծնողների գործ չէ, այլ հրէշների. սակայն, տարաբաղդաբար, արնպիտի հրէշներով տակաւին վիթոււմ են մեր խաղաղ խրրհիթները:

—Աւօյին, ա՛յ, հիմի պիտի էստեղ քաշ տալ, որ տեսնի իր աղջկան և հասկանայ թէ՛ ի՛նչ է եղել իր արածը:

—Մի՛թէ կարծում էք, որ նա կը խղճահարուի: Քանիքանի այսպիսի օրինակներ են տեղի ունեցել. բայց մեր ծնող-զազանները զրեթէ սթափուելու նշաններ անգամ չեն արել: Դեռ մի տարի չի անցել, ինչ մեր գիւղի Տանձոտենց Կարօյի աղջիկ, Սանդուխտը, ծգուեց իրանց ջրհորը և այնտեղ էլ իր մահը գտաւ, որովհետեւ հայրը նշանեց նրան առանց հարցնելու աղջկայ կամքը: Երկու տարի չի անցել, ինչ Զ... գիւղացի Բոստանչոնց Մակին պարանով խեղդամահ եղաւ, որովհետեւ հայրը պսակում էր նրան հասակն առած մի աչրի վաշխառուի հետ: Դեռ չեմ տեսնում Թոփանչոնց Ծովելի, Կրճիենց Զարդարի, Զի-

Թանցոց Անուշի, Գիւլօինց Փիւլի, Մուղսոնց Համասի մահը, որոնք միայն մեր գիւղումն են տեղի ունեցել այս քանի տարուայ մէջ և որոնց զիակաները հազիւ-հազ են գտել մեր լճի միջից։ Բայց քանի-քանի այսպիսի գիւղեր կան, որոնց մասին մենք տեղեկութիւն անգամ չունենք։

— Էդ թուածդ զոհերի մասին ոչինչ չը գիտեմ. բայց այս թշուառ աղջկայ կորստեան պատճառը, գրեթէ, ամբողջովին Տրաթլամէն է եղել. եթէ նա խելքահան չանէր Աւօյին, նա զժուար թէ էդքան անսիրտ գտնուէր զէպի իր աղջիկը։ Դեռ սա մեռնում է, ազատուում է էս վերան աշխարհի զարդերից. իսկ ի՞նչ անեն նրա այն անթիւ զոհերը, որոնք մինչև իրանց կեանքի վերջը պիտի հեծեն խելոնութեան տանջանքների բովում։ Դրանցից, այդ անմեղ զոհերից, մէկն էլ ես եմ. ի՞նչ անեմ ես. ի՞նչ անէ իմ անբաղդ ընտանիքը. ի՞նչ անէ վիրաւոր Վահէն, որը սրա մահից յետոյ, չը շիտեմ, ի՞նչպէս պիտի կենդանի մնայ, եթէ կենդանի էլ մնայ, մի՞թէ կենդանութիւն կարելի կը լինի անուանել այն՝ այս անգնահատելի կորուստից յետոյ...

Սօնան մի քանի շղաթական շարժումներ գործեց. ապա ծանր-ծանր խոխուպ սկսեց. նա իր այդ ցնցումներով վերջին հրաժեշտն էր տալիս կեանքին։

— Ո՛վ, Վահէ, բուռն զգացմունքով ցանկանում էի քեզ խաչադբէր լինել. սակայն ճակատագիրը այլ կերպ տնօրինեց քո ապագան. Վաղը թերևս քո Սօնայիդ հետ գերեզման ուղարկեմ քո կեանքը, քո սիրտն ու հոգին։ Ինչու այդ դերը ինձ վիճակուեց, — կրկնում էր հէքիմը։

### III

Եւսօրուայ տօթը վաղուց էր մեղմացել։ Նրեկոյ էր. արևը արագ-արագ մօտենում էր հորիզոնին, իր ետեւից թողնելով անթիւ ու անհամար ստուերներ։ Իւրաքանչիւր առարկայ աշխատում էր՝ իր ստուերով որքան կարելի է սուելի ևս ձգուել երկրի վրայ։ Բացառութիւն էին կազմում և Տրրիս գիւղի գերեզ-

մանոցի հազարաւոր դամբարանաքարերը, որոնք իրանց սև-սև ստուերներով դաժան կերպարանք էին տալիս գերեզմանոցին և աւելի ևս սոսկում, ահ ու դող տարածում մարդու վրայ: Զարմանալի է հայի ազգայնական յատկութիւնը՝ ինչպէս և լինի ծածկել իր սիրելիների շիրիմները յաճախ վիթխարի ժայռերով, եթէ նիւթականը չէ ներում նրան սեպածն քարեր ձեռք բերելու: Գերեզմանոցում միայն մի շիրիմ էր երևում առանց տապանաքարի: Շիրիմը նոր էր, որը պարզ աչքի էր ընկնում նրա թարմ հողից: Դա, ընթերցող, Սօնայի շիրիմն էր: Այդ թշուառ զոհը մի քանի օր մաշուելով տանջանքների բովում, վերջապէս փոխուեց յաւիտենականութեան գիրկը և իր թարմ հողաթմբով հեռուից աչքի էր ընկնում այդ գերեզմանոցում:

Գերեզմաններ... ո՞վ չէ արտասովոր ահաբեկող երկիւղ զգում իր երախներում, ախմայ զանազան ցնցումների ենթակայ լինում, երբ տեսնում է ձեզ և շրջում է ձեր մէջը: Ո՞ր իրան անմահ կարծեցող անհաս, ձեր շուրջը գտնուելով, չի հնազանդում բնութեան ընդհանուր օրէնքին և ախմայ աչքերը երկինք դարձնում, իր ոչնչութիւնն զգում և ինքնիրան մըմնջում՝ «ունայնութիւն ունայնութեանց, ամենայն ինչ ընդ ունայն է» և իրան էլ մահկանացուների թուումն հաշուած: Ո՞հ, դառն են ձեր թողած ապաւորութիւնները, ծանր է և մաշող ձեր ներկայութիւնը: Քանի-քանի սիրեցեալ սրտեր էք դուք բաժանել իրարից՝ բուռն փափազը անկատար թողնելով նրանց սրտերում: Քանի-քանի վեհ գաղափարներով սողորուած սրտեր էք կուլ տուել, որոնք, գուցէ, և ընդ միշտ կորել են մարդկութեան համար: Որչափ անյաղթ հսկաներ են լուռ ու մունչ ձեր հասցրած խոցերից ձեր գիրկը մտել և կորել յաւիտենական ովկիանոսում:

Անողոր և կսկծեցուցիչ են եղել ձեր սուլած հարուածներ... Դուք քամել էք և քամում էք վշտի արտասուքներ սկսած զառամեալ ծերերի աչքերից մինչև վերջին թոթովախօս մանուկի աչքերը: Սակայն և ո՞րքան սթափուեցուցիչ դեր էք խաղացել և պիտի խաղաք անհատի և մարդկութեան

վրայ: Գերեզմաններ... որքան շատ բան էք դուք մեզ ասում: Սրաների, զգացմունքի ծովեր կը կազմէիք դուք, եթէ գէթ մի օր ձեր տարած այդ զոհերը կարողանային դուրս պրծնել ձեր սպանիչ կապանքներից: Դառն է, դառը ձեր լուռութիւնը... Դուք ձեր լուռութեամբ հազարաւոր պերճախօս լեզուներից լաւ ապացոյց էք տալիս ձեր ինչ լինելու, ձեր էութեան մասին...

Օրուայ այդ պահուն գերեզմանոցում միակ մի մարդ էր երևում: Տեսնողը ահշուշտ կը կարծէր, որ դա մահուան ճիւղաններից փախուստ տուած բաղդաւոր մահկանացու է: Նրա դէմքը վշտից, լաց ու կսկծից, սուգ ու շիւանից թորշոմած մի բան էր ներկայացնում իր անկարագրելի այլայլութեամբ: Նա գունատ էր և մաշուած: Նա յուսահատուած էր և լուռ: Նրա ներքին աշխարհը այդ ժամին հազարաւոր փոթորիկներից երերուած ծովի նման ծփում էր յուզմունքի ալիքների տարափի տակ և ոչ մի տեղ հանգիստ չէր կարողանում առնել: Ստէպ ստէպ նրա կրծքի խորքերից լսուում էին խուլ հառաչանքների ծայներ, որը ասես ընդհատուած էր շնչարգելութեամբ: Նա այնքան էր ընկղմուած վշտի ինքնամոռացութեան մէջ, որ ուշադրութիւն անգամ չէր դարձնում իրան շրջապատող հազարաւոր շիրիմների վրայ. ըստ երևութին նա վաղուց, շատ վաղուց ծանօթ էր լուռութեան այդ աշխարհի հետ և առաջին անգամ չէր, որ շրջում էր գերեզմանոցում:

Նա կամաց-կամաց մօտեցաւ Սօնայի գերեզմանին և յանկարծ միանգամից իր անեղ ծայնով թնդացրեց տիրող լուռութիւնը, ասես մի տհաճին գետ արգելուած լինէր երկրի խորքերում, որը ներքին մի ոյժի բռնկումով քանդում է իր արգելքները և ծայների, խշշոցների, գոռոցների տհաճին տարափով դուրս է վազում, այլպէս և նրա հոնգորոցի շիւանի հետ արտասուէր հեղեղի նման սկսեց վազել նրա աչքերից և նա ծունկ չոգեց այդ գերեզմանի առաջ ու անհամար համբոյրներով ծածկեց անբաղդ զոհի շիրիմը: Երկար նա զբոլուխը խոնարհած հողակոյտի վրայ ֆնաց ընկած. բայց յանկարծ մի ինչ որ բան լիշեց և իսկոյն ուղղուեց, ձեռքը զրպանը տարաւ և այդտեղից դուրս բերեց այն թղթի ծրարը,

որը Սօնան հողեվարքի բուպէներին կտակել էր Սալվիին՝ յանձնել Վահէին: Դա ոչ այլ ինչ էր, եթէ ոչ մի նամակ: Նա բաց արեց և կարդաց մի բանի անգամ:

Ընդ միշտ իմ Վահէ.

Այս նամակս ես միշտ գրպանուծս եմ պահելիս եղել իմ նշանադրութեան հէնց առաջին օրից: Հաւատացած եմ մեռնում, որ ինձանից յետոյ քո օրը՝ օր չի լինի, և քո կեանքը՝ կեանք չի լինի: Բայց խնդրում եմ ըյժ ունենաս գէթ՝ եթէ ոչ սէր, գոնէ մի մխիթարութիւն ձեռք բերես քեզ համար, որով և մասամբ կը մեղմես դառն օրերիդ տանջանքները: Մի՛ յուսահատուի՛ր, մի՛ վշտանա՛ր, իմ անսահման անկեղծ սէրը և ես կը լինենք քեզ միշտ պահապան:

Քո Սօնա:

«Գէթ սէր, մի մխիթարութիւն ձեռք բերես...», մըրմնջաց այդ հողեպէս դժբաղդ հիւանդը, որը, չեմ կասկածում, ընթերցող, հասկացաք, որ Վահէն էր:

Այդ թշուառ երիտասարդը չք մեռաւ. բժիշկը կարողացաւ զանազան դժուարութիւնների, բարդութիւնների առաջն առնել, որի շնորհիւ, համարեա, նոր կեանք ստացաւ նա. — Բեզանից յետոյ, իմ վաղամեռիկ Սօնա ջան, ինձ ի՞նչ մխիթարութիւն կ'այ. ի՞նչ սէր կ'արող է բուն զենել իմ վիրաւոր սրտում, որ ես կարողանամ մեղմել թուճալի օրերս», — կրկնում էր Վահէն, — ո՛չ, ո՛չ, չկայ այս աշխարհումը ինձ մխիթարութիւն. չկայ այս վերան երկրում ինձ համար մի այլ սէր, բացի քո սիրուց. բայց դու, իմ հողեակս, ո՛ւր ես, ո՛ւր... Վերջին բառերն արտասանելիս, նա, համարեա, թուլացած ընկաւ Սօնայի գերեզմանի վրայ: Նա ոչ մեռած էր, ոչ կենդանի. ընկած էր ցնորքների, երազների աշխարհում: Նրան թւում էր, որ իրանից ոչ հեռու երևում է մի սև ամպ, որը հետզհետէ ցածրանալով սև մշուշով ծածկում շրջակայքը: Այս մշուշի միջից Վահէն պարզ տեսնում էր ամեն բան. նրանից ոչ հեռու երևում էր վայելչագեղ հասակով և գեղազան գէմքով մի

համեստագոյն կոյս, որը գաղտագնաց քայլերով դէպի իրան էր գալիս: Վշտաբեկ երիտասարդը չը կարողացաւ որոշակի նանաչել՝ Սօնան էր այդ, թէ մի ուրիշը, նրան նմանակից: Վէ՛ր բարձրացաւ ընկած տեղից և ուզում էր դէպի նրան ընթանալ. բայց աւանդ, որտեղից որ էր դղրդաց ամբողջ մթնոլորդը, աղշամուղշը պատեց շրջակայքը և ահաբեկող որոտումները, գոռում-գոչումը, քամիների սուլոցը փախ դուրսէն թէ իրան և թէ հրաշագեղ կոյսին: Վահէն ուշաթափուեց. երբ ուշքի եկաւ, զարմանքից թէ կսկծից մնաց տեղն ու տեղը քարացած. վաշելահագմ այդ կոյսը վիրաւորուած և անպամահատուած ընկած էր գետնի վրայ զանազան տեղերում: Նրա վրայ ընկած էին զանազան թշնամիներ և խելակորոյսի նման չը գիտէին ինչպէս յազուրդ տալին իրանց սուփանքին:

Վահէն զգուեց այդ անախորժ տեսարանից և պատրաստուեց հեռանալ. սակայն յանկարծ կոյսի յօշոտուած մարմնի իւրաքանչիւր մասից աջնալիսի սուր ճիչ լսեց, որ ամբողջ մարմնով դողաց ու փշաքաղուեց:

— Ո՛ւր, ո՛ւր ես հեռանում, ո՛վ երիտասարդ, — ծայն էին տալիս նրան կոյսի մարմնի անդամները, — ես դեռ չեմ մեռած. երակներումս տակաւին կենդանութեան կայծեր կան: Շատերը եկան և ինձ այսպէս վիրաւոր տեսնելով, զխակոր փախուստ տուին. դրանցից ամեն մէկը զուրկ էր անձնագոհութեան ընդունակութիւնից. հսկեն մէկը որեւէ անձնական հաշիւներով էր զբաղուած: Դու էլ եկար և այսքանը տեսնելուց յետոյ, պատրաստուում ես հեռանալ. դու ես մնացել իմ վերջին յոյսն ու ապաւէն. դու ես օժտուած ուսման — քաղաքալրթութեան պաշարով, սակայն դու էլ տակաւին քո Սօնայովդ ես զբաղուած: Թո՛ղ, թո՛ղ աղաչում եմ. ես հազարաւոր Սօնաներ եմ տեսել, հազարաւոր ընկածի օգնութեան հասել. բայց, տարաբաղաբար, այսօր ոչ ոք ինձ մօտ չի գալիս: Ինչո՞ւ ես զարմանում, միթէ՞ չը դիտես թուլին, ընկածին, անարգուածին օգնութեան հասնել, ոտքի կանգնացնել մեծ առաքինութիւն է և վիրաւոր սրտի համար մխիթարութիւն ու սփոփանք:

ինչո՞ւ էս զմայլուած և ինձ դիտում. միթէ՞ կարծում էս Սօնայիդ սէրից բարձր սէր չը կայ. միթէ՞ հաւատացած էս որ բացի Սօնայիցդ քեզ մի այլ մխիթարութիւն չըկայ: Կայ. բայց դու տակաւին չես ըմբռնած. զգաստացի՛ր և քեզ նուիրի՛ր այլոց օգնութեան, ընկածի, անարգուածի փրկութեան և դու մխիթարուած կը լինես ու բաղդաւոր: Հինգ-վեց տարի տոկունութիւն ունեցար չը տեսնուել Սօնայիդ հետ և նուիրուել թոյլի, անարգուածի բաղդաւորութեան, այժմ էլ հաւատացած եղիր, որ այն սէրը դարձեալ կը ղեկավարի քեզ և աւելի ևս երջանիկ կը լինես..... Յիշի՛ր տուածդ երգումը, ուխտը, երբ դեռ նոր աւարտած սուրն էիր վերադառնում.....

Վահէն ոգևորուեց և վազեց դէպի նա. բայց իսկոյն կանդնեց, որովհետեւ նրան վայրկենաբար շրջապատեցին սուիններով զինուած սպաներ, որոնք դէպի նա ուղղեցին իրանց սուինների ծայրերը: Թշուառ երիտասարդը մնաց շուտրած, բայց այդ ժամին նա դարձեալ լսեց վիրաւոր կոյսի հառաչանքի ծայնը:

— Անմառութիւն է, Վահէ, քո գործածը. սրանցից իւրաքանչիւրը ունի իր թիկնապանները, որոնք մահի և կեանքի դիմադրութիւն ցոյց կը տան քեզ, եթէ դու ձեռնունայն մարտնչելու լինես: Վերադարձի՛ր, զինուորի՛ր նման զէնքերով, ապա շտապի՛ր այստեղ: Սրինակելի է իմ անդամների յատկութիւնը. նրանք գիտեն իմ նախկին գեղեցկութիւնը ինձ վերադարձնել:

Վահէն զտրթնեց: Մութը նոր էր սկսել և կամաց-կամաց տարածուել: Նա մնաց զարմացած թէ՛ այդ ինչ երազ էր. չիշեց իր անցեալը, իր տուած ուխտը և տխրութեամբ լուեց. նա սթափուած էր: Մինչ սա այս դրութեան մէջ էր գտնուում, նրան մօտեցան հէքիմը Արթուրի, Թորոս-Բիծայի և Սալվիի հետ, որոնք և միմիանց ետեւից սկսեցին մխիթարել նրան: Սրանք բոլորն եկել էին Սօնայի գերեզմանը համբուրելու, որովհետեւ միւս օրը ճանապարհ էին գնալու, թողնելով Սալվիի տաաին և Վահէին Տրի գիւղում:

ԼԵՒՈՆ ԽԱՆԶԱՒԷ

(Կը շարունակուի)

## ՏԵՐ-ԳԱՐՐԻԵԼ

### ՊԱՏԿԱՆԵԱՆՑԸ <sup>1)</sup>

Գլուխ Ը.

Խալիբի քաղաքագլխութեան առաջին եռամեակին զալիս է Նախիջևան յայտնի Ալթունեան Մանուէլ վարդապետ Գիւմուշխանցին, որ իբր թէ Ներսէսի վեհակից փախչելով, գնում էր այդ ժամանակները Ս. Էջմիածին. նա հասնում է Զատկի ճրագալուցին, կէս գիշերից անց, առաւօտեան դէմ, և ուղղակի գնում է եկեղեցի և հրամայում առաւօտեան ժամն սկսել, այնպէս որ երբ Տէր-Գաբրիէլը, որ ախառին պատարագիչ պիտի լինէր, զալիս է ժամ, տեսնում է, որ արդէն գիշերային ժամն սկսել են և երգում են «Տէր, զի բազում»-ը և որ դասում մի վեղարաւոր կայ կանգնած, որ հրամայել է այդպէս վաղ սկսել ժամերգութիւնը և տեսել է, թէ ինքը պիտի լինի պատարագիչ: Նա խոնարհութեամբ մօտենում է վարդապետին և ողջունում է, իսկ նա սկսում է յանդիմանել ու նախատինք թափել նորա գլխին և, ի միջի այլոց, կոչում է նորան «չարագրգիւ խանգարիչ ազգի՝ դե Գաբրիէլ»: Տէր-Գաբրիէլը չի զժխմակում, չի վրդովուում, այլ միշտ քաղցրութեամբ է պատասխանում, որովհետեւ հասկանում է նորա հոգու որպիսութիւնը, հասկանում է, որ նա նոյնպէս մոլորուած ու սխալուած է, ինչպէս շատերը, որոնք կարծում էին, որ նա Նախիջևանում

1) «Լումայ» Բ.

խկապէս պատկերն է Ներսէսի և յօժարութեամբ է կատարում նորա բոլոր հրամանները:

Այս Մանուէլ վարդապետը քանի որ Գրիգորուպօլում զործել էր Ներսէսի ծրագրով, հաճոյ էր եղել նորան, բայց երբ սկսել էր հակառակ գնալ, իսկոյն և եթ նա զրել էր Ս. Էջմիածնից Յովհաննէս Գառնակերեանին, որ նա փոխադրէ նորան Ղրիմ, իսկ նորա տեղ Գրիգորուպօլում կարգէ Գրիգոր Խուղաբաշեանին աթոռակալ: Այդ եղել էր Պատկանեանցի հաշտարխանում կոնսիստորի ատենադպիր եղած ժամանակը: Յովհաննէս սրբազանը հրամայել էր, որ մի խիստ հրաման զրուի Մանուէլին դուրս գալու Գրիգորուպօլից և երթալու Ղրիմ, իսկ Խուղաբաշեանին նորա տեղը կառավարելու աթոռակալ անունով: Տէր-Գաբրիէլը այն ժամանակ գործ էր դրել մի «խարդախ հնարիմացութիւն»։ Նա զրել էր երկու հրաման, բայց Խուղաբաշեանի հրամանի մէջ դրել էր մի կտոր թուղթ, որի վերայ գրել էր, թէ այս հրամանը սխալմամբ ձեր սրբութեան ձեռքը կը հասնի, և կնքել ու, իբրեւ թէ սխալմամբ, հասցէները փոխել էր, այնպէս որ վարդապետի հրամանը պիտի ստանար Խուղաբաշեանը, իսկ Խուղաբաշեանինը—վարդապետը: Մանուէլ վարդապետը հասկանալով Պատկանեանի միտքը, այն ժամանակ մի շնորհակալութիւն էր զրել Սերովբէ վարժապետին և տիրացու Գաբրիէլին և մի կծու նամակ էլ Յովհաննէս սրբազանին, որի մէջ նորա քիթը մի լաւ քորելուց յետոյ, զրել էր, թէ ինքը Գրիգորուպօլը ստացել է իբրեւ վարժատրութիւն, որովհետեւ Ներսէսի հետ միասին Դանիէլին էր յանձնել կաթողիկոսական գահը, կորզելով Դաւթի ձեռքից, և Ռուսաստանի առաջնորդութիւնը սուել էր Եփրեմին, հանելով այն Գրիգորի ձեռքից:

Իրեւուելիսանցու Նախիջևանից մեկնելուց յետոյ, զալիս է Մոսկովից Միքայէլ Սալլանթեանը և իջեանում է իւր աշակերտ Դաւիթ Ուրաբաշեանի տանը. նա թէև թշնամի էր Տէր-Գաբրիէլին և բարեկամ Խալիբին, որի հետ ժանօթացել էր Մոսկովում, բայց շատ է խօսում ու դատապարտում այն ատելութիւնը, որ կար Խալիբի ու նորա համախոհների մէջ Պատ-

կանեանցի դէմ: Սալլանթեանի Թշնամութիւնը դէպի Տէր-Գաբրիէլը սկսուել էր Հաշտարխանում 1817 թուին, երբ նա դեռ Լիբանանցի Յովակիմ վարդապետ անունով նոր միայն եկել էր Հաշտարխան և բնակուել կապուչինների վանքում իբրև հովիւ և քահանայ հռովմէադաւան հայերի, որ ժամանակ այնտեղ էր զանուում Երուսաղէմի նուիրակ պօլսեցի Կարապետ վարդապետը, որ յետոյ ձեռնադրուեց եպիսկոպոս Եփրեմից և եղաւ պատրիարք Ալեքիանապօլսեցի Պօղոսից յետոյ, և Սերովբէ վարդապետ Կարնեցին, որ եկել էր Ս. Էջմիածնից և զնում էր Մոսկով Լազարեան ճեմարանի Հայոց լեզուի ուսուցչի պաշտօնով: Հաշտարխանի այդ հայ կաթողիկէները, որոնք Կղեմէս Գալանոսի և նորա ժամանակակից մարդագող որսորդների շանքով դարձած էին, և «Ողջոյն քեզ, Մարիամ», ասելով և մի ծնգան վերայ կաղալով ու ստէպ Յիսուս և Մարիամ կրկնելով, կարծում էին, թէ արդէն իսկ Փրանկ եղան, վերջացան, դարձան հաւանում Յովակիմ վարդապետին, որովհետեւ զա պատարաքի խորհուրդը խառնարում էր Հայոց լեզուով և ոչ լատիներէն, ինչպէս նորանից առաջ կատարում էին լեհացի կսեօնդները, որից և՛ ինքեանք, և՛ ժողովուրդը բան չէին հասկանում: Այդ այն ժամանակն էր, երբ դեռ նոր էր բացուել Հոգևոր վարժարանը և 15 տարեկան Պատկանեանցը կարգուել էր վարժապետ և ուսուցանում էր և՛ քերական, և՛ քերականութիւն և միւսնոյն ընդարձակ դասընթաց:

Հայադաւան երիտասարդներից ոմանք սկսել էին յանախել Յովակիմ վարդապետի խուցը, որոնց միջնորդութեամբ ծանօթացել էր նորա հետ և Պատկանեանցը: Սալլանթեանը լսելով նորա գիտութեան մասին պատուիրել էր երիտասարդներին բերել նորա զրուածներից մի պատառ բան, սորա էլ այդ մասին տեսել էին Գաբրիէլին: Եւ նա տուել էր նոցա տանելու իւր ոռւս լեզուից Թարգմանած Դիողորոս Սիկիլյացու մատենադարան կոչուած հետխօսութիւնից «Ալէքսանդր Մակեդոնացու արկածները» և խնդրել էր, որ եթէ վարդապետը մի սխալ գտնէ լեզուի դէմ, նշանակէ ձեռագրի վերայ: Գաբրիէլը Թարգմանութեան կցել էր մի վերջաբան, որ սկսուում էր՝ «Փառք

երկրավարութեան» խօսքերով: Սալլանթեանն ասել էր, որ չբախտեալ է ասել երկրավարութիւն, այլ «աշխարհավարութիւն», և այլն: Շուտով Պատկանեանցը և անծածօք ատենուել ու ծանօթացել էր Սալլանթեանի հետ. նա նորան հրաւիրել էր իւրեանց տունը, ուր եկել էին Սերովբէ Կարնեցին և Կարապետ վարդապետը և մինչև լոյս ուրախութիւն էին արել: Սորանից յետոյ շուտով սառնութիւն է բնկել Կարապետ վարդապետի և Սալլանթեանի մէջ և դորա պատճառն եղել էր վերոյիշեալ երիտասարդներից մէկը.— Յովհաննէս Շամբորեանցը, որ տարածել էր, թէ Սալլանթեանը ասել է, թէ Կարապետ վարդապետի գիտութիւնը մի կատուի բեռ կ'լինի, և լատինների եկեղեցում քարոզել է հայոց եկեղեցու և նորա կարգաւորների դէմ և ասել է, թէ հայոց եկեղեցում հոգու փրկութիւն չկայ, և այլն:

Մի օր ժողովուրդը խափանել է Սալլանթեանի հայ պատարազը և նա եկել, մտել է հայոց եկեղեցին, ցանկանալով տեսնել Պատկանեանցին: Այդ ժամանակ Կարապետ վարդապետը քարոզ է խօսել և մի լաւ յանդիմանել Սալլանթեանին, որի մասին և նա յետոյ զանգասուել է Պատկանեանցին, ասելով, թէ ինքն եկել էր, որ միասին երթան առաջնորդի մօտ՝ հայ եկեղեցու ծոցը մտնելու, բայց Կարապետ վարդապետն իւր քարոզով աջնպէս խոցել է նորա սիրտը, որ նա թողել է իւր այդ մտադրութիւնը: Սերովբէ վարժապետը հարցրել է նորան, թէ քանի որ դու քարոզում ես, թէ հայոց եկեղեցում հոգու փրկութիւն չ'կայ, ինչո՞ւ ես ուղղւում հայոց եկեղեցին մտնել. նա պատասխանել է, թէ այժմ, չկայ, բայց ինքն ուզում է «գինիմ իչին դէյլի, գիւնրմ իչին», այսինքն ոչ հաւատի, այլ կեանքի համար: Այնուհետև Պատկանեանցը վարժել է նորա համար մի փոքրիկ բնակարան, ուր նա փոխադրուել է կապուէչիների վանքից և կերակրուել հայերի հալթալթած ապրուստով: Այս տեւել է մի քանի տմիս, և նա սկսել է քարոզել ու տարածել ժողովրդի մէջ, թէ Պատկանեանք հայր ու որդի կաթոլիկ են: Սորանից յետոյ Յովակիմ վարդապետը քանիցս զժառուել ու հաշտուել է իւր կաթոլիկ ծխի հետ, մինչև որ դարձել է հայոց եկեղեցու ծոցը և դադար գտել Մոսկովում Լազարեան ճեմա-

ընտրում: Եւ այդ ժամանակամիջոցում, չնայելով, որ նա պատ-  
ճառ է եղել Լոզարեանների սառնութեան դէպի Պատկա-  
նեանցը, նա, Յովհաննէս սրբազանի հրամանով, ուղարկել է նո-  
րան վեղարի, գուլագանի և խաչի հետ միասին և մի ընտիր  
վկայական, որի մէջ նորա անունը փոխուած էր Միքայել:

Խալիբի քաղաքագլխութեան եռամեակից յետոյ, հետեւեալ  
1836, 37 և 38 եռամեակի համար ընտրուում է նոյն Խալիբի  
չանքով Գաբրիէլ աղա Խօջայեանը, որ Մարկոս աղայի պէս  
միայն քաղաքագլխի անուն էր կրում, իսկ իրօք պաշտօնը կա-  
տարում էր ինքը Խալիբը: Այդ Խօջայեանի քաղաքագլխութեան  
առաջին տարին—1836 թուին, գալիս է Ս. Էջմիածնից նուի-  
րակութեան պաշտօնով «Փոքր» կոչուած Յովսէփ արքեպիս-  
կոպոս Վեհապետեանը, որ ունէր իւր ձեռին երկու կոնդակ՝  
և՛ հրաժարուած Եփրեմից, որի սպասաւորն էր եղել ժամա-  
նակով, և՛ ընտրուած կաթողիկոս Կարբեցուց: Սա բերել էր  
Պատկանեանցին երկու նամակ՝ Կեսարացի Բարսեղ արքեպիս-  
կոպոսից և Յովսէփ արքեպիսկոպոս Մարուքեանից, որոնք իւ-  
րեանց ազդեցութեամբ Ս. Էջմիածնի սիւներն էին համարուում:  
Ահա՛ այդ նամակներն առիթ են տալիս Թադէոս վարդապետին  
ամբաստանելու Ներսէսի առաջ Պատկանեանցին, թէ նա յա-  
րաբերութեան մէջ է մտել Կարբեցու հետ: Ներսէսը պահան-  
ջում է կոնդակներն ու նամակները և կարգալով ու համոզուե-  
լով, որ Թադէոս վարդապետի ակնարկածները նոցա մէջ չկան,  
վերադարձնում է, պատուիրելով Պատկանեանցին իւր տալիք  
պատասխանը նամակներին նախապէս իրան հաղորդել: Յովսէփ  
Փոքրի տիրացուն էր Աբէլ անունով մէկը, որին նա իւր հետ  
տանում է Քիշինէ, որտեղ նա, այդ տիրացուն, աշակերտում  
է Մսեր սարկուազին և ստանում այնքան գիտութիւն, որ  
յետոյ լինում է յայտնի Աբէլ արքեպիսկոպոսը, Ատրպատականի  
ժամանակաւոր առաջնորդը և «Արարատի» խմբագրութեան  
անդամ ու օգնականը:

Մըկըր Պօպովի հաշուի գործը, վերջապէս, լուծուում է  
և Թադէոս վարդապետը Ներսէսի հրամանով 15,000 սօմ ծախս  
անելուց յետոյ, 1838-ի մարտին վերադառնում է Ղրիմ և Պատ-

կանեանցն երեք տարի արգելուած ֆնալուց յետոյ, վերստին իրաւունք է ստանում քահանայազործելու. նա աւագ ուրբաթ օրը քարոզ է խօսում, զատկին էլ տնօրհնէք շրջում, սկսելով Խալիբի և իւր միւս հակառակորդների տներից, և լաւ արդիւնաւորուում: Գաբրիէլ Սօջայեանից յետոյ, 1839, 40 և 41 եռամեակի համար ընտրուում է քաղաքագլուխ դարձեալ Սա-  
 չատուր Խումաշեանը, որ արդէն առաջուանը չէր, այլ անցել էր Խալիբի կողմը: Սորա կառավարութեան առաջին տարին վերջանալու վերայ էր, երբ Ներսէսից ստացուում է մի ծրար չոգևոր կառավարութեան և Խումաշեանի անունով, որ երբ քոյ էն անում, միջից դուրս է գալիս մի ուրիշ ծրար Պատկանեանցի անունով: Ներսէս հարցնում էր Պատկանեանցին, թէ ի՞նչ է եղել այն թուղթը, որ պարունակում էր իւր մէջ նախարարութիւնից 1831 թուին եկած թղթի պատասխանը Հայոց մատաղի մասին ընդհանրապէս և թէ ե՞րբ է մտել Հայոց մէջ այդ սովորութիւնը: Այդ պատասխանը գրել էր Ներսէսը Քիշինեում և թարգմանել էր ռուսերէն Պատկանեանցը և սրբագրել տսել ռուս աւագ քահանայ Լանչկովսկուն, որովհետեւ այդ օրերը Սլամբարեանը խռովել էր և չէր երևում առաջնորդաւանում, այլ հաշում էր իւր սենեակում: Եւ այդ բոլորը կատարուել էր առաջնորդի սենեակում և թղթերը ֆնացել էին նորա մօտ: Այսպէս էլ պատասխանում է Պատկանեանցը, աւելացնելով և իւր կարծիքը մատաղի մասին, որ նա լսել էր Սալ-  
 լանթեանից 1817 թուին Հաշտարխանում:

Մի ամսից յետոյ նոր հարցմունք է գալիս Ներսէսից, թէ նախարարութիւնը հարցրել է Յովհաննէս կաթողիկոսից, թէ ինչո՞ւ համար Հայոց եկեղեցին խաչակնքելու ձեռն աւանդել է այլպէս, և ոչ որպէս Յունաց եկեղեցին: Կաթողիկոսը պատասխանել էր, թէ որովհետեւ արեգակը ձախից աչ է դնում, այդ պատճառով էլ մենք չայերս խաչակնքելու ժամանակ ձեռքերս ձախից դէպի աչ ենք տանում: Պատկանեանցը պատասխանում է, թէ քահանան, լինի նա հայ, թէ յոյն, երբ խաչակնքում է ժողովրդի վերայ և ասում է՝ «խաղաղութիւն ամենեցուն», իւր ձեռքը միշտ տանում է ձախից դէպի աչ, և

երբէք չի տանում աչից գէպի ծախ: Եթէ մէկը զրջով կամ մատիտով մի խաչ է ուզում քաշել, նա մինչ առաջին գիծը քաշում է վերեւից ներքեւ, երկրորդ գիծը, որով նա պէտք է կիսէ ուղղահայեաց գիծը, ո՞րտեղից է սկսում՝ ծախից գէպի աչ, թէ ընդհակառակը, ինչպէս անում են չրէաները և Արաքացիները:

Սորանից լետոյ գալիս են երրորդ և չորրորդ հարցմունքները, և Պատկանեանցը կասկածանքի մէջ է բնկնում, թէ պղբողորի պատճառն ի՞նչ պիտի լինի. նա միտքն է գնում դրել Լանչկովսկուն և նորանից տեղեկանալ հանգամանքներին, բայց մտածում է, որ Ներսէսին շատ էլ հաճոյ չի լինիլ, եթէ նա իմանայ, որ Լանչկովսկին գիտէ նորա թղթակցութեան առարկաները: Սակայն նորա կասկածները շուտով փարատում է մի հնգկհայ պատանի, որ ծառայում էր Մագիստրատում և որ առաջ ծառայել էր Սիւնհոդոսում: Նա հաղորդում է նորան, թէ Ներսէսը սկսել է մի անախորժ թղթակցութիւն Սինօդի հետ և դորա շարժառիթն եղել է այն, որ Ներսէսն իւր զրազրութիւնների մէջ չէր գրում Սիւնհոդոս, Սինօդ սովորական ձևերը, այլ Սինոտ, որ նմանում էր սնոտի բառին, որից և Սինօդականները շատ վիրաւորուել էին և Յովսէփ արքեպիսկոպոս Մարութեանի և Ստեփան արքեպիսկոպոս Վեհապետեանի ստորագրութեամբ միջանդիմանութիւն էին գրել նորան. — «Սանձեա՛ զյանդուղն զրիչ քո և մի՛ համարձակիր ապարասն խժըժանօք անարգել զպատիւ սրբազնագումար ժողովոյս, որոյ անդամք կարգակիցք են և հաւասարապատիւ եպիսկոպոսունք և արքեպիսկոպոսունք»:

1840 թուին լուր է հասնում, թէ կոմս Միքայէլ Վօրօնցովը դուրս է եկել շրջագայելու իւր իշխանութեան ենթարկուած Նոր-Ռուսիոյ երկրի քաղաքները: Տէր-Գաբրիէլը մտածում է օգտուել այդ հանգամանքից և երբ կոմսը հասնի Նախիչևան, խնդրէ նորան, որ նա միջնորդէ կայսեր առաջ՝ վերացնելու զխահարկը, որ զրուել էր չափերի վերայ 1836-ին և հակառակ էր արտօնագրին: Քաղաքի մեծամեծները թէև բողոք էին ուղարկել այդ զխահարկի առթիւ և արտօնագիրը եղծե-

լու համար ուր հարկն է, բայց այդ միայն առ երես էր, նոքա ուրախ էին, որ դորանով պիտի կարողանային բոլորովին ստրկացնել ժողովուրդը, ինքեանք նոցա տեղ հասուցանելով և իրանց ծառայեցնելով նոցա, և արգէն իսկ հաւաքել էին զըլխահարկի գումարը 36, 37, 38, 39 և 40 թուերի համար և պահել քաղաքի գանձարանում, որ բոլորի բացասական պատասխան ստացուելու դէպքում իսկոյն և եթ հասուցանեն արքունի գանձարանին: Երբ կոմսը հասնում է Ռոստով, Խալիբը, որ քաղաքապետին չլինելով, իսկապէս քաղաքապետութիւն էր անում Խաչատուր Խումաչեանի տեղ, գնում է Տագանրոգ և բերում քաղաքապետ բարոն Օտաօ Ֆրանկին, որին շատ էր սիրում կոմսը: Մեծամեծների ցանկութիւնն այն էր, որ այդ Օտաօն աշակից լինի նոցա, երբ նոքա աղերսեն զլխահարկը ընդունելու և դորա փոխարէն ազատութիւն ստալու, որ Նախիջևանի բնակիչները ըստ հանդից քաղաքից դուրս գան, նոցա կալուածներում ապրեն և նոցա հողերը մշակեն և զլխահարկը նոցա տեղ ինքեանք հասուցանեն: Իւր մտածածը գլուխ բերելու նպատակով Պատկանեանցը կոմսի Նախիջևան գալու նախընթաց օրը մի քանի նպատակալարմար կարգադրութիւն է անում. նա, նախ իմաց է տալիս ժողովրդին, որ հաւաքուեն Լուսաւորչի շուրջը և թաքչին, մի մասն էլ բռնեն բոլոր փողոցապուխները, որոնք դուրս են գալիս Լուսաւորչի մեծ փողոցը, որպէս զի միշտ չտան կոմսի կառքը ծռելու և ուրիշ փողոցով տանելու Խումաչեանի տունը նախանաչի, ինչպէս որ կարգադրել էին խալիբը և իւր համախոհները. երկրորդ, կարգադրում է, որ քահանաները առաւօտեան ժամից յետոյ չցրուեն և եթէ տեղ երթալու էլ լինին, իսկոյն վերադառնան. երրորդ, եկեղեցու դուռը բաց լինի և ժամհարներից մէկը զանգակատանը հսկէ, որ հէնց որ կոմսի կառքը Ռոստովի բերդի դռնից դուրս գայ, մեծ զանգակը հնչեցնէ, իսկ երբ հասնի Նախիջևանի քաղաքապետին, բոլոր զանգակները հնչեցնէ, որ բոլոր ժողովուրդը հաւաքուի: Թէև Խալիբը տեղեկանում է այդ բոլորի մասին և բէշիներ է ուղարկում ցրելու ժողովուրդը և փողոցապուխները մաքրելու, բայց նոքա, այդ բէշիներն էլ, հասա-

րակ ժողովուրդից լինելով, խառնուում են նոցա հետ և նպաստում գործին, փոխանակ արգելք լինելու: Տեսնելով, որ այդչափոց և ոստիկանական միջոցները չօգնեցին, Խալիբը առնում է իւր հետ քաղաքապետին Սոմաշեանին, բառօն Փռանկին և քաղաքի միւս իշխանաւորներին և գալիս, մտնում է Ս. Լուսաւորիչ, որ եկեղեցու դռները փակել տայ, ժողովուրդը ցրէ և Վօրօնցովին միջոց տայ, առանց եկեղեցի մտնելու, ուղղակի քաղաքապետի տունը ճաշի երթալու: Եկեղեցում քաղաքապետը մօտենում է Տէր-Գաբրիէլին, որ սեղանի դէմ զրեակալի մօտ նստած էր, և հրամայում է եկեղեցու դուռը փակել և ժողովուրդը ցրել, բայց նա պատասխանում է, որ եկեղեցու մէջ իշխանութիւնն իրան է պատկանում և ուրիշ ոչ ոքի, ուստի և ոչ ոք չի կարող նորան հրամայել այս կամ այն անել: Նա պատուիրում է հոգևորական դասին զգեստաւորուել և ինքն էլ առնում է շուրջառ ու խաչ և դուրս գալիս ընդառաջ, որովհետև այդ ժամանակ հնչում է մեծ զանգալը և յետոյ միւս զանգակները, որ նշան էին, թէ կոմսի կառքը մօտենում է: Հասնում է կառքը, և, թէև Խալիբի յայտնի ծառայ «Ղարաուլ Ստեփանը» աշխատում է ծռել տալ դէպի Սաչատուր աղայի տունը, բայց ժողովուրդն ուրախութեան գոռուքներ անելու դիմակի տակ սպառնում են նորան և չեն թողնում շեղելու կոմսին ուղիղ ճանապարհից: Կոմսը հասնելով եկեղեցուն և տեսնելով զգեստաւորուած հոգևորականներին, իջնում է կառքից, համբուրում խաչը և խուռն բաղձութեան հետ մտնում եկեղեցին: Պատկանեանցը հանում է ծոցից մի թուղթ, կարդում և խնդրում գլխահարկը վերացնել, առնել միայն տնահարկ և պահպանել արտօնագիրը, և այս ասելով, ծռնգ է չորում: Նորա օրինակին հետևում է և բաղձութիւնը: Կոմսը շատ գլծաշարժուում է. նա արտասուում է և բարձրացնելով Պատկանեանցին, խոստանում է ուղղակի Պետերբուրգ երթալ և չվերադառնալ, մինչև որ գլխահարկը վերացնել տայ:

1841 թիւը Խաչատուր Խոմաշեանի երկրորդ տնգած քաղաքապետութիւն անելու եռամեակի վերջին տարին էր, և նա այլ ևս վերընտրուելու յոյս չուներ: Ժողովրդի ծայր արդէն

հետեւեալ եռամեակի քաղաքագլխութեան համար թեկնածու որոշել էր Խալիբին, որ այդ ժամանակ արդէն այնքան յառաջացել էր, որ, կարելի է ասել, ամենաազդեցիկ մարդն էր դարձել քաղաքում: Խռմաշեանի քաղաքագլխութեան առաջին եռամեակը—1827, 28, 29—շատ յաջող էր անցել, և նա քաղաքացւոց մէջ լաւ անուն ու յիշատակ էր թողել, որի հետեւանքը պէտք էր համարել և նորա երկրորդ անգամ քուէներէ բազմութիւն վաստակելը: Այն ժամանակ նա ղեռ նոր մարդ էր Նախիջևանում. նա առւտուր ունէր Ղրիմում և նոր միայն վերադարձել էր ճոխացած, նա թէև բարկացող ու կանչվառող բնաւորութիւն ունէր, բայց բարի էր, աշխոյժ և եռանդոտ. նորան իւրեանց փորձառութեամբ օգնում էին ուրիշները, նամանաւանդ Գէորգ աղա Օդաբաշեանը, որի աշխատանքով զըխաւորապէս և նա ընտրուել էր քաղաքագլուխ, որովհետև, ինչպէս ասացինք, նա ղեռ նոր էր և ժողովուրդը չէր ճանաչում նորան: Իսկ այդ երկրորդ եռամեակի ընթացքում նա բոլորովին փոխուած էր և ոչ մի բանով չէր յիշեցնում առաջուայ եռանդոտ, անկախ գործող Խռմաշեանին, բացի իւր անտեղի գողութիւն-վոյնութիւն և յաճախակի «զարմանալի» բառը գործածելու սովորութիւնը պահպանելուց: Խռմաշեանի կուսակցութիւնը, որ առաջ շատ հզօր էր, 1839, 40 և 41 թուերին հետզհետէ բոլորովին քայքայուում ու կորցնում է իւր նշանակութիւնն և ազդեցութիւնը. ինքը Խաչատուր աղան էլ կորցնում է իւր անկախ գործելու, լաւ խորհրդակիցներով իրան շրջապատելու զնահատելի յատկութիւնը և ենթարկուում է Խալիբի ազդեցութեան այն աստիճան, որ, համարձակ կարելի է ասել, որ քաղաքագլխի անունն այդ եռամեակում նորանն էր, իսկ քաղաքագլխութիւն անողը իրօք Խալիբն էր: Պատկանեանցի յարաբերութիւնը նորա հետ առաջ շատ բարեկամական էր. Խաչատուր աղան էր շինել նորա դպրոցը. նա էր նորան հրաւիրել Հաշտարխանից Նախիջևան և նորա ուսուցչութեան ժամանակ սմէն բանում թէ ու թիկունք եղել նորան. նա էր, վերջապէս, բաւականին մեծ ծախս արել տպարանի համար, որ կամեցել էր բանալ Պատկանեանցը, բայց չէր

յաշողել: Այս բարեկամութիւնը ամրապնդուել էր նոցա մէջ նամանաւանդ այն ժամանակից, երբ Խռմաշեանի Ստեփան որդին կնքել էր նորա Մարիամ աղջկան: Սակայն վերջին ժամանակները, երբ բոլորեքեան թշնամացել էին Պատկանեանցի հետ, Խաչատուր աղայի յարաբերութիւնն էլ նորա հետ Խալիբի ազդեցութեամբ կամոց-կամաց վատանում է և մի երկու ընդհարումից յետոյ փոխուում է ատելութեան ու թշնամութեան: Ընդհարումներից մէկի ժամանակ, օրինակի համար, Խռմաշեանը այնքան բարկանում է, որ թքում է Պատկանեանցի երեսին. նա էլ չկորցնելով իւր հոգու խաղաղութիւնը, հանում է թաշկինակը, սրբում է թուրք երեսից և ասում է. «Խաչատուր աղա, դու թքեցիր իմ երեսին, և ես սրբեցի ու տեղը ոչինչ չմնաց, բայց եթէ ես թքեմ քո երեսին, իբրեւ անշինչ դրոշ կմնայ յաւիտեանս յաւիտենից քո վերայ և քո սերնդի վերայ և ոչնչով հնար չի լինիլ սրբել»: Տէր Գաբրիէլի այս խօսքերը խոր խոցում են զոռոզ աղայի սիրտը, որովհետեւ նա ընդունում է նորան իբրեւ քահանայի անէծք, որ որդէցորդի պիտի ծանրանայ նորա սերնդի վերայ և ոչ մի հնար չպիտի լինի այդ անէծքի տակից դուրս գալ: Նա այս մասին մինչև անդամ բողոքում է և առաջնորդին, և Ներսէսը հրամայում է Պատկանեանցին հաշտուել իւր առաջնորդական գործակատարի հետ, բայց Խռմաշեանը չի հանգստանում. նա միշտ դանդատում է, թէ Տէր-Գաբրիէլի հաշտութիւնը իւր հետ անկեղծ չէ, և այլն:

Ժողովրդի ծայնը ինչպէս որ որոշուում է լինում, այնպէս էլ կատարուում է. Սալիբը 1842, 43 և 44 եռամեակի համար ընտրուում է քաղաքաքլուխ համարեալ թէ միածայն: Նա այս անգամ գործում է աւելի համարձակ, քան թէ իւր քաղաքապետութեան առաջին եռամեակին: Տուրքերի ծանրութիւնը սոստկանում է, ժողովրդից փող հաւաքելու դէպքերը յանախում են: Թէև ամենքը զժողով են լինում դորանից, բայց տալիս են, որովհետեւ վախենում են նորանից իբրեւ հզօր մարդուց, որ կարող էր ընկած տեղը շատ ու շատ վնասել: Հաւաքուում էր փողը զանազան պատրուակներով—այսօր Տա-

գանձողի քաղաքապետը պիտի գայ, վաղը քաղաքի այս ինչ գործը պէտք է յաշտեցնել, երրորդ օրը մի ուրիշ պէտքի համար և այսպէս անվերջ: Դրամը մտնում էր Դումը, իսկ այնտեղից ծախսուում էր քաղաքագլխի ցանկութեամբ, առանց հսկողութեան, առանց հաշուետուութեան. ո՞վ կհամարձակուէր բերան բաց անել և հաշիւ պահանջել: Սալիբի քաղաքագլխութեան դոյն իսկ առաջին տարին—1842-ին, կոմս Վօրօնցովը կրկին այցելում է Նախիջևանը և Պատկանեանցը երկրորդ անգամ մեծ շքով ու հանդիսաւորութեամբ ընդունում է նորաձեւեղեցում, նախապէս կոմսի եկեղեցում կանգնած նախկին տեղում մի սիւն կանգնեցնելով, կանաչ կերպասով ծածկելով և վերան գլխահարկի վերացնելու թուականը գրելով—1840 թ. Տէր-Գաբրիէլը նորից մի գրաւոր հառ է խօսուում ու յանձնում թուղթը կոմսին, որ ուրախ ու զուարթ ընդունում է ու գնում Սալիբի տունը, տանելով իւր հետ և ճառախօսին ու նորա հետ երկար խօսելով: Կոմս Վօրօնցովը այդ դէպքում աւելի երախտադէտ է գտնուում, քան թէ Սալիբեանք և միւսները, որոնք ամենեւին բանի տեղ չէին դրել նորա արածները և մինչև իսկ գլխահարկի լուրը ստացուելու միջոցին, երբ հասարակութեամբ գոհացողական մաղթանք էին կատարել եկեղեցում, գլխաւոր պատճառ եղողին մի կողմ թողնելով, Ս. Սաչի «Վնասաւարտ» Մկրտիչ վարդապետին էին հրաւիրել եկեղեցական հանդիսին նախադահելու: Նոյն իսկ Սումաշեանի ընդհարումներից մէկը նորա հետ պատահել էր դոյն իսկ միջոցին: Կոմսի աշխատանքի և գլխահարկի վերացման գործի յաջողելու լուրը հաղորդել էր Նախիջևան իւր Պօղոս եղբորը Սիմէօն Գրիգորեան Սուլթանշահեանը, և Պօղոս Սուլթանշահեանն էլ այդ առթիւ մեծ հացկերոյթ էր սարքել իւր տանը, բայց չէր հրաւիրել ոչ Պատկանեանցին և ոչ էլ Խումաշեանին, որով չարաչար վիրաւորել էր այդ վերջինի փառասիրութիւնը: Սա այն ժամանակ այցելութեան էր եկել Պատկանեանցին և հաղորդելով նորան այդ հանգամանքը և իւր զայրոյթը այդ առթիւ յայտնելով, աշխատել էր զրգռել և Պատկանեանցին և ստիպել այդ մասին քարոզ ասելու եկեղեցում և պախարակելու Խու-

լիբեանց ընթացքը, բայց բարեբաղդաբար Պատկանեանցը կարողացել էր այդ անգամ զսպել իրան և չհամաձայնել, որով թէև զայրացրել էր իւր կնքափորը, բայց պահել էր թէ իւր և թէ եկեղեցու պատիւը: Մենք ասում ենք «բարեբաղդաբար այս անգամ», որովհետև պէտք է խոստովանել, որ Պատկանեանցը շատ անգամ եկեղեցու բեմը շինել է կռուի ասպարէզ և հասարակաց խնդիրների դիմակի տակ իւր քարոզների, կամ, ինչպէս ինքն ասում է, «որոտումների» մէջ յաճախ իւր անմանական կիրքն է առաջ քշել, պախարակել իւր թշնամիներին, չատաղովել իւր բարեկամներին:

Գլուխ Թ.

1842-ին մեռնում է Յովհաննէս Կարբեցին և ընտրողական ժողովը 1843-ին առաջին անգամ, Պոլոժենիայի հիման վերայ, Տանկահայոց, Պարսկահայոց և Ռուսահայոց հոգևոր և աշխարհական պատգամաւորների մասնակցութեամբ ընտրում է երկու թեկնածու՝ Ներսէսին միաժայն և Երուսաղէմի Զաքարիա պատրիարքին ծայների համեմատական առաւելութեամբ: Պատկանեանցը Մակարիայի տօնավաճառումն է լինում և այնտեղ առաջին անգամ իմանում, որ Նիկողայոս կայսրը 1843-ի օգոստոսի 10-ին հաստատել է կաթողիկոս Ներսէսին, պատուիրելով նորան Քիչինեից երթալ Պետերբուրգ տեսակցութեան, և որ արդէն նա գնացել է: Դոյն իսկ միջոցին տօնավաճառում նա պատահում է Մոսկուսքնակ յայտնի Յովհաննէս Յովնանեանին, ու տալիս է նորան կաթուղիկոսի հաստատութեան ռեսկրիպտը կարգալու և թարգմանելու հայերէն: Պատկանեանցը կարծես թէ բնաղբամբ հասկանալով, որ ինքն այդ ընտրութեամբ զատապարտուած պիտի լինի սար ու ձոր ընկնելու, կամենում է թեթեւանալ ընտանիքից. նորա մեծ որդիները Ռափայէլն ու Յովհաննէսը արդէն Լազարեան ճեմարանումն էին, փոքրին էլ դորանից մի փոքր առաջ նա ուղարկել էր Վօրօնեժի նորակառօյց կաղեսների կորպուսը, այժմ էլ իւր վերադարձին շտապում է նշանել իւր հարսնացու դուստր

Մարիամին և այդպիսով պատրաստուում է ամեն փորձանք կրելու:

Դոյն 1843 թուին լուր է տարածուում, թէ Նիկողայոս կայսրը կամենալով վերջ դնել այն բոլոր անիրաւութիւններին, որոնք կատարուում էին լայնատարած տէրութեան սահմաններում և որոնց լուրը արդէն իսկ հասել էր նորա ականջը, հրամայում է ամեն կողմ սենատորներ ուղարկել՝ խստութեամբ քննելու ամեն բան և իրան զեկուցանելու: Դորա վերայ եկաւ երկնօպաւի նահանգի համար քննիչ կարգուում է զենեքալ Ժեմչուժնիկով արդարամիտ սենատորը, որ 1844-ին աշնանը հասնում է Նախիջևան և ձեռնարկում է Մագիստրատի գործերի քննութեան և դանում շատ անկանոնութիւններ, որոնց համար սակայն նա ներողամիտ է լինում, որովհետեւ այնպէս է կարծում, որ այդ բոլորն առաջ է եկել ոչ թէ կառավարիչների չար զիտաւորութիւնից, այլ պարզամտութիւնից: Այդ մասին խնդրել էր նորան Պասկանեանցը, պատուով ընդունելով նորան եկեղեցում երեկոյեան ժամերգութեան ժամանակ և առաջիկայ կիւրակէին ևս հանդիսաւոր պատարագ լսելու հրաւիրելով: Ժեմչուժնիկովը թէև իւր որդու ու աստիճանաւորների հետ իջեանել էր Մարկոս աղայի տանը, բայց նորա ծախսը բոլորամասն հոգում էր քաղաքը: Նորա գալու երկրորդ կիւրակէին քաղաքը պատրաստում է նորա պատուին մեծածախ երեկոյթ դպրոցի դահլիճում, որին ներկայ է լինում և քաղաքապետ Օտտօ Փռանկը, որ արդէն զգում էր, որ իւր պաշտօնի վերջը հասել է: Այդ ժամանակները Վօրօնցովը արդէն իսկ տեղափոխուել էր Կովկաս մեծ պաշտօնով և նորա կարգած մարդիկը հետզհետէ դուրս էին գալիս պաշտօնից: Նորա տեղը Նոր Ռուսիոյ երկրի կուսակալ նշանակուել էր Փեօդորովը, որ մի շատ արդարամիտ մարդու հռչակ էր վայելում: Երեկոյթին Ժեմչուժնիկովը շատ է խօսում Պատկանեանցի հետ. նորա կարծիքով Նախիջևանը զնալով պիտի նուազէր ու ընկնէր, իսկ Ռուստովը աճէր ու մեծանար, և այդ բոլորը նորա համար, որ Նախիջևանցիք չունէին իրանց մէջ մի սրտացաւ ու հասկացող մարդ. նքա միշտ փակ աչքով էն ընտրել դատաւոր,

հողաբարձու և քաղաքագլուխ, արդեօք ի՞նչ պիտի գրուի Նախիջևանի պատմութեան մէջ,—թէ այս ինչ դատաւոր կամ քաղաքագլուխն երեք տարի գնացին—եկան Մազիսարատ և Դումր, աթոռները մաշեցին, կերան ու խմեցին և զուր ժամանակ վատնեցին: Թէև Խալիբի դուռիւնը շատ խախուտ է լինում, բայց վերջ ի վերջոյ նա կարողանում է այնպէս անել, որ մտնում է քննչի աչքը, նամանաւանդ Գոգոյեանի ի պատիւսենատորին սարքուած ճոխ երեկոյթից յետոյ, այնպէս որ նորա քաղաքագլուխ վերընտրուելը երրորդ անգամ, 1845, 46 և 47-ի եռամեակի համար, ապահովուած կարելի էր համարել:

Կաթողիկոս ընտրուած և հաստատուած Ներսէսը, որ 1843-ին գնացել էր մայրաքաղաք և անօրինակ շքով ընդունուել կայսրից և մի քանի ամիս այնտեղ տկարացել և «մի գերմանացի մեամերեան գաղտնիքին ծանօթ տիկնոջ մագնիսաշօշափ բժշկութեամբ» ապաքինուել, արդէն վերադարձել էր Քիշինև, ճանապարհին մտնելով Մոսկով, դատելով Հաղարեան ճեմարանում Սալլանթեանին և հրամայելով արտաքսել ճեմարանից Յովհաննէս և Ռափայէլ Պատկանեանցներին և պատուէր ուղարկելով իրան Պատկանեանցին, թէ թող նա պատրաստ լինի իւր արածների արժանի վարձն ստանալու: Քիշինևից նա կոնդակով պատուիրում է Մարութեան Յովսէփ արքեպիսկոպոսին և «կաշի» Ստեփան Կպիսկոպոսին, որ նոքա զան Մոզդոկ և սպասեն իրան, իսկ ինքը 1844 թուի մեծ մասը մնում է Քիշինևում, որովհետև 15 տարի ապրած լինելով այնտեղ, ընտելացել էր և դժուար էր նորան հեռանալ այնտեղից շուտով: 1845 թուի սկզբին նա զուրս է գալիս դէպի Ղրիմ և այնտեղ անցկացնում նոյն թուի վերջին տաս ամիսը: Քիշինևից զուրս գալուց առաջ, նա հրամայում է, որ վիճակի ամեն կողմից երթան ձեռնադրուողներ, որ երկար ժամանակ իրանից յետոյ քահանայի կարօտութիւն չլինի, որովհետև միտք ունէր, դեռ իւր տեղը առաջնորդ չընշանակել, որ հնար լինի վիճակի արդիւնքը հաւաքել իւր ձեռքը և այն դուժարով կառուցանել Ս. Էջմիածնում հազար մանուկների համար մի ճեմարան, որի մասին նա խօսել էր կայսեր առաջ և մայրաքաղաքներում շուտ

տեղ, և, վերջապէս, տալ վիճակին այնպիսի քահանաներ, որոնց ձեռքով կարողանայ հասնել իւր ունեցած նպատակներին:

Դոյն իսկ 1845 թուին գալիս է կոմս Վօրօնցովի տեղը նշանակուած Ֆեօդորովը. նա առաջ իջեանում է Ռոստովում և այդտեղից կոչելով իւր մօտ խալիբին և Մադիսարատի ատենադպրին, չարաչար բարկանում է նոցա վերայ և կալանաւորում: Պատկանեանցը, երբ միւս օրը Ֆեօդորովը գալիս է Նախիջևան, ընդունում է նորան նոյն կարգով, ինչպէս մի ժամանակ Վօրօնցովին, և իւր ճառով փոխում է նորա տրամադրութիւնը զէպի Սալիբը, որի վերայ մի աղտոտ բողոք էր ներկայացրել նորան կառապանի կինը, որ տիկին Սալիբեանի նախնիքն էր, և գորանով քրդուել զենեքալի զայրոյթը քաղաքագլխի զէմ ու նորան արգելելու պատճառ եղել: Քաղաքի մէջ այդ ժամանակները արդէն լուր էր սարածուել, որ Ներսէսը շուտով պիտի գայ և պաաժէ Պատկանեանցին, և այդ լուրն այնպէս էր ազդել տմենքի վերայ, որ նորա կուսակիցների թիւը, որ առանց այն էլ շատ ստուար չէր, զգալի կերպով նուազել էր: Գործը այդ գրութեան մէջ է լինում, որ լուր է տարածւում, թէ 17 տարեկան Կոստանդին արքայորդին երկարատեւ ծովային ճանապարհորդութիւն կատարելուց յետոյ, հասել է Սևաստոպոլ և այնտեղից էլ պիտի գայ Ռոստով: Պատկանեանցը, որին Սալիբը Տագանրոգից հաղորդել էր այդ լուրը, սկսում է պատրաստութիւն տեսնել՝ արքայորդուն վայելչապէս ընդունելու: Հոկտեմբերի 15-ին, երբ պիտի գար կայսերազնը, Պատկանեանցը գնում է եկեղեցի, որ կատարէ ընդունելութիւնը: Սալիբը նորա գլխին մի խաղ խաղալու նպատակով, ծածուկ հրաւիրել էր Ս. Սաչից Մկրտիչ վարդապետին և նորան յանձնել ընդունելութեան հանդէսը կատարել, պատուիրելով միանգամայն, որ նա շուտով գնայ եկեղեցի և զգեստաւորուած ու մեծ խաչը ձեռքն առած մի տեղ պահուի, որ երբ մեծ իշխանը գայ և Պատկանեանցը պատրաստուի դուրս գալու նորա առաջը, նա յանկարծ դուրս գայ պահուած տեղից և ինքը դիմաւորէ և Պատկանեանցը խաչատուակուի: Այդպէս էլ լինում է. մինչ արքայորդու կուռքը հասնում է եկեղեցու բակի

դուռը և նա իջնելով կառքից, իւր դաստիարակ Լիտկէի հետ  
դիմում է դէպի եկեղեցու նախագաւիթը և Պատկանեանցը  
խոնճապելով, պահանջում է մեծ խաչը, որ ընդ առաջ դուռս  
գայ, յանկարծ յայտնուում է իւր Թաղնուած տեղից Մկրտիչ  
վարդապետը և միւս քահանաների հետ առաջ անցնում ու  
դնում կայսերորդու ոտքի տակ խաչը: Զուր է մաղուում ա-  
մենքի վերայ, և ինքը մեծ իշխանն էլ սասանում է. նա շտա-  
պով առնում է խաչը, համբուրում և վարդապետի յետևից  
մտնում եկեղեցի, որտեղ Պատկանեանցը ստում է իւր գրաւոր  
պատրաստած ճառը: Իշխանը գոհութեամբ առնում է ճառա-  
խօսի ձեռքից Թուղթը, դնում ժողը և ասում. «Այս Թուղթը  
ես կը տանեմ և ցոյց կը տամ հօրս»: Խաչը ոտքի տակ դնելը  
և տիրացու Եղիա Տէր-Աստուածատրեանի սարկաւազի նման  
հայոց եկեղեցում ուղեսերէն «Տէր աղաչեսցուք»-ը ասելը չա-  
փազանց ծանր սպաւորութիւն է Թողնում ամենքի վերայ:

Ներսէսը գալիս է նոյեմբերի սկզբին, ընդ առաջ են գը-  
նում Խալիբեանք, Խօշայեանք, Օգաբաշեանք, Խաչատուր Խըռ-  
մաշեանը և միւսները, զխաւորապէս Պատկանեանցի հակա-  
ռակորդները: Պատահում են կաթուղիկոսին Տազանթօզի և  
Մարիամպօլի մէջ գտնուած մի զետակի ափին, որտեղ Վեհա-  
փառը պէտք է փոխէր կառքի ձիերը: Իսկոյն բոլորեքեան իջ-  
նում են կառքերից և դիմաւորում մեծ հիւրին: Վեհափառը  
մտնում է իջևանի դահլիճը, և նորա հետ մտնում է միայն  
Խալիբը, իսկ զրան մօտ կանգնում է Դաւիթ Օգաբաշեանը,  
որ ոչ ոքի Թոյլ չըտայ մանելու, մինչև որ նոքա երկուսը վեր-  
ջացնեն իրանց առանձին խօսակցութիւնը: Մի քանի ժամա-  
նակից բացուում է դուռը և ներս է հրաւիրուում Տէր-Մար-  
տիրոս քահանան, յետոյ արդէն Թոյլտուութիւն են ստանում  
մտնելու և միւսները: Կաթուղիկոսը առաջին անգամ մինչև  
իսկ չի ճանաչում Խաչատուր աղա Խըմաշեանին, թէև դա  
բոլոր ժամանակ կանգնած է յինում նորա առաջ: Թէ ինչ են  
խօսում երկուսը առանձին—կաթուղիկոսը և Խալիբը, չի  
իմացուում, միայն որ այդ օրուանից սկսուում է նոցա մէջ  
բարեկամական յարաբերութիւնը, նոցա մէջ, որոնք 15 տարուց

ի վեր անհաշտութեան մէջ էին եղել, և պսակուում ու սրբազործուում ճոխ հացկերոյթի սեղանով, որ սարքել էին նախիջևանցիք հետերը բերած ճանապարհի առատ պաշարից: Այլտեղից շքեղ կարաւանը առաջ է շարժուում դէպի Տազանրոզ և մի գիշեր ճանապարհին անցկացնելուց յետոյ, երկրորդ օրը հասնում են Նախիջևան: Ահա՛ այդ միասին ճանապարհորդելու կարճ ժամանակամիջոցում, երբ Խալիբը բոլոր ժամանակ նրա-տած է լինում կաթուղիկոսի կառքում, վնասում է ամեն բան—և Տէր-Գաբրիէլի տեղափոխուելը Թիֆլիզ, և Տէր-Մարտիրոսի նախանգամ լինելը հոգեւոր կառավարութեան, և Եկե-նեանի վարժապետ կարգուելը հոգեւորականներին, և առաջնորդական գործակաւարութեան պաշտօնի և եկեղեցական գումարների Խալիբին յանձնուելը, և այլն և այլն:

Բազմամբոխ և շքեղ ընդունելութիւն է լինում, և կաթուղիկոսը մտնում է Ս. Լուսաւոշիչ, որտեղից դուրս էր եկել նա 1828 թուի օգոստոսի վերջին առաւօտեան: Սովորական, «Ուրախ լեր, սուրբ եկեղեցի» երգից յետոյ, վեհափառը դառնում է դէպի ժողովուրդը և քարոզում սէր և խաղաղութիւն ամենի հետ և մանաւանդ ռուսների հետ: Պատկանեանցը նորա քարոզի բովանդակութիւնը իսկոյն մի նամակով հաղորդում է Թիֆլիզ իւր եղբորը Միքայէլ Պատկանեանցին: Իջևան է պատրաստուած լինում կաթուղիկոսի համար «Զէնդին» կոչուած Կարապետի տանը, որտեղ հէնց նոյն օրն էլ լինում է մեծածախ ճաշկերոյթ: Այդ ճաշկերոյթին ներկայ չեն գտնուում միայն Խումաշեանն ու Պատկանեանցը, որ նկատում է և կաթուղիկոսն ու ասում, թէ Տէր-Գաբրիէլն ու Խումաշեանը, երևի, զլուխ գլխի են տուել, որ փարատեն իւրեանց արտմութիւնը:

Միւս օրը կաթուղիկոսի հրամանով ատեան է կազմուում և Պատկանեանցը առաւօտեան ժամը 10-ին կոչուում է դատի, որ պիտի լինէր քաղաքի բոլոր մեծամեծների ներկայութեամբ և հատուցանէր «նորա արածների արժանի վարձատրութիւնը»: Նա գնում է ժամը 9-ին և տեսնում է, որ ամեն բան արդէն պատրաստ է դատի համար. նստած է Տէր-Խաչատուր Սեթեան քահանան և նորա աջ ու ձախ կողմը քաղաքի մեծամեծները,

կաթուղիկոսը բազմած է ոսկեգօծ գահոյքի վերայ առանձին և նորա առաջ դրուած է մի սեղան՝ վերան քողածածկ խաչ ու աւետարան, վեհափառի լետեր կանգնած են հոգևոր կառավարութեան անդամները, որոնց հետ շշնջելով խօսում են Տէր-Մարտիրոս քահանան և Թադէոս վարդապետը, իսկ Սարգիս Տուֆլիկեանը, Տէր-Մարտիրոսի փեսան, անդադար գնում, գալիս է, պատգամներ է բերում Խալիբին և պատասխան տալով նորանից:

Տէր-Գաբրիէլը որոշեալ ժամին մտնում է առեան և ուղղակի դնում, առնում է կաթուղիկոսի աչքը, նշոյն բռնելին էլ Տէր-Մարտիրոսը քաշում, հանում է քօղը խաչի ու աւետարանի վերայից, որ նշան էր, թէ առեանը բացուած է և դասը սկսուած: Կաթուղիկոսը «ի՞նչ է այս աչքը, որ զու պիտի համբուրեցիր» հարցմունքը նորան տալուց ու պատասխանը լսելուց լետով, սկսում է մի առ մի թուել նորա կատարած յանցանքները, — թէ նա Ս. Համբարձման եկեղեցուց զոյացել է կենաց փաշտի խաչը, թէ նա նախընտրաբար համակրութիւն է ցոյց տալիս Տէր-Սիմէօնեան Տէր-Գաբրիէլին և Յոհաննէան ախրացու Ստեփանին և ատում միւս քահանաներին, թէ նա խռովել է Խաչատուր Խումաշեանից և այնպէս հեռացել նորանից, որ նորա գործակաւարութիւնը միանգամայն անպէտք է եղել առաջնորդութեան, թէ նա սանձակոտոր ու ամենի նեղսիրտ է, թէ նա քաղաքի մէջ ոչ մի բարեկամ չունի, թէ նա գրել է իւր, առաջնորդի մասին Ս. Էջմիածին Բարսեղ Կեսարացուն՝ «զիս պատուեալ էր օծութեամբ, չեթող ինչ ի չարեաց, զոր ոչ էած ի պուխ իմ», թէ նա մեղադրել է Ալամդարեանցին, որ իբր թէ նա ուղեցել է փախչել Ս. Էջմիածին և եպիսկոպոս դառնալ, այն ինչ ինքը խնդրել է Կարապետ եպիսկոպոսից, որ նա իրան աւել տայ Թիֆլիսում, թէ նա երբէք լուռ չի կենում, ինչպէս Թադէոս վարդապետը և միւսները, այլ միշտ պատասխանում է, որով և արդարացնում է Սողոմոնի խօսքը՝ «այլ անդգամ ի պատասխանիս է պատրաստ», թէ նա, ըստ ամենայնի, արժանի է «զև Գաբրիէլ» կոչման, որ տուել են նրան, և թէ, վերջապէս, ինքը շատ

զղչում է, որ նորան ձեռնադրել է քահանայ, և այլն և այլն։ Կաթողիկոսը այդ բոլորը ասելու ժամանակ աչքն անհետացավ և լինում, որ չի կարողանում հանգիստ տեղը նստել։ Նա մերթ անդից վեր է կենում ու շրջում սենեակում, մերթ մտանում Տէր-Գաբրիէլին և ցնցում նորա վերարկուի թևը, մերթ էլ անհանգիստ նստում իւր գահոյքի վերայ։ Նա նամանաւանդ շատ բարկացած է լինում վերոյիշեալ «ի չարեաց» խօսքի վերայ։ Նա այդ առթիւ անդադար հարցմունքներ է ուղղում բազմականներին, թէ «իբրուհիմնք է, որ իմ ձեռնադրած մարդն ինձ չարագործ կոչէ. իշխաններ և մեծամեծներ, ես չարագործ եմ. Տէր-Գաբրիէլ, ես չարագործ եմ»։ Դատը տեղում է մինչև նաշ և ընդհատուում է ճաշի պատճառով. վեհափառը սեղան է նստում և հրաւիրում է, որ ներկայ գտնուողներն էլ նստեն, բայց Պատկանեանքը չի մնում։ Նա գնում է տուն և վերադառնում է միայն ճաշից յետոյ, երբ պիտի վերսկսուէր դատը։ Վեհափառը հարցնում է նորա չր մնալու ու սեղան չը նստելու պատճառը. նա պատասխանում է, թէ ինքը գնացել էր տուն, որ հաղորդէ իւր ընտանիքին, թէ վեհափառը միաք ունի իրան Թիֆլիս փոխադրելու։ Այս անգամ դատը երկտը չի շարունակուում. մի քանի հարցմունք տալուց ու պատասխանը ստանալուց յետոյ, երբ նա տեսնում է, որ հրաւիրուածները ծանծրացել են, միմեանց ականջի խօսում են և ումանք էլ դուրս են գալիս առեանից, լուծում է ժողովը և արձակում ժողովուրդին, խոստանալով միւս անգամ հրաւիրել, որ սակայն չի կատարում։

Ներսէս Նախիջևանում երեք կոնդակ է տալիս՝ մինը Մկրտիչ Եկանեանին, միւսը Տէր-Մարտիրոս Թորոսեանին և երրորդը Խալիբին։ Այդ կոնդակներով նա գրաւոր կերպով միայն փաւերացնում է, ինչ որ արդէն մասնաւոր և առանձնակի խօսակցութիւնների ու խորհրդակցութիւնների ժամանակ չափած, ծեւած ու վերջացրած էր։ Եկանեանը կարգուել էր վարժապետ հոգևորականների վերայ, Տէր-Մարտիրոսը՝ հոգևոր կառավարութեան նախանգամ և Խալիբը—առաջնորդական գործակատար և ընդհանուր ինքնազուխ սնօրէն բովանդակ եկեղեցական գոյքերի և փողերի, պատասխանատու միայն կաթողիկոսի

առաջ: Պատկանեանցի մասին արուելիք կարգադրութիւնը մի փոքր ուշանում է. թէև վեհափառը շատերին և մինչև իսկ իրան Պատկանեանցին էլ յայտնել էր իւր մտադրութիւնը նորան Թիֆլիզ տանելու, բայց իբրև վերջնական հրաման չեղ էր յայտնուել նորան, որ ամենից շատ էր շտապում, վերջապէս, իւր վիճակը որոշուած տեսնել: Վերջապէս, երբ Պատկանեանցը ստէպ-ստէպ սկսում է գնալ-գալ վեհարան և մի վերջնական պատասխան խնդրել, վեհափառը պատուիրում է անցագիր տալ նորան, «Դու ինձ պէտք ես Կովկասում, ասում է նա նորան. ներսիսեան դպրոցը քեզ պիտի յանձնեմ, մեր աղգի այս կողմերում մնայր ամենամեծ վնասն է»: Կաթողիկոսը քանի կիւրակէ որ մնում է Նախիջևանում, ամեն անգամ էլ եկեղեցի է գնում, բայց միայն երկու անգամ է քարոզ խօսում՝ մէկ գալիս, մէկն էլ դնալիս: Նա կարգադրում է, որ աւետարան կարդալու ժամանակ վարդապետները վեղարը մի կողմը կախեն, պատարագիչները սաղաւարտը հանեն, թէև այդ բանի համար իբրև թէ նա Պատկանեանցին յանդիմանել էր Քիչինեում, ասելով, թէ այդ Յունաց ծէս է: Արքայական սուրը լիշատակելու ժամանակ հրամայում է կայսր բառի տեղ «իմպերատոր» դործածել, և ամեն մի խօսակցութեան սկիզբը քնտրում է բնաբան առաքեալի խօսքը՝ «Հնազանդ լերուք ամենայն մարդկեղէն ստեղծուածոյ վասն Տեառն, եթէ թաղաւորի՝ իբրև առաւել ումեք»:

Անցագիր ստանալուց յետոյ, Պատկանեանցը սկսում է տեղափոխուելու պատրաստութիւն տեսնել. նա ամուսնացնում է իւր Մարիամ դուստրը Մարկոս աղայի որդու Մկրաչի հետ և մնում է միայն Վառվառէ և Սոփիա աղջիկներով: 1846-ի ծննդեան օրը ժամարար է լինում, քարոզ խօսում, հրաժարականի ողջոյն տալիս և տնօրհնէք ման դալիս, բայց ոչ ոքի չի յայտնում իւր ճանապարհ դուրս գալու օրն ու ժամը: Յունուարի 20-ին լուսաբացից առաջ նա ճանապարհ է ընկնում. նորան ուղեկցում են Մարկոս արքան, Յուսիկ Կուսիկեանը և Միքայէլ Նալբանդեանը, մինչև որ հասնում են առաջին իջևանը, որտեղ պիտի փոխէին ձիերը: Այստեղ վերջին

հրաժեշտ են տալիս միմեանց բարեկամները, և Պատկանեանցը զիմում է դէպի Ստաւրապոլ, 1846 թուի փետրուարին նա դժուարութեամբ անցնելով Կովկասի սառցապատ լեռները, հասնում է Թիֆլիս և մնում այնտեղ անգործ համարեա թէ երեք տարի: Կաթողիկոսը այդ բոլոր ժամանակը թողնում է նորան անպաշտպան, անդադար յետածելով ներսիսեան դրպրոցում պաշտօն տալը նորան և փորձելու համար ծածուկ կարգելով նորա վերայ հսկողներ, որ իմանայ, թէ նա ի՞նչ է տնում և ո՞ւմ հետ է բարեկամութիւն կապում: Մինչև անգամ երբ ուսումնարանական շրջանի հոգաբարձու Սիմէօնովը այդ միջոցում խնդրում է կաթողիկոսին, որ նա թոյլ տայ Պատկանեանցին ճեմարանում և նահանգական վարժարանում կրօնուսոյց լինել, նա մերժում է, ասելով, որ նա իրան էլ հարկաւոր է, իսկ այն պաշտօնները տալիս է ճեմարանինը՝ Տէր-Սահակ Սահառունուն 700 ռուբլի ռոճիկով, նահանգականինը՝ Տէր-Սահակ Զիպեանին 350 ռուբլի ռոճիկով: Այդ հանգամանքներում Պատկանեանցը ստիպուած է լինում ապրուստ հայթայթելու համար բաց անել մի գիշերօթիկ մասնաւոր վարժարան հայ, ռուս, վրացի և ֆրանսերէն լեզուների դասատուութեամբ. դորա հետ միասին նա մի փոքր յետոյ, 1850-ին, բաց է անում և մի տպարան և սկսում է հրատարակել «Արարատ» շաբաթաթերթը: Վեհափառը հաւանում է «Արարատ»-ի տպագրութիւնը, տառերը և գովում է նորա եռանդը և նոյն 1849 թուի վերջին և 50-ի սկզբին կարգում է նորան դասապետի և ժամօրհնող Ս. Աստուածածին Նորաշէն եկեղեցում, որտեղ նորան շատ նեղութիւն են տալիս Տէր-Դաւիթ քահանան և մի տիրացու, որոնցից առաջինը իւր խռովարարութեան համար արտաքսուած էր Վանքի եկեղեցուց, երկրորդը նոյն պատճառով հալածուած Բեթղէհէմից:

Իշխան Արղուլթեան Իվանէ Զաքարիայի խորհրդով, վերջապէս, կաթողիկոսը յանձնում է Պատկանեանցին այն պաշտօնը, որի համար իսկապէս տարել էր նորան—Ներսիսեան դպրանոցի տեսչութիւնը. նա ստիպուած է լինում այդ պատճառով փակել իւր դպրոցը, որովհետեւ դժուար էր միաժամա-

նախ երկու տեղ էլ պաշտօն փարել, նամանաւանդ որ կաթուղիկոսը զանգատուում էր, որ նորա մասնաւոր դպրոցն արգելք է լինում նորան բոլորովին նուիրուել «ազգային հոգեւոր դպրոցին»։ Նա մինչև իսկ անբաւական էր, որ նա խմբագրուում էր «Արարատ»-ը և սորան-նորան տտում էր, թէ նա աւելի զբաղուած է «Արարատ»-ի սրբագրութեամբ, քան թէ դպրոցի գործերով։ Ահա հէնց այդ ժամանակ հասնում է Խալիբի միջնորդութիւնը՝ Պատկանեանցին վերադարձնելու Նախիջևան, որ վեհափառը շտապում է իսկոյն կատարել, կարծես թէ ուրախանալով, որ կարող է այդպիսով ազատուել նորանից, նա խոստանում է տալ նորան խաչ, փիղոն և կամիւակայ և յորդորում է Կարապետ եպիսկոպոսին այդ մասին միջնորդութիւն չարուցանելու իւր առաջ և արդէն իսկ այդ մտքով կոնդակ էլ է պատրաստում, բայց յանկարծ փոխում է իւր միտքը և անցազիր տալով, արձակում նորան։ Պատկանեանցը, նախ, գնում է Կովկասի հանքային ջրերը տեսնելու իւր Մկրտիչ փեսային, որ հէնց այդ ժամանակ եկել էր ջրերը բժշկուելու։ Ունառութիւնից, և յետոյ Նախիջևան, որտեղ նորան սպասում էր Մատթէոս Վեհապետեանը և որտեղ դորանից արդէն քանի ժամանակ առաջ սկսուել ու շարունակուում էր եկեղեցական գումարների հաշուեառութեան և առաջնորդի իրաւասութեան յայտնի խնդիրը երկու կուսակցութեան մէջ՝ Խալիբեան և Հայրապետեան։

Պատկանեանցը մտնում է Նախիջևան 1851 թուի յունիսին և յուլիսի 1-ին կարգուում է նախանդամ հոգեւոր կառավարութեան, բարեկարգիչ բոլոր եկեղեցիների և ժամօրհնող աւագ եկեղեցու։ Նորա բացակայութեան հինգ տարուայ ընթացքում մեծամեծ փոփոխութիւններ էին եղել Նախիջևանում։ Ճիշդ է, քաղաքի կառավարութեան ձեւը, եղանակը և բնաւորութիւնը միևնոյն էր մնացել, որովհետև չորս եռամեակ յաջորդաբար վերընտրուել էր քաղաքապետ խալիբը, բայց Պատկանեանցի տեղ յառաջ էին եկել նորա զէմ նոր կռուող ղյօթեր՝ Վեհապետեան Մատթէոս առաջնորդը, Միքայէլ Նալբանդեանցը և Հայրապետեանը և կազմակերպուել ու ամրա-

պնդուել էր հակախալիքեան կուսակցութիւնը— Հայրապետեան։ Մատթէոսը ձեռնադրուած էր Կարրեցուց և աւագ զանձապահ էր եղել Ս. Էջմիածնում, յետոյ նա կարգուել էր Շումախու առաջնորդ և, վերջապէս, ուղարկուել էր վիճակաւորի պաշտօնով Նոր-Նախիջևանի և Բեսսարաբիոյ թեմը։ Նա աեսնելով, որ իւր առաջնորդական իշխանութեան իրաւունքների մի մասը Խալիբի ձեռքին է, ներքին գործոց նախարարութեան ձեռքով սկսել էր չեա պահանջել, չարուցանելով մի և նոյն ժամանակ եկեղեցական զուամարների հաշուետուութեան խնդիրը. նա նոյնպէս նկատելով, որ իւր ձեռնասուն աշակերտ Զովհաննէս վարդապետ Բէկնազարեանցը Խալիբի կողմն է պահում, ուղարկել էր նորան Ղրիմ, որ Ներսէսի ժամանակ կառավարում էր Թալէոս վարդապետը, իսկ Եփրեմի և Գառնակերեանի ժամանակները— Գիւմուշխանցին, և Տէր-Մարտիրոսի ձեռքից խլել էր բոլոր պաշտօնները, որ տուել էր նորան կաթողիկոսը, և միայն թողել էր նորան աւագ քահանայ Ս. Աստուածածին եկեղեցու։ Նա իւր անձնական քարաուղարութեան պաշտօնը տուել էր Միքայել Նալբանդեանցին և ինքը մերթ Քիչինեւում նստելով, մերթ Նախիջևանում, մերթ էլ մայրաքաղաքներում, ձեռնարկել էր կառավարելու թեմը։ Նալբանդեանցը, որ լաւ ծանօթ էր անցեալին, եկեղեցական գումարների հետ միասին սկսել էր պահանջել առաջնորդի ձեռքով և խօնախը, որ Մարկոս ազան ենթարկել էր Տաղանթօղի դիրեկցիայի իշխանութեան, լայց Խալիբը դպրոցը առաջնորդի ձեռքից ազատելու համար։ 1850 թուին ծխականից նահանգական վարժարանի էր վերածել տուել «վեհագոյն հաստատեալ Նախիջևանի նահանգական վարժարան անունով և ինքը կարգուել վերատեսուչ։ Այս բոլորը կատարուել էր 1849—50 թուերին Մատթէոսի առաջնորդ նշանակուելու առաջին և երկրորդ տարին, Պատկանեանցի Նախիջևան վերադառնալուց 1—2 տարի առաջ։

Պատկանեանցի Տէր-Մարտիրոսի տեղը նշանակուելը որդէն բաւական է լինում նորից ղինելու նորա դէմ Խալիբին և նորա կուսակիցներին, որոնց թշնամութիւնը դէպի նա, կար-

ձեա թէ, նորա հեռանալովը սառել և կորցրել էր իւր սրու-  
թիւնը: Ինքը Պատկանեանցն էլ չի ունենում այնպիսի բնաւո-  
րութիւն, որ կարողանայ, գոնէ, մի առ ժամանակ հեռու մը-  
նալ կուսակցական կռիւներէից. նա նախիջևան ժամանելուն պէս,  
իսկոյն և եթ յարում է առաջնորդական կամ ճայրապետական  
կուսակցութեան, անմիջապէս խառնուում է գործերի մէջ և  
սկսում է ներգործող դեր խաղալ: Եւ ուրիշ կերպ լինել էլ չէր  
կարող, քանի որ, կարելի է ասել, իբրեւ բողոքող բնաւորու-  
թիւն, նա էր հիմք դրել այդ կուսակցութեան: Ժիշդ է, այն  
ժամանակները, Պատկանեանցի Թիֆլիս գնալուց առաջ, դեռ  
չը կային եկեղեցական գումարների և առաջնորդի իրաւասու-  
թեան կարեւոր խնդիրները, բայց կային մանր-մուսր քիչ թէ  
շատ կարեւոր խնդիրներ, որոնք առիթ էին տալիս մեծերի և  
հզօրների գործողութիւններից դժգոհներին երբեմն ծայն բարձ-  
րացնելու նոցա դէմ: Ահա այդ դժգոհների պարագլուխ այն  
ժամանակները միշտ համարեա հանդիսանում էր Պատկանեան-  
ցը, ինքը համարեա թէ իւր վերայ ընդունելով հզօր հակառա-  
կորդների բոլոր հարուածները, ինքը բոլորի տեղ տուժելով,  
որովհետեւ վնասկան ըոպէներին այդ դժգոհները, այդ խուլ ու  
անհամարժակ կերպով բողոքողները մենակ ու անօգնական էին  
թողնում նորան և մինչև իսկ թշնամանում էին նորա հետ և,  
գոնէ, երեսանց անցնում էին զօրաւորների կողմը: Այժմ, երբ  
որ հանգամանքները այդպէս փոխուել էին, երբ բողոքողները  
ունէին կողմնակից և պաշտպան այնպիսի մարդիկ, ինչպէս  
Մատթէոս առաջնորդը, ճայրապետեանը և Նալբանդեանցը,  
Պատկանեանցը չը պէտք է կարողանար անկասկած հոգով սրտով  
չմիանալ նոցա հետ և ձեռքերը ծալած նստել: Նա, ճիշդ է,  
այժմ էլ գործ է դնում իւր նախկին մաքառելու եղանակը,  
աշխատելով ամեն տեսակ հաշտեցնել Խալիբին Մատթէոսի հետ  
ինչպէս մի ժամանակ նա աշխատում էր հաշտեցնել նոյն Խա-  
լիբին Ներսէսի հետ, բայց երբ այդ չի յաջողում, նա չի դա-  
դարում, որքան ցոյժ ունէր ու կարողութիւն, հարուածելու  
նորան ու նորա կուսակիցներին, որով և նորից վերանորոգում  
է իւր հակառակորդների զաղախացած ատելութիւնը դէպի

ինքը և հետդհեաէ ևս առաւել սրում իւր յարաբերութիւնը նոցա հետ:

Նոյն 1851 թուի օգոստոսի 1-ին առաջնորդը Պատկանեանցին իւր հետ առնելով, տանում է Ղրիմ Վօրօնցովի որդու հարսանիքին, որաեղից նա, Պատկանեանցը, վերադառնում է հոկտեմբերին Ալաթօն Դաւթեան հաքիմեանի հետ, որ եկել էր Ղրիմ առաջնորդի մօտ հրաման ստանալով՝ պսակել Խաչատուր աղա Լաղարեանի երկու աղջկան երկու քեռորդու՝ Յովհաննէս Դաւթեան Դիլանեանի և Սիմէօն Դաւթեան Արամելիքեանի հետ: Այս անգամ Նախիջևանում Պատկանեանցը զրտնում է Սարգիս վարդապետ Զալալեանին Մկրտիչ վարժապետ Եկանանի տանը, որին և բերում է իւր տունը ճաշի, հրաւիրելով և Ալաթօնին և դորա քեռորդի Փոնզոյեանին ու քաղաքի մեծամեծներին: Սարգիս վարդապետն եկել էր Նախիջևան իբրեւ քննիչ վիճակի և ծանօթացել էր քահանաների ղեպի Պատկանեանցը ունեցած թշնամական յարաբերութեան, նամանաւանդ Մատթէոսից նոր միայն ձեռնադրուած Տէր-Եղիա Տէր-Աստուածատրեան Շապուղնիկեանի յարաբերութեան, որ ամբաստանել էր Պատկանեանցին նախարարութեան առաջ նորա կայսերական տօների ցուցակը օրացոյցում սխալ տպագրելու համար: Այդ սխալը պատահել էր, որովհետեւ ինքը Պատկանեանցը լուր առնելով իւր փեսայի հիւանդութեան մասին, շտապել էր դուրս գալ Թիֆլիսից և նոր օրացոյցի մէջ, որ տպուում էր նորա տպարանում, մտել էր հին օրացոյցի կայսերական տօների ցուցակը: Նախարարութիւնն այդ ամբաստանութիւնը ուղարկում է վեհափառին, նա էլ տալիս է Սինօդին, որ անմիջապէս, զանց առնելով առաջնորդին, կրկին հրովարտակով, արժակուած 1851 թուի դեկտեմբերի 31-ին և 1852-ի յուլիսին, ուղղակի զրկում է Պատկանեանցին քահանայապօրծութիւնից:

Գլուխ Ժ.

Այս դրութեան մէջ Պատկանեանցը մնում է մինչև 1852 թուի օգոստոսը, երբ, իւր պատմելով, սկսում է նիւթեր հա-

ւաքել մի ընդարձակ բողոքագիր պատրաստելու համար, որ նա միաքը դրած է լինում ուղարկելու Ս. Էջմիածնի Սիւնհոգոսին և վեհափառ կաթողիկոսին: Բայց որովհետև նա ռուսերէն և օրէնքները լաւ չէր իմանում, այդ պատճառով էլ սկսում է որոնել մի օրէնսդէտ մարդ, որ իւր պատրաստած նիւթերից կարողանար, օրէնքի հիման վերայ և ռուսերէն, պատրաստել բողոքագիրը: Ռոստովում հէնց այդ ժամանակներն ապրում էր մի աստիճանաւոր Կորչևսկի աղգանուհով, որ հռչակուած էր իբրև հմուտ օրէնսդէտ և խնդիր գրող. նա գիմում է նորան, բայց այդ վերջինը պէտքէս պատճառներ մէջ բերելով, հրաժարուում է: Այնու ամենայնիւ նա աչքի է անցկացնում նորա թղթերը և տաւում է, թէ զօքա, այդ փաստաթղթերը, այնքան զօրաւոր են և պարունակում են իւրեանց մէջ այնպիսի ծանրակշիռ փաստեր ու ապացոյցներ, որ բաւական են սպանելու ոչ միայն Ներսէսին, այլ և Խալիբին, որից և քաղաքի մէջ իբրև թէ տարածուում է մի զրոյց, թէ Պատկանեանցը միաքը դրել է սպանել Խալիբին:

Շուտով սակայն յիշեալ Կորչևսկին տեղափոխուում է Ձերկասի քաղաքը և վերանում են այն պատճառաբանութիւնները, որ նա բերում է եղել բողոքագիր պատրաստելու դէմ: Պատկանեանցը խմանալով, որ այդ օրէնսդէտ աստիճանաւորի հետ լաւ ծանօթ ու բարեկամ է Նախիջևանցի Կարապետ Իսմայիլցեանը, կոչում է նորան իւր մօտ և խնդրում է, որ նա միջնորդ հանդիսանայ իւր և Կորչևսկու մէջ և համոզէ նորան յանձն առնելու խնդրագրի պատրաստելը: Իսմայիլցեանը խօսք է տալիս և մի քանի օրից յայտնում է, թէ Կորչևսկին յօժարացել է և այդ գործում օգնել է իրան Նախիջևանցի Պաշտուր Թերզիեանը: Սորա վերայ անցնում է այլ ևս մի քանի օր և Իսմայիլցեանը բերում է Պատկանեանցին մի սոմասի, որ իբրև թէ Կորչևսկին դրել էր իրան, թէ որովհետև ես ձեր խնդիրքով յանձն առայ զրեւու Պատկանեանցի բողոքագիրը, ուստի և խնդրում եմ, որ առնէք նորանից 20 ռուբլի և հասցնէք ինձ այս գրաբերիս ձեռքով, որ հէնց դրա համար ուղարկում եմ: Սորանից չետոյ մի քանի անգամ էլ կրկնուում է նոյն պատ-

մութիւնը և Պատկանեանցը իբրև թէ Իսմայիլցեանի և զրաբերի ձեռքով ուղարկում է Կորչեակուն մաս-մաս զանազան քանակութեամբ զուճարներ՝ առաջ 20 ռուբլի, յետոյ 13 և 30 և այլն: Օգոստոսի 9-ին, վերջապէս Իսմայիլցեանը բերում է հինգերորդ առնակը, որի մէջ Կորչեակին պրում էր նորան, որ նա առնէ Տէր-Գաբրիէլից 75 ռուբլի և շուտով հասցնէ իւր ձեռքը: Պատկանեանցը իբրև թէ չը կամենալով զայրացնել նորան, համաձայնում է տալ 50 ռուբլի, միայն որ կամենում է առաջ տեսնել զրաբերին:

Օգոստոսի 10-ին, կէսօրին, գալիս է նորա մօտ Իսմայիլցեանը և ասում, թէ եթէ դու ուզում ես տեսնել Կորչեակու ուղարկած մարդուն և անձամբ յանձնել նորան փողը, պէտք է այսօր երեկոյեան ժամը 9-ին գուրս դաս քաղաքից դուրս, որտեղ դանուում են Փանոսի հողմաղացները. այնտեղից պիտի անցնի զրաբերը, գնալով Ռոստովից Չերկասի: Երեկոյեան նշանակուած ժամին Պատկանեանցը գնում է Իսմայիլցեանի տունը, որտեղ գտնում է և Թերզիեանին, և նոքա հաւատացնում են նորան, թէ Կորչեակու մարդը դեռ չի վերադարձած լինի Ռոստովից և մի ժամից առաջ չի վերադառնալ: Նա նոցա յայտնում է, թէ որտեղ կարող են գտնել իրան, և գնում է, չը կամենալով երկար մնալ նոցա մօտ և սպասել: Ժամը 10-ին գալիս է Իսմայիլցեանը և միասին գնում են նշանակուած տեղը: Երբ որ նոքա հասնում են հողմաղացների առաջ գտնուած տափարակը, չեն գտնում այնտեղ Կորչեակու մարդուն: Իսմայիլցեանը հեռուից ցոյց տալով նորան այս կամ այն բունը, ասում է, թէ նա ահա այստեղ է կամ այնտեղ է, և այսպիսով խորխրելով, կամաց-կամաց հեռացնում է նորան քաղաքից և հասցնում է մի տեղ, որտեղ Պատկանեանցը վարձանքով տեսնում է իւր առաջ երեք ձիաւոր Թերզիեանի հետ: Իսմայիլցեանը և Թերզիեանցը ցոյց տալով նորան ձիաւորներից մէկին, ասում են, թէ ահա հէնց սա է Կորչեակու մարդը, իսկ միւս երկուսը նորա ուղեկիցներն են: Նա իսկոյն համեկով տալիս է նորան 50 ռուբլի և ասում է, թէ Կորչեակին թող առ ժամանակ շատանայ սորանով, իսկ երբ վերջացնէ աղերսադիրս,

կրստանայ այլ ևս 150 ռուբլի: Այս ասելուց չետոյ, երբ նա ուզում է կոռք նստել ու սուրն վերադառնալ, ծիաւորներից մէկը, որ ծպտեալ ժանդարմ է լինում, բռնում է նորա օծիքից և սկսում է որոտագին կանչել՝ դարաճւլ, դարաճւլ: Այս աղաղակի վերայ իսկոյն դուրս են թափուում զարանամուտները — Խալիբը, զասաւոր Զէյթունեանը, սարեապէի Սիմեոնովը, ժանդարմների պէս բառօն Կլէյստը և ուրիշ ծպտեալ ժանդարմներ, որոնք բռնելով ու նեղը ծգելով նորան, աղաղակում էին, թէ նա կամենում էր կաշառել մեզ, ինչպէս սրբիկաների, Խալիբին սպանելու համար: Բոլորեքեան շրջապատելով նորան, հայոցում են, սպառնում են, ուշ չդնելով նորա աղաչանքներին, նորա, որ կամենում էր յայանել ճշմարտութիւնը: Բերում են իսկոյն Տէր-Մարտիրոս Թորոսեանին և Տէր-Պօղոս Խուշեանին, որոնց իբրև թէ նախապէս հրաւիրել էին և նախապատրաստել, և խնդրում են, որ դռա էլ, իբրև հոգևոր կառավարութեան անդամներ, վկայ լինեն դործին: Քահանաներից Տէր-Մարտիրոսը, առանց լսելու նորա պատասխանը, սկսում է, ի միջի այլոց, չարաչար նախատել նորան և անպատուել, որով և հանում է իւր վրէժը ու ոխը, որ վաղուց ի վեր պահում էր իւր սրտում:

Դաշտից տանում են նորան Մադիսարտտ, զիշերուայ ժամը 11-ին կաղմում են ասեան, շատ համառօտ ցուցմունքներ են առնում նորանից, չեն գրում նորա պատասխանների մինչև իսկ տասերորդ մասը, խլում են նորա ձեռքից 50 ռուբլի փողը, ակնոցը, տէրոգորմեան, ձեռնոցները, սանրը և բանտարկում են իբրև մահապարտի, յանցանքի աեղում բռնուած: Այդտեղ Տէր-Պօղոսը, ի միջի այլոց, ի հաճոյս Տէր-Մարտիրոսի, կոչում է նորան «Յուզա, բաժանուած առաքեալներից»: Յետոյ միայն իմանում է նա, որ, բանտարկելուց չետոյ, նոքա կողմել են սուտ արժանագրութիւն, որպէս թէ նա հէնց այնտեղ, դաշտում, խոստովանել է իւր մեղքը, որ գործած չէր, և այդ հիման վերայ յայտարարութիւն են ուղարկել Տաղանրոզի քաղաքապետ իշխան Լիվէնին և հրաման բերել պահելու նորան բանտում: Բանտարկութեան յաջորդ օրը, օգոստոսի 11-ին, նա

խնդրում է, որ թոյլ տան իրան խնդիր գրելու թեմական առաջնորդ Մատթէոս արքեպիսկոպոսին, բայց չի ստանում այդ թոյլտուութիւնը, և նոյն ամսի 14-ին միայն տանում են նորան Մագիստրատի ոստիկանութեան կողմը և իրաւունք են տալիս այնտեղ գրելու, և այն միայն ուսերէն և մի ժամուայ մէջ: Սորա վերայ 10 օր անցնելուց յետոյ, երբ լսում են, թէ պէտք է գայ Տաղանորդի նոր քաղաքապետ կամերներ կոմս Աղլերբերգը, միւս անգամ ևս, օգոստոսի 24-ին, հանում են նորան բանտից ճաշի ժամանակ, և նա հաղիւ հազ կարողանում է կարգաւ և սրբազրել իւր աղերսագիրք: Օգոստոսի 25-ին նա գրում է խնդիր արդարադատութեան նախարարին, 27-ին ժանդարմների շէֆին, սեպտեմբերի 3-ին նոր քաղաքապետին և սեպտեմբերի 5-ին Բեսսարաբիոյ և Նոր-Ռուսիոյ ընդհանրական նահանգապետ Ֆեօդորովին: Սեպտեմբերի 25-ին նա ստանում է իւր խնդրագրի պատասխանը քաղաքապետից, թէ մեղադրեալի խնդիրն ուղարկուած է քննչին, իսկ երիցուհուն, որ նոյնպէս աղերսել և խնդիր էր գրել իւր ամուսնու համար, Տաղանորդից պատասխան է գալիս, թէ նորա խնդիրքը թողնուած է անհետևանք, որովհետև քահանան բռնուած է հէնց յանցանքի տեղում և ինքն էլ հէնց տեղնուտեղը խոստովանել է իւր մեղքը, որի համար և պէտք է ենթարկուի քրէական դատի և պատժուի ըստ օրինաց:

Արդարադատութեան նախարարին և ժանդարմների շէֆին դրած իւր խնդիրներում նա աղերսում էր հրամայել իրան գրանալ Պետերբուրգ և այնտեղ կայսեր առաջ արդարանալ, մաքրուել և պահանջել տրիաուր կաթուղիկոսից նորա երեսից կրած իւր ՅՅ-ամեայ հալածանքի համար. իսկ առաջնորդից խնդրում էր միջնորդել նորա համար նահանգապետ Ֆեօդորովի առաջ, որպէս զի ինքը կարողանայ ազատուել բանտից և ուղևորուել Պետերբուրգ իւր իրաւունքները պաշտպանելու համար, չիշելով միտնգամայն, որ ինքը ոչ մի շահ և օգուտ չի ունեցել և չէր էլ կարող ունենալ Խալիբին սպանելուց, քանի որ ինքը նորա տեղ քաղաքապետի լինելու չէր, նորա հարբստութիւնը ժառանգելու չէր, նամանաւանդ որ ինքը միտք էլ

չունէր նախնականում մնալու, այլ ձգտում էր տեղափոխուել Մոսկուա: Իւր ասելով, նա ինքը երբէք թշնամի եղած չէ Խալիբին. նա, ընդհակառակը, միշտ աշխատել է ձեռքից եկած լաւութիւնը անել նորան և Ղրիմում, ինչպէս յիշում կրկինի և առաջնորդը, ձգտել է իրան սրբազանին հաշտեցնելու նորահետ: Բայց Խալիբը կասկածաւոր մարդ է: Նա կարծել է, որ սրբազանը թուղթ է գրել նախարարին նորա մասին իւր, Պատկանեանցի, խորհրդով ու յորդորելով, որ կամեցել է այդ հաստատարով վրէժխնդիր լինել նորանից: Նա մինչև իսկ միաբեր պրած է եղել զիմել իշխան Լիվէնին, որ նա համողէ Խալիբին, միշտորդելու կաթուղիկոսի առաջ քահանայապետութեան իրաւունքը վերադարձնելու իրան: Սակայն ամենքն իւր դէմ են, որովհետև կաշառուած են Խալիբից՝ սկսած քաղաքապետից, բառօն Կլէյստից, Կորչևսկուց և միւս զլխաւորներից և վերջացրած Թերզիեանով, որ բանտարկուած լինելով Յովհաննէս Տուֆլիկովին տարհանականար անելու փորձի համար, անպատուել էր Մագիստրատը, հայհոյելով և սպառնալով ձեռքը դատաւորներին, եթէ միայն նոքա չեն ալատիլ իրան բանտից ու պատժից, և այլն և այլն:

Խալիբի աշխատանքով շուտով նորան փոխադրում են Ռոստովի բանար, որտեղ և նա մնում է մինչև գործի վերջանալը—1853 թուի օգոստոսի 10-ից մինչև 1860 թուի մարտի վերջը: Թէև նորա կեանքը բանաւում շատ էլ մեծ խստութիւններով շրջապատուած չի լինում և նորա բարեկամներն ու ծանօթները համարեալ թէ անարգել մուտք ու ելք են ունենում նորա խուցը և մխիթարում են նորան, բայց երկարատև մենակութիւնը, ընտանիքից զրկուած մնալը և կեանքի սովորական սարք ու կարգից ու ազատ գործունէութիւնից կտրուած լինելը շատ ճնշող ներգործութիւն են ունենում նորա վերայ: Նորա միակ մխիթարութիւնը այդ դժուար օրերում լինում է իւր մտերիմների ու սիրելիների երբեմնական այցելութիւնները և զլխաւորապէս գրական պարապմունքը: Մասաւոր աշխատանքով պարապելը, կարդալը և գրելը միշտ նորա սիրելի զբաղմունքն էին եղել, բայց ազատութեան մէջ իւր սովորական

կեանքում բահանայութիւնը, վարժապետութիւնը և հասարակաց գործունէութիւնը խլում էին նորա ժամանակի մեծ մասը և արգելք էին լինում նորան լիովին անձնատուր լինելու իւր սիրած գործին: Սակայն այժմ երբ այլ ևս այդ բոլորը չըկային, երբ, ընդհակառակը, մի զբաղմունք պէտք էր նորան, որ կարճացներ նորա դասն օրերը, որ արգելք չլինէր նորան խաղաղ անձնատուր լինելու ծանր խոհերի և մաշող մտածմունքների, որ, վերջապէս, անօգուտ չանցնէին նորա կեանքի այդ արբուն հասակի տարիները, նա բոլորումսն նուիրուում է զբաղմունքի: Եւ առաա ու բեղմնաւոր են լինում նորա այդ վաստակի պատուղները. նա միայն 1854 տարուայ ընթացքում գրում է եօթ պատմական բանաստեղծական գրուածք— «Հայկերգ», «Արամ-երգ», Շաւարշ Ա, և վարդենի», «Առնակ», «Կար», Սօսիք Արաբաժոտան» և «Վաշտակ»: Սորանից միայն Սօսիք Արաբաժոտան-ը արծակ վէպ է և գրած է գրաբառ, մնացեալ վեցը բոլորն էլ գրուած են աշխարհաբառ ոտանաւորով և շատ ընդարձակ բաներ են: Առաջին երկուսը—Հայկերգը և Արամ-երգը—նա շատ վաղուց արդէն միտք էր դրել գրելու և սկսել էր նիւթեր հաւաքել թէ Հաշտարխանում և թէ Նախիչևանում—ժողովրդի բերանում պահուած զանազան զրոյցներ և աւանդութիւններ, բայց դորան արգելք էր եղել, նախ, ժամանակի սղութիւնը, երկրորդ, նորա հայրը: Մենք միջոց չենք ունեցել կարգալու այդ գրուածները և նորա միւս բազմաթիւ մինչև ցայսօր անտիպ մնացած պատմական, բանաստեղծական, գրական և կրօնական երկերը, բայց ի նկատի առնելով, որ Սերովբէ վարժապետը չափապէս արգելք է հանդիսացել այդ երկու երկի գրուելուն, կարելի է եզրակացնել, որ նոցա մէջ կան աւելարկութիւններ այն ժամանակուայ հայ կեանքի նամանաւանդ Հաշտարխանի և Նախիչևանի կեանքի զանազան երևոյթների և նոցա շրջապատող մարդկանց մասին, որոնց գրաւորապէս երևան գալը կարող էր պէսպէս անախորժութիւնների դուռն բանալ նոցա համար:

Պատկանեանցի Ռոստովի բանաւր փոխադրուելու հետ միասին փոխադրուում է Ռոստովի գաւառական դատարանը և

նորա գործը: Նա մեղադրուում էր, բացի Խալիբի կեանքի դէմ սպանութեան փորձ անելու պիտաւոր յանցանքից, այլ ևս մի երկու-երեք փոքր յանցանքներում—Նախիջևանցի Չէօրէքչեանից 10 կեղծ թղթադրամ ստանալու գործում, բանտից փախչելու փորձ անելու դործում և կեղծ դրամ կարող Նիկոլայ Գոլուբնիցկուն իւր տանը պահելու և նորան թէ Նախիջևան Հայոց Մազխարատի և թէ տէրութեան ձեռքից փախչել-ազատուելու միջոց տալու գործում: Խալիբը իւր գործի համար դատարանին ներկայացնում է, բացի բառօն Կէյստի արծանադրութիւնից և ներկայ եղող անձանց զրաւոր վկայութիւններից, այլ ևս երկու զրաւոր փաստաթուղթ—Մարկոս աղայի 1832 թուին Պատկանեանց ընտանիքի մասին կազմած «բրիկաւորի» ռուսերէն թարգմանութիւնը և Տէր-Պետրոս Պատկանեանցի իւր եղբորը Ստաւրոպոլից 1852 թուի հոկտեմբերի 9-ին գրած նամակը, որոնցից առաջինը բնորոշում է ընդհանրապէս Պատկանեանց տոհմի անհաշտ և խռովարար բնավորութիւնը և մասնաւորապէս Տէր-Գաբրիէլի չարայոյզ ու խռովարար ընթացքը հասարակաց գործերում, իսկ երկրորդը նկարագրում էր նորա պատկերը ամենասե գոյներով իբրև եղբոր, իբրև հարազատի բնատանկան գործերում: «Դու մատմեա՛, ի միջի այլոց ասուած է այդ նամակում, զոքո չես խոցեալ օծախայթ լեղուաւդ. ի մանկութենէ քումմէ նախ զուսուցիչս քո, ապա զաշակերտակիցս քո, ապա զատենակալս քո, զերանելի ծերունի զյօհաննէս առաջնորդն. ապա զբոլոր հոգեւորական ուխտն Աստրախանայ. դու չէի՞ր պատճառն, որ բոլոր տամբ թողաք զաստրախան և եկաք ի Նախիջևան. չէի՞ր դու պատճառն ապարադղութեան ծերունի Տէր-Գաբրիէլի անուանակցի քում, դու չէի՞ր պատճառ ցրելոյ եղբարց ի միմեանց. ի միտ բեր զի՛նչ արարեր ընդ ծնողս քո, քանի՞ցս մայր քո, որ ծնաւ զքեզ, արտասուեաց ի քէն, քանի՞ցս անգամ հայր մեր յանգզամ բանից քոց վիրաւորեալ, ուշաթափ անկաւ յերկիր կիսամեռ. ո՛չ ապաքէն նեղեալ ի քէն եղբայր մեր Գէորգ արբ զթոյն մահու. միայն ես առկացի քեզ, անուն և արիւն եղբայրութեան կապէին զիս ընդ քեզ... բայց ոչ ցանկամ զի որդիք

քո զնասցեն ընդ ընթացից քոց. կարծեմ լաւ դիտես զի ճշմարիտն տեսմ, ապա թէ ոչ՝ հարց ցանցաւորս ի ճանապարհի և ցգիշերապահս Նախիջևանայ. զոր ինչ խօսեալ էս և կասկածեալ զինէն, կարծեմ թէ զու առաւել յարմարիս, զի զոլով հրաժարեցուցեալ զքեզ յամենայն գործոց, կարծես թէ կամիս զայսպիսի գործս յառաջ տանել, զի ուսեալ գուցէ իցես յառաջին կաւատացքոց, զորս շատ ունիս, առ որս մարդեալ էս...»: (10):

Բացի վերոյիշեալ վաւերաթղթերից, որ Խալիբը ներկայացնում է մեղադրեալի դէմ դատարանին գործի քննութեան ժամանակ, 1853 թուի սեպտեմբերի 23-ին տալիս է քննչին հետեւեալ զբաւոր ցուցմունքը. «Ճիշդ է, որ Թերզիեանը, երբ էս առաջին անգամ վերադարձաւ, չեմ չիշոււմ որ թուին, Տազանդգից, յայանց ինձ Խամայիլցեանի իրան հազորդած լուրը, թէ Տէր-Գաբրիէլ քահանան միտքը դրել է ինձ սպանելու: Առաջին նուագ այդ լուրը ինձ անհաւատալի թուաց, որովհետեւ դժուար էր երեւակայել ու կարծել, որ մի հողեւորական անձն միտքը դրած լինի ձեռնամուխ լինելու. մի այդպիսի զարհուրելի ոճրագործութեան: Այնու ամենայնիւ ճշմարտութիւնը մերկացնելու նպատակով, էս յանձնեցի Թերզիեանին և Խամայիլցեանին հարկաւոր և յարմարաւոր միջոցները գործադրելու: Այդ Թերզիեանը և Խամայիլցեանը լրանց կողմից ինձ հազորդեցին Պատկանեանց քահանայի յանցանքը երեսն հաւանքը համար իրանց գործ զրած հնարները և գործողութիւնները: Դոքա զիջանելով քահանայի ազաջանքներին, երեսանց համաձայնում են զրտնելու մի աւագակ ինձ սպանելու համար և ներկայացնում են նորան մի կեղծ սրիկայ, որին Պատկանեանցը ապիս է առաջին անգամ 13 ուրբլի: Այս բոլորի մասին Թերզիեանը և Խամայիլցեանը ինձ յայանելով, աւելացրին, թէ Պատկանեանցը ախչափ հաստատապէս վճռել է զուխ բերել իւր չարագործութիւնը, որ մինչև իսկ իրանց նորան նպատակուց հրաժարուելու. դէպքում ևս նա չը պէտք է որ զաղարի ուրիշ ճանապարհներով հասնելու իւր նպատակին: Ահա՛ հէնց այդ պատճառով յանցանքը հէնց տեղն ու տեղը մերկացնելու և իմ կեանքս պահպանելու համար, էս կողմեցի մի առանձին ծրա-

գիր, որ և հրամայեցի գործադրել ճշգրտութեամբ, նախապէս ազատելով բանաւից Թերզիեանին մի 7—10 օրով: Պատուիրելով, որ նոքա շարունակեն խաղալ իւրեանց խաղը քահանայի հետ, ես գնացի Տաքանրոզ և անձամբ զեկուցի այդ մասին քաղաքապետս պ. Լիվէնին: Նորին պաշտառաւորապետութիւնը բարեհաճեց յանցանքը մերկացնելուն նպաստելու համար, ուղարկել Նախիջևան ժանդարմների պետ շտաբս-կապիտան բառօն Կէյստին երկու ժանդարմի հետ, և Պատկանեան քահանան օգոստոսի 10-ին գիշերը բռնուեց հէնց տեղն ու տեղը, ինչպէս որ այդ մանրամասնաբար գրուած է գործին կցած արձանագրութեան մէջ: Պատկանեանցի Նախիջևանում ապրելու երկար սուրինների ընթացքում ես երբէք նորան չեմ հալածել, երբէք չեմ սպառնացել, այլ, ընդհակառակը, կարելի է տեսլ, որ ես եղել եմ նորան բարեացակամ և բարերար, որովհետև նա երբ 1845 թուին հայոց կաթողիկոսի հրամանով աքսորուեց Նախիջևանից Թիֆլիս, ես էի, որ հասարակութեան խնդիրքով միջնորդեցի վեհափառ կաթողիկոսի առաջ՝ նորան նորից Նախիջևան վերադարձնելու, չեմ խօսում արդէն ուրիշ բաղձալթիւ բարերարութիւնների մասին, որ ես տրել եմ նորան և որ նա ինքն էլ խոստովանեց բոլորի առաջ օգոստոսի 10-ին, ինչպէս այդ գրուած է արձանագրութեան մէջ: Երբ որ Ս. Էջմիածնի հայոց Սիւնհոգոսի կարգադրութեամբ Պատկանեանցը զրկուել էր քահանայագործութեան իրաւունքից այն ապօրինութիւնների համար, որ նա գործել էր իբրև անգամ չոգևոր կառավարութեան, և ուղարկուել էր Նախիջևան այդ գործի քննութեան համար Զալաբեան Սարգիս վարդապետը, ես նորա խնդիրքով կամեցայ պաշտպանել նորան, բայց տեսնելով, որ նա պատժուած է այնպիսի յանցանքների համար, որ նկատել է և նորին սրբութիւնը, չեա կացայ: Այդ առիթ եղաւ նորան զժգոհելու ինձանից և թշնամանալու իմ դէմ, և այդ թշնամութիւնը զնալով զօրացաւ և, վերջ ի վերջոյ, բերեց, հոսցրեց նորան ներկայ ոճրագործութեան: Սորա հետ միասին ես աւելորդ չեմ համարում մատնացոյց անել և այն հանգամանքի վրայ, որ, նախ, Պատկանեանց քահանան, բացի նորանից, որ մասնակից է եղել

1834—35 թուերին կեղծ դրամ կտրող Կրուտիկովի գործին, այլ և մասնակցել է 1851 թուին Նախիջևանում բռնուած սուտ չխնական ռուբլիանոցներ շինողների գործին, որի համար և նա ենթարկուած է դատի, և գործը այդ մասին վանուում է ներկայումս Ռոստովի քաղաքային Մագիստրատում և դաւառական դատարանում: Երկրորդ, օրէնքով քննութիւնը լինում է յանցաւորին գտնելու և յանցանքը երեւան հանելու համար, իսկ այս դէպքում քննութեան կարիք էլ չկայ, որովհետեւ յանցաւորը յայտնի է և բռնուած է հէնց յանցանք գործելու տեղում և, որ զլխաւորն է, նա, յանցաւորը, խոստովանել է իւր յանցանքը բոլորի առաջ, ուրեմն, այլ ևս ի՞նչ քննութիւն, ի՞նչ ապացոյց պէտք է: Երկար ու բարակ քննութիւնը յանցաւորին առիթ և ժամանակ է տալիս միայն հնարել պէսպէս բոլորւրանքներ ճշմարտութիւնը քողարկելու և գործը խճճելու նպատակով»:

Գործը Ռոստովի զաւառական դատարանում քննուելուց յետոյ, անցնում է Եկատերինոսլաւի դատական պալատը, և երկու տեղն էլ վճռուում է յօգուա Պատկանեանցի <sup>(11)</sup>: Խալիբը, յայտնի բան է, բաւական չի քննում այդպիսի վճիռներից և գործը փոխադրում է Պետերբուրգ բարձր ասեանը— ձերականոյա, որ 1857 թուի դեկտեմբերի 17-ին փոխելով Եկատերինոսլաւի դատական պալատի քրէական բաժնի վճիռը, որոշում է անբասիր ճանաչել Պատկանեանցին միւս երեք մեղադրական կէտերով նորա վերայ բարձած յանցանքներից, իսկ չորրորդ կէտում— Խալիբի կեանքի դէմ սպանութեան փորձ անելու գործում, յանցաւոր, որի համար և դատապարտում է նորան աքսորանքի Սիբիրի կողմերը, նախապէս զրկելով նորան ամեն իրաւունքից: Իւր այդ դատաւճիռը ձերականոյա հիմնում է հետեւեալ պատճառաբանութիւնների վերայ՝ նախ, Նախիջևանցի Կարապետ Իսմայիլցեանը և Պաչերես Թերզիեանը հաստատուելով այն արժանագրութիւնը, որ 1853 թուի օգոստոսի 10-ին կազմել էր բառօն Կլէյստը, աւելացրել են, թէ իրաւոր Պատկանեանը երկու ամիս շարունակ յորդորում է եղել նորանց սպանելու Խալիբին. նոքա բերել են նորա մօտ Չերմաշև աղ-

գանուելով մէկին, որին և Պատկանեանցը կաշառել է, և որովհետեւ այդ Չերմաշեր պահանջում է եղել անմիջապէս 300 ռուբլի, այդ պատճառով էլ էլ նա չի համաձայնել, այլ կամեցել է նոյն գումարը տալ մաս-մաս՝ առաջ 13 ռուբլի, յետոյ 30, և այլն: Նոքա, վերջապէս, խոստացել են նորան զանեկ երեք սրիկայ անձն ունելի չափաւոր վարձատրութեամբ և առաջարկել են նորան խօսերու նոցա հետ պայմանաւորեալ տեղում, գերեզմանատանը, որ և ընդունել է Պատկանեանցը: Երկրորդ, Չերմաշեր լիովին հաստատել է Իսմայիլցեանի և Թերդիեանի ցուցմունքը, թէ Պատկանեանցը ճիշդ որ յանձնել է իրան սպանելու Սալիբին, որի համար և ինքն Իսմայիլցեանի զրդմամբ պահանջել է 300 ռուբլի անմիջապէս, բայց Պատկանեանցը չի համաձայնել, այլ խոստացել է հատուցանել փոյր մաս-մաս, և կոչելով իրան միւս անգամ, տուել է 13 ռուբլի և ասել է, «Նայիր, ատրճանակով կամ հրացանով չըստանես, այլ դաշոյնով պիտի կտրես գլուխը, այդ ունելի հաստատ կը լինի»: Երրորդ, Սառսիւկ և Ալէկսիին ժանդարմները և Նախիչևանցի Օհան Չուբարեանը և Գրիգոր Լոյսպարոնեանը լիակատար կերպով հաստատել են Կէյսաի կազմած արձանադրութիւնը և իրանց կողմից էլ աւելացրել են, թէ Պատկանեանցը տեսնելով Սալիբին գերեզմանոցում, ասել է նրան հայերէն. «Արտեմ Պաւլիչ, խնայեցէք». և երբ Սալիբը հարցրել է, թէ ինչո՞ւ համար նա կամեցել է սպանել իրան, նա պատասխանել է, ընկնելով նորա ոտքերը. «Եթէ դուք զատելու լինէք ինձ իմ յանցանքների հիման վերայ, կը տեսնէք, որ դքսա շատ ծանր են. ես արժանի չեմ ներողամտութեան, բայց խնայեցէք ինձ իմ երեխաներիս համար»: Նոյնը չնչին տարբերութեամբ նա կրկնել է ռուսերէն Կէյսաին, Սիմեօնովին և Զէյթունեանին, ազալելով նոցա խնայել իրան: Զորրորդ, Տէր-Մարաիրոս Թորոսեանը և Տէր-Պօղոս Խոջեանը հաստատելով Կէյսաի արձանադրութեան մէջ առաջ բերած հանգամանքները, աւելացրել են, թէ երբ ինքեանք հարցրել են Պատկանեանցին, թէ այդ ի՞նչ է նշանակում, նա պատասխանել է. «Մեղայ ձեզ, այսպէս պատահեց, խնայեցէք», չինդերորդ, Ռոստովի մեղա-

նին Ֆեօդոր Գաւրիլովը հաստատելով արձանագրութիւնը, հաղորդել է, թէ ինքը կանչուած է եղել 1853 թուի օգոստոսի 10-ին երեկոյեան ժամը 10-ին Պալիբի բակը, որտեղից և Պալիբն ուղարկել է իրան գերեզմանատունը երկու ժանդարմներէ հետ, որոնք պիտի գործէին իրանց պետից ստացած հրահանգների համաձայն. նոքա էլ իսկոյն փոխել են իրանց շորերը և ճանապարհ են ընկել Թերզեանի հետ, և որ Պատկանեանցը յորդորելով իրան, Գաւրիլովին, և ժանդարմներին սպանելու խալիբին, ասել է. «Նայեցէք, չը վիրաւորէք նորան, թէ չէ նա կենդանի կը մնայ. աշխատեցէք գլուխը կտրել»։ Վեցերորդ, առաջին դատաւոր Զէյթունեանի կառապան զիւղացի Դուռնայեցի ցոյց է տուել, թէ ինքը, չի յիշում, թէ ո՞ր թուին ու ամսին, ամարել է իւր պարոնին ուրիշների հետ քաղաքից դուրս, բայց թէ ինչ է կատարուել այնտեղ, նա չի տեսել միայն թեան պատճառով, այլ միայն լսել է, որ մէկը Պալիբից ներդրութիւն է խնդրել։ Եօթներորդ, Պատկանեանցի կառապան Գաւրիլ Կլիմովը ցոյց է տուել, թէ 1853 թուի օգոստոսի 10-ին ինքը ամարել է իւր տիրոջը մի քանի տեղ. վերջապէս, քահանան իւր բնակարանի մօտ մի մարդու հետ խօսելուց յետոյ, հրամայել է իրան իջնել կառքից և տուն երթալ, իսկ ինքը զնացել է չի կարող ասել, թէ ուր։ Իսկ աստիճանաւոր Զերկասկաբնակ Կորչևսկին, որի մասին Պատկանեանցը ասել է, թէ իբրև թէ պէտք է խնդիր դրէ, եղել է նորա գործի համար, և ինքը իսմայիլեանի և Թերզիեանի առաջնորդութեամբ զնացել է քաղաքից դուրս, որ տեսնուի նորա ուղարկած մարդու հետ և խնդրած փողը տալ նորան, ցոյց է տուել, թէ ինքը ոչ թէ միայն Պատկանեանցի հետ ոչ մի յարաբերութիւն չի ունեցել, այլ և ոչ մի թուղթ մի որ և է գործի մասին չի գրել նորան և փող էլ երբէք չի ստացել նորանից։

ԵՐՈՒԱՆԻ ՇԱՀԱԶԻԶ

(Վերջը միւս անգամ)

## ԽՐԻՄԵԱՆ ՀԱՅՐԻԿԻ ՅԻՇԱՏԱԿԻՆ

### I

Մօտ 2<sup>1/2</sup> քառորդ դարու կենդանի պատմութիւն էր տրժանայիշատակ հայրիկը:

1/2 դարուց աւել հայկական կեանքումը չի պատահել որեիցէ փոքր ի շատէ պատմական նշանաւոր դէպք, որ անխրդելի կապերով կապւած չլինէր հայոց հռչակաւոր հայրիկի անձնաւորութեան հետ: Նորա փոթորկալի, մերթ ընդ մերթ յաջող և անյաջող մրրկալի կեանքը կապ ունի հայոց պատմութեան հետ: Նորա կեանքը զրել—նշանակում է ամբողջ մի բանի տանեակ տարիների հայոց պատմութեան տրիւնոս և վարդապետ հէրր վերակենդանացնել: Նորա անմիջական կապը հայոց պատմութեան հետ երևում է երբեմն—իբրև հեղինակի ու հրապարակախօսի, երբեմն կրակոս պրօպագանդիստի ու ազիտատօրի, երբեմն լուրջ ու խոհեմ ժողովրդական գործչի, երբեմն բանաստեղծի ու պատգամաւորի, երբեմն բարձրաստիճան հոգևորականի ու շնորհալի հռետորի և այլն և այլն:

Սկսած 40—45-ական թուականների տանկաց հայաստանի քիւրդ սատրապ զէրէբէյների սարսափներից, 50—55-ական թուականների Ճանկահայաստանի ամենախուլ անկիւններից—Վասպուրականի ու Տարօնի մէջ պարբերական մամուլից, տրպաղրական հուժկու ու աւտօրիտեա ծախից, եւրօպական մրաքով ու զիսցիպլինայով վերցրած դպրոցներից, մտաւոր և ինտենսիվ կուլտուրայի զարգացումից, մինչև դաչ հոսանի 60—65 թուականների տանկահայոց «Աղգային Սահմանադրութիւնը», 70-ական թուականների Պօլսի պատրիարքական հոգևոր և քաղաքական խառնիճողանն գործերը, «գաւառական յանձնախմբի» կազմակերպութիւնը, տանկահայոց հարստահարութիւնը—

ների համար կաղծուած և բաղմակողմանի ուսումնասիրուած և լուսաբանուած տեղեկագիրը, վերջապէս 78 թ. ուս.-թրքական պատերազմի ժամանակ ստորագրուած Ս. Սաեֆանդի դաշնադրութեան 16 և Բերլինի վեհաժողովի 61-րդ յօդուածը, 80-ական թուականների ճանկահայաստանի սոսկալի սովը, Վանի և Բաղէշի հրդեհները, այնուհետև՝ չալ չեղափոխութեան ծագումը, երկաթեայ շերտներ ունենալու սկզբունքը: Ամենայն հայոց կաթուղիկոսութիւնը, հայոց դպրոցների փակումը և եկեղեցական կալուածների վերադարձը, հայ-թրքական ընդհարումները և այլն և այլն կարկառի նման իրար յետևից տեղացող այս բոլոր պատմական երեւոյթները անխզելի կերպով կաղծուած են հայոց Հայրիկի անձնաւորութեան հետ:

Իմ նպատակից դուրս է Հայրիկի կենսադրութիւնն ու կեանքը սխաեմատիկ կերպով արժանագրել և ամբողջապէս առաջ բերել, որ ի դէպ է տեղ հաստորների առաա նիւթ կարող է լինել: Ես միայն մի քանի հատուածներ առաջ կը բերեմ Հայրիկի մրրկալի կեանքից, ոչը անմիջական կապ ունի տանկահայոց «Աղգային Ստեմանագրութեան» և ուս.-թրքական պատերազմի հետ:

Որքան էլ Հայրիկը անողորմ կրիտիկայի կողմից դատապարտուի իւր մի քանի բացասական ընդունակութիւնների համար, որոնց մէջ ամենադիտաւոր տեղը վարչական ընդունակութիւնից զուրկ լինելն է բռնում, բայց դեռ թողած վարչական ընդունակութիւն ունեցող անձանց արամաբանական ու փիլիսոփայական եզրակացութիւնների աննպաստ ու իւր հերթին բացասական կարողութիւնները, այսքան միայն կասեմ, որ Հայրիկի վարչական ընդունակութիւնից զուրկ լինելը, նորա եռանդի և դրական ընդունակութիւնների հանդէպը մի փոքրիկ միջուկ է, որ նսեմանում է նորա հոյակապ գործունէութեան և հայոց աղգին մատուցած ծառայութեան առաջ, որ վերջապէս այդ փոքրիկ միջուկը մի կաթիլ ջուր է նորա դրական գործունէութեան ովկիանոսումը: Որքան կուղեն, թող անողորմ կրիտիկայի մանրացոյցով սաուեր դցեն Հայրիկի անձնաւորութեանը, այնուամենայնիւ.

„Храмъ оставленный— всё храмъ

Кумиръ поверженный все богъ„

«Ամսյի տաճարը էլի տաճար է,

Կործանուած բազինն էլ Աստուած է»:

## II

19-րդ դարու եւրոպական նորաբոյս ինքուստարայի և խոշոր կապիտալիզմի և նորա արդիւնաբերութեան աստիճանական դարձացման ոչ ժի և յառաջխաղացութեան հանդէպ ոչ մի պետութիւն, ոչ մի հասարակական կեանք իւր նախկին ծեով գոյութիւն ունենալ չէր կարող: Գործարանական եռուն կեանքը ամենամեծ յեղափոխական ախան էր կատարում: Նա ուժգին թափով մուտք էր գործում ամեն տեղ, ամրանում և բոլոր երկրների հետ անխտիր յարաբերութիւնների մէջ էր մտնում: Նորա յաղթական զնացքի առաջ տեղի էին տալիս և կրօնական ֆանատիզմը, և հայրենիքը, և բնականական ու նահապետական կեանքը, հազար ու մի սրբազան աւաթներ ու արադիցիաներ: Ժամանակակից Թիւրքիան էլ դանուելով նորա քթի տակ, նորա հեռաւոր ճանապարհորդութիւնների, զաղութային երկրների հէնց ա. շէքում, բնականօրէն չէր կարող ազատուիլ եւրոպական կապիտալի ամեն ինչը յեղաշրջող կուլտուրական ցնցումներից, թէկուզ որքան էլ այդ մուսուլման հոգեւորականութեան և պալատական խառնինադանների համար այդ յեղաշրջումը «Ալլահի ճշմարիտ ճանապարհից դուրս գալ» նշանակէր: Եւրոպացիների հետ ունեցած առեւտրական եռանդուն շփումն ու անմիջական յարաբերութիւնը յառաջդիմական մի կենսատու հոսանք է ստեղծում Թիւրքիայի համար: Դարերով խաւարի մէջ խարխալիով և մինչև ուղն ու ծուծը կրօնական ֆանատիզմով և ամուլ գօգմաներով սնուած և մեծացած Թիւրք երիտասարդութիւնը, հասարակական ամբողջ մեխանիզմը, մինչև անգամ միւսիստութիւնը, փաթիշահը, խաւարի նողկալի կապանքներից յեղաշրջուել են ծգտում:

Այդ յեղաշրջման առհաւատչեան կարելի է համարել Մահմուտ և Մէջիթ սուլթանների հրատարակած տաճկական հռչա-

կաւոր Խաթթի նիւմայուն, Խաթթի-Շարիֆ և Թանգիմաթի Հայրիչիէ կոչուող ֆէրմանները, հրովարտականքը: Այդ օրից տաճկահայաստակ քրիստոնեաների համար տարազուլս է սկսվում: Յիշեալ ֆէրմանները ի լուր աշխարհին աւետում են առանց աղբի և կրօնի խտրութեան, օսմանեան քաղաքացիների կատարեալ հաւասարութիւն, բոլոր օրէնքների իրաւունքների և պարտականութիւնների առաջ: Մինչև այդ հրովարտականքի հրատարակութիւնը մուսուլմանական շէհի կոչուող օրէնքի համաձայն, քրիստոնեաները ուղղափառ մուսուլմանների հետ համահաւասար քաղաքական իրաւունքներ չէին կարող ունենալ: Նոցա վկայութիւնը քրէական ու քաղաքական գործերում չունէր ոյժ և զօրութիւն: Նոքա պարտաւոր էին տարէցաւորի իրենց կեանքի գին՝ խարաջ կոչուող զլխահարկը վճարել: Մինչև անգամ քրիստոնեաների տարազը անպայման պէտք է տարբեր լինէր ուղղափառների տարազից: Ուրիշ խօսքով ասած, քրիստոնեաները սուլթանների աշխարհումը մարդկային քաղաքացիական ամենատարրական իրաւունքներից զրկուած, մի մի կենդանի մեռածներ էին ներկայացնում:

Յիշեալ հրովարտականքից յետոյ, պարզ էր, որ վերջապէս իւրաքանչիւր տաճկահայաստակ քրիստոնեան պիտի ծղաէր օգտուիլ հրովարտակի առում գորութիւնից—քաղաքական որոշ իրաւունքներ ձեռք բերելու: Հանգամանքից մանաւանդ աւելի լաւ էին օգտվում յոյները, սլաւօնները և մինչև անգամ հայկաթօլիկներն ու հայ-բողոքականները: Իսկ լուսաւորչական հայերը իրենց ներքին անգուսպ երկպառակութիւններով մի քաօսային դրութիւն էին ստեղծել: Մանաւանդ Իսկիւտարի ճեմարանի համար գոյութիւն ունեցող Ամիրանների, պատրիարքի և արհեստավորների ներքին կռիւր թոյլ չէր տալիս քաղաքական նորանոր իրաւունքներ ձեռք բերել: Հայոց այս ներքին երկպառակութիւնների վերայ չէին կարող անտարբեր վերաբերուել մի քանի մեծատան վարվուռն երիտասարդներ (Նիկող. Պալեանը, Օտեանը, Ռուսինեանը և այլն): Առաջին անգամ նոցա մէջ յղացաւ այն միտքը, որ սուլթանների հրովարտականքի հոգու և գորութեան համաձայն տաճկահայոց համար մի

այնպիսի կանոնադրութիւն ստեղծել, որ իւր մէջ պարունակէր թէ ողբի, իրաւունքները և պարտականութիւնները և թէ զէպի ողբն և ողբի զէպի անհատներն ունեցած պարտականութիւնները: Այդ կանոնադրութիւնը պիտի որոշէր և գաւառացիների իրաւունքները, պիտի հաստատէր զանազան խորհուրդներ և այլն: Այս կանոնադրութիւնը յետոյ կոչուեցաւ «Տանկահայոց Ազգային Սահմանադրութիւն»։ Ազգային սահմանադրութիւնը ընդունուեցաւ հայոց կողմից—1860 թ. մայիսի 24-ին՝ մի խառն ժողովում: Յիշեալ թուից մինչև 1863 թ. մարտի 17-ը պաշտօնապէս անվաւեր քննող կառավարութեան կողմից, թէև նա բանաւոր կերպով սահմանել և իւր հաւանութիւնն էր տուել տանկահայոց Ազգային Սահմանադրութեանը: Հայոց մէջ եղած ներքին երկպառակութիւնները ածուծ էր հետզհետէ: Զուգարիպարար Նոյն ժամանակամիջոցներումը վախճանվում են Սսի, Աղթամարի և յետոյ Էջմիածնի կաթողիկոսները: Միւս կողմից անակնկալ կերպով բռնկւում է ըմբոստ Զէթունցիների 1862 թ. ապստամբութիւնը, որի հետևանքը ի միջի այլոց լինում է այն, որ հայերը պատերազմի հրամանատար Ազիզ փաշայի 30,000 բանակից 6000-ին կոտորում են և նոցա ռազմամթերքը խլելով—յեւ են բշտում Ազիզի պարտուած բանակը: Պատմական այդ նշանակալից ապստամբութեան ժամանակ հայերը աննշան կորուստ են ունենում, և Փրանսիական Նաբօլիոն Գ. կայսեր միջամտութեան շնորհիւ վարչական մի քանի ներքին իրաւունքներ են ձեռք բերում հպարտ Զէթունցիքը:

Ահա հէնց այդ ապստամբութեան և ներքին աղմուկների շնորհիւ օսմանեան տէրութիւնը յետ է պահանջում իւր կողմից սահմանած և հաւանութիւն գտած «Ազգային սահմանադրութիւնը»՝ որը չայանի է տանկահայերի մէջ «Պետական հարուած» անունով: Տանկահայերը չլուսահատուեցին իրենց կրած ծանր հարուածով, և շնորհիւ իրենց յամառ դիմումներին և միջնորդութիւններին, վերջապէս 1863 թ. պաշտօնապէս հաստատուած, ստանում են իրենց «Ազգային Սահմանադրութիւնը»:

Ասում են, որ Հայոց Սահմանադրութիւնը պաշտօնապէս

փառերացնելուց առաջ, մի արտակարգ ժողով է տեղի ունենում սուլթանների պալատում՝ քննելու Հայոց Սահմանադրութեան գործը: Արտակարգ ժողովի նշանակութիւնը բացատրւում է նորանով, որ թիւրք կառավարութիւնը դիւանագիտական որոշ նշանակութիւն էր ապիս այդ Սահմանադրութեանը, նա որոշ երկիւղ էր կրում, որի համար էլ ամբողջ  $2\frac{1}{2}$  տարի ձգձգում էր հաստատման գործը: Ահա հէնց այդ արտակարգ ժողովի ժամանակն է, որ նրաթափանց թիւրք դիպլոմատ Ալի փաշան տեղից վեր կենալով, վճռական շեշտով հետևեալ խիստ բնորոշ և նշանաւոր ֆռազն է արտասանում հայերի հասցէին «Հայերը ի՞նչ են ուղում, իրենց սահմանադրութիւնը, շատ բարի, սուէք իրենց ուղածը և երբէք մի վախէք նորագործադրութիւնիցը: Ես քաջ գիտեմ հայերին, որ նոցա սահմանադրութիւնը մի քառանկիւնի անիւններով սայլ է դառնալու, և երկար յառաջ զնալ չի կարող»: Իւր համոզեցուցիչ շեշտով և նուրբ հայեացքներով—Ալի փաշան ազդեց ժողովականների վերայ: Էֆֆէկար յաջող էր: Հանդիսականներից ոչ ոք ձայն ձայտուն չհանեց և հաստատուեց «Տաճկահայ Ազգային Սահմանադրութիւնը»: Ինչպէս տեսնում է ընթերցողը Արեւելքի բիրթ ու անհեռատես կարծուած պալիտիկոսների քաղաքականութիւնը աւելի ըէալ նրութիւններ ունի, քան՝ զաւաղան անբարեխիղճ ու կրթուած Դօնդուկով-Վորսակովների, Պլէվէների, Գօլիցիների և Վելիչկօների մարդակեր քաղաքականութիւնը:

Ահա այդ ամուլ սահմանադրութիւնն է, որ Ոլիմպոսի Աստուածները այնքան անսպառ կայծ տուին մեր տաճկահայ բանաստեղծներին, հրապարակախօսներին, խմբագիրներին, այդ սահմանադրութիւնն էր, որ պօլսահայերը յանձին իրենց կլասիք շոչերի իւրաքանչիւր տարի մայիսի 1-ին (այս էլ տաճկահայոց մայիսի 1-ն էր!!!) խուռն ամբոխով կենդրոնանում էին Բոսֆորի տախտան ավին և մեծամեծ աղմուկներով և անթիւ տառնախօսութիւններով կատարում էին այդ մեծածախս ազգային աօնը: Տօնի ժամանակ միմեանց յատկացնում էին մեծամեծ տխրոցներ, որ վերջապէս իրենց բարեկարգ սահմանա-

դրութիւնը ստեղծեցին: Մի խօսքով այդ սահմանադրութիւնն էր, որ իւր բազմատեսակ ելեէշներով և գոյներով այնքան առատ նիւթ տուեց տանկահայտազանդաւոր երգիծաբան Պարոնեանին, Բայց աւանդ. Պօլսի զեղածիծաղ ափերից այն կողմը, որի համար լինում էր այդ ծայրահեղ անբնական ուրախութիւնները մի արիւնշաղ մակերեւոյթի վերայ իրենց սև օրն էր լաց լինում, իրենց դառնութեան արտասուքն էին քամւում մի բալամաւանջ ու անտէր ժողովուրդ:

## III

Մենք մի հարեանցի կերպով առաջ բերինք «Տանկահայոց Ազգային Սահմանադրութեան» ծաղումը և հաստատութիւնը, այժմ տեսնենք թէ այդ հռչակաւոր սահմանադրութիւնիցը մինչև օրս ի՞նչ շահեցաւ 60—95<sup>0</sup>/<sub>10</sub> կազմող գաւառացի տանկահայ աշխատաւոր դասակարգը:

Տանկահայ սահմանադրութիւնը կազմուած և չափուած ու ծեւուած լինելով բուրժուական մասշտաբով, նորա հեղինակները լինելով Պօլսումը ապրած և Արեւմտեան Եւրոպայի կենդրոններումը մեծացած ու դաստիարակուած մի քանի մեծատան կրեսոսների զուականեր, շատ բնական է, որ այդ սահմանադրութիւնը չէր կարող գաւառի երկրադործ ու արհեստաւոր դասակարգերի իրականութեան ու ըէպլ շահերի արտայայտիչը հանդիսանալ: Տանկահայ սահմանադրութեան նախածեռնութիւնը պատկանում էր այնպիսի երիտասարդների, որ աւելի ծանօթութիւն ունէին եւրոպական նիստ ու կացին, նոցա իրականութեանը, քան այն երկրի, այն ժողովրդի մասին, որի անունով սահմանադրութիւն էին ստեղծում: Ի՜նչ տարաբաղդաբար մինչև օրս էլ մեր թարախոտ վերքերից մէկն է: Միթէ նոյն անբնական երեւոյթը մինչև այսօր էլ չի՞ կրկնում, չի՞ արտացոլուած մեր հասարակա-քաղաքական կեանքումը: Միթէ նոյն Փրազօլոգիաներով և Փանտաստիքական երեւակայութիւններով դիշեր ու ցերեկ մեր անխոհեմ զեմագողները Կովկասի և Եւրոպայի զեղեցիկ անկիւններումը նստած չեն նկարագրել հռչակաւոր «ղուլումների» և «արեան» աշխարհի սոս-

կալի տանջանքների մասին, այսինքն այն ղուլումների աշխարհի, որի սօցիալ-ամենասական, քաղաքական, հասարակական և մինչև անգամ աշխարհագրական իրական պայմանների մասին ոչ մի տեղեկութիւն, ոչ մի լուրջ ու բարեխիղճ ուսումնասիրութիւն չունենք: Քաղաքական ու կուլտուրական այդ անխորհեմ ու ահաս գործիչների վարմունքը նմանում է այն անբարեխիղճ բժշկին, որը հիւանդին չը տեսած, նորա նուրբ ու կենսական դարկերակները չը շոշափած դեղեր է նշանակում...

## IV

Տանկահայոց ա. Սահմանադրական պատրիարքը Սարգիս և յետոյ Պօղոս արքեպիսկոպոսներն եղան, որոնք իրենց բռնած հակասահմանադրական ընթացքին համար ստիպուեցան հրաժարուել իրենց պատասխանատու պաշտօնիցը: 1869 թ. ա. անգամ սահմանադրական կանոններով պատրիարք ընտրուեց Պօլսի շնորհալի քարոզիչ և Վասպուրականցիների ու Տարօնցիների սիրելի Հայրիկը, Մկրտիչ Խրիմեանը: Մինչև ուղն ու ծուծը դեմօկրատական սկզբունքներով, գործունէութեամբ և կրթութեամբ օժտուած Հայրիկը ի վերևս չը հանեց իւր վերայ դրած յոյսերը: Նա պօլսեցիների անծուկ Սահմանադրութիւնից էլ առաջ անցաւ: Մարգկային բարօրութեան, յառաջադիմութեան ու աղատութեան սիրահարների համար որոշ չափ ու սահման չը կայ. նորա միշտ ծագում են դէպի վերը, դէպի վսեմը ու ամենակատարեալը: Հայրիկը լաւ գիտէր, որ ազգային յառաջադիմութեան ազգակ կարծուած ազգային սահմանադրութիւնը միայն մի շարք հարուստ աղաների և ապիկար փառաշաւորների անարգ զրպաններին և անդուստ «ես»-ներին է ծառայելու, որ այդ սահմանադրութիւնը մանաւանդ դաւառներումը նորանոր շահագործութիւնների անսպառ աղբիւր է դառնալու և անվերջ շահագործուելու. է ցածր դասակարգերի աղքատութիւնը, տգիտութիւնն ու անմեղութիւնը: Այո, նա մանկութիւնից սնուած ու մեծացած լինելով մի չարքաշ ժողովրդի կրծքում, նստած լինելով նորա կրակաբանի կողքին ու կերակրուած նորա արիւն քրտինքով պատրաստած հա-

ցով—ուստի և քաջ ծանօթ էր նորա պահանջներին ու երկաթեայ իրականութեանը: Դարձեալ նա եղաւ առաջինը, որ իւր կենդանի օրինակով, անկեղծ ու փարվառն զգացմունքներով ցոյց տուեց Պօլսի «չոչ»-երին, որ այդ մեծադորդ Սահմանադրութիւնից ոչ մի շահ չունի Տարօնի ու Վասպուրականի կեանքից, գոյքից ու պատուից զրկուած հայ շինականը: Նա էլի նոյն հայ և օտարազգի չորպանների սարուկն ու զօհն է: Եւ վերջապէս պատրիարքներիցը նա եղաւ առաջինը, որ առանձնապէս ուշ դարձրեց գաւառացի հայերի կրած սոսկալի հարստահարութիւնների վրայ նախ՝ քիւրդ աւագակների և յետոյ՝ հայ տգրուկ վաշխառուների կողմից: Այո, այստեղ շէշտում և ընդգծում եմ, որ հայ վաշխառու չորպանու պարագիտային Փունկցիան ա. անգամ հայրիկն է դեռ 70-ական թուականներից հրապարակի վերայ գնողը և հասարակական դատաստանին լանձնողը: Դա՛ նորա գործունէութեան ամենալուսաւոր էական ու ինքնուրոյն կարողութիւններից մէկը կարելի է համարել: Դա՛ նշանակում էր հայկական մինչև կոկորդը շովինիզմի մէջ թաղած հասարակական արամաբանութեան ամենախոշոր կուռքերից մէկի դուլխը կարել: Միմիայն հայրիկի նմանների սրտուես աչքերը կարող էր նկատել, որ հայ վաշխառու չորպանին նոյնքան մի փափուկ փուշ է, նոյնքան վնասակար ու կործանիչ, նոյնքան աւագակային ու խլուրտային զերումն է դանում, որքան և լեռների արծիւ-աւագակ քիւրդը: Ահա թէ ինչու հեռաւան հայրիկը հայ վաշխառուներին աւագակ քիւրդի կողքին է դնում: Նա անմիջական շփում ունենալով գաւառների և գաւառական գործիչների հետ, մի ընդարձակ, լուրջ և բարեխիղճ կերպով ուսումնասիրած մի տեղեկագիր պատրաստեց և 1870 թ. փետրուար ամսին տանիկ կառավարութեանը մատուցեց: Այս տեղեկագիրը պարունակում էր իւր մէջ հայ վաշխառուների և քիւրդ աւագակների՝ գաւառների երկրագործ, արհեստաւոր և առ հասարակ խաղաղ աշխատաւոր հայերի վերաբերմամբ գործ դրած անիրաւութիւնները և հազար ու մի զրկանքները: Բ. Դուռը խոստացաւ բարւոքել հայերի դրութիւնը, բայց ի հարկէ տանկաց բազմաթիւ խոստումների


նման, Թղթերի վերայ միայն զրուած ֆնացին: Մեր պատմութեան մէջ չափիկի շանքերով զլուխ եկած գաւառների վիճակագրական տեղեկութիւնները իրենց նշանակալից էշերն են գրաւում և նորանով, որ հէնց այդ տեղեկադիրը պառաւ վերջին ռուս-թրքական պատերազմի ժամանակ եւրոպական զիւտնասները բաղխելու պատճառը: Այդ տեղեկադիրը ստեղծեց Սան-Ստեֆանոյի 16 և Բերլինի վեհաժողովի 61-րդ ածուլ յօդուածները, որ աւանդ տասնեակ տարիների ընթացքում չոր Թղթի վերայ զրուած այդ անպէտք յօդուածները քաղաքականապէս ահառ ու անխոհեմ հայերիս դիտատակ մի մի փափուկ բարձ գառնալով—հարիւր հազարաւոր զոհերի, սով ու սրածութեան անվերջ շարքերի մի կոտորեալ օշախ դառաւ ու լավեց հայաբնակ ամբողջ նահանգները: Խրիմեանի 4-ամեայ պատրիարքութեան զլխաւոր արդիւնքներից մէկն էլ այն եղաւ, որ նորա շնորհիւ, առնկահայոց միջին և ստորին դասի աղքատութիւնը զօրացաւ աղգային գործերի մէջ: Հաստատուեց դաւառական յանձնախումբ, սովելոց և կրթասիրաց յանձնաժողովներ և այլն: Այդ նպատակի համար մինչև անգամ մի շարք ձեռնհաս ու բանիբուն անձինք (ինչպէս օրինակ—Սրուանծ. աեանը, Թոխմախեանը, Ալուախեանը և այլն) գաւառներ ուղեորուեցին՝ գաւառացիների կարիքների համար նորանոր ուսումնասիրութիւններ և տեղեկութիւններ արծանագրելու: Միով բանիւ չափիկի պատրիարքութեան ժամանակ որոշ շերտաւորութներ ասպարէզ եկաւ բարձր և ստորին դասակարգերի մէջ: Սահմանադրութեան ընդհանուր և քաղաքական ժողովները նորա օրով մեծ մասամբ միջին դասի ձեռքն անցաւ: Մինչդեռ սկզբներում տէրութեան մեծ պաշտօնեաների և կրեսոս հայերի ձեռքին էր դանվում: Ինչ ասել կուզի, որ այս բոլորի հանդէպ չէին կարող անտարբեր վերաբերուել մի կարգ բարձրաստիճան եկեղեցական և աշխարհական անձինք, որոնք աղգային գործերում միմիայն իրանց անձնական շահերը ի նկատի ունէին: Յառաջ եկաւ մի կուսակցութիւն, որը չափիկին տապալելու համար ձեռք առած միջոցների մէջ խտրութիւն չենէլ չր դիտէր: Ժողովրդի մէջ սորա ստեղծեցին լուրջ չուզումներ ու զըր-

գոռմներ: Յուդմունքներին վերջ տալու համար 1873 թ. հոկտեմբերի 2-ին Հայրիկը մի նշանաւոր հրաժարագիր տուեց, որը ժողովրդի վերայ մեծ տպաւորութիւն գործեց:

Թէ տանկահայոց «Ազգային Սահմանադրութիւնը» որքան համապատասխանում էր զաւառական ստորին դասակարգերի բնալ շահերին— թող խօսի ինքը իրականութիւնը: Իւր պատրիարքութեան ժամանակ սահմանադրութեամբ հաստատուած ժողովների վերաբերմամբ Հայրիկը այսպիսի նամակներ է ստանում: Մի առաջնորդ այսպէս է գրում «Ձեր հրահանգն ստացայ, բայց զո՞վ ընտրիմ ժողովին ատենապետ, տաեւագիր և ժողովականներն ո՞ւրի՞նչ գտնիմ»: Մի ուրիշ տեղ էլ՝ «Ընտրողական գործողութիւնները կատարելու համար՝ ոչ սեղան կայ, ոչ քուէատուփ և ոչ էլ տախտակ— զանոնք շինելու համար. ի՞նչ ընիմ: Մեր գիւղացիները գրել կարգալ չեն գիտեր, այլ՝ միայն խօփն ու արօրը կը ճանչին: Ասոնց մէջ ի՞նչպէս սահմանադրութիւն գործադրուելու է: Քաղաքացւոց պարտուց տակ ճնշուեր են խեղները, թէ որ ընտրուին և քաղաք գան, հայ չորպանների կամքը իրենց պատգամ կը դառնայ, անոնց դիմացը չեն համարձակուիր ծայն ծպտուն հանիլ...» և լիշեալ վարդապետը զաւառաբնակ հայերի համար լոյս և սահմանադրութեան տետրակէն առաջ՝ բերական կը խնդրէր. «Ես ի՞նչ ընեմ, գրում է վարդապետը— եթէ հարցնես ի՞նչ է քուէ, քուէատուփ, նա խեղոյն իւր 200 ղուրուշի պարտքը կը լիշէ, և իմ քուէն. իմ փոխատուիս համար է կսէ»:

Ահա դորա համար էլ ասում են Հայրիկը միշտ կրկնում էր իւր նշանաւոր խօսքերը «Օրէնսդիրները պարտաւոր էին Բոսֆորի ափերից դուրս գալով քննէին այն ժողովրդի վիճակը, պիտոյքը, բարքը— որուն համար օրէնք սահմանելու կոչու ած էին»:

ԱՐԱՍ ԳԻՐԶԵԱՆ



Ֆ Ր Ե Դ Ե Ր Ի Մ Ի Ս Թ Ր Ա Լ

## ՄԻՐԷՅՕ

Պրովանսական քերթուած

ԵՐԳ ԵՐՐՈՐԴ

ԽՈՉԱԿՆԵՐՈՒ ՀԱԻՔՈՒՄԸ

Փրովանսական հունձքը.—Լտտենիներու Ագարակին մէջ, խումբ մը զուարթ աղջիկներ շերամներու խոզակները ոստերէն կ'անջատեն.—Փան-Մարի, Միրէյօի մայրը.—Թավէն, Պօի վհուկը.—Չար աչքը.—Խոզակ հաւքողները, ատենը անցընելու համար, «փրովանսական դղեակներ» կը շինեն.—Խրոխտ Լօրը, Փամփարիկուսի թագուհի,—Քլեման, Պօի թագուհի: Վանթուրը, Ռոնը, Տիւրանսը.—Ազալայիս և Վիոլան.—Սիրոյ Ատենան.—Նօրատ երևան կը հանէ Միրէյօի և Վինենի սիրահարութիւնը.—Աղջիկներուն ծաղրանքը.—Թավէն վհուկը զէնոնք կը լռեցնէ: Լիւպլըրոնի ճրգնաւորը և սուրբ հովիւր.—Նօր կ'երգէ Մակալիի երգը:

Երբոր հունձքերը յաջող են,  
Լիատակառ՝ ձիթապտղի հրբ այգիներն  
Կը լեցնեն կաւէ կարամներու մէջ իւղը շիկագոյն,  
Երբ արտերէն, ճամբաներէն՝  
Թափառական հասկաքաղին  
Սայլը խոշոր կը ցնցկոտի ու կը տըքայ  
Եւ իր հըպարտ ճակտով ամէն դի կը բաղխի,

Ըմբիշի պէս մերկ և ուժեղ՝ երբոր Բաքոսը կուգայ  
Եւ լոլորապարը կ'առաջնորդէ հնձանհարներուն  
Դէպ այգեկուծքը Բօի,  
Ու լիալիր ճմլարանէն  
Երբոր խըմիչքն օրհնըւած,  
Սըրունգներուն տակ՝ խաղմուզով թաթաւուն,  
Յորդ կը վազէ հնձանին մէջ փրփրացայտ,

Եւ երբ շերամներն կենիստաներուն վըրայ, թափանցիկ,  
 Կը բարձրանան՝ տօնազըւարթ՝  
 Իրենց խարտեաշ բանտը մանել,  
 Ու երբ թրթուրներն, ամենաճարտար արուեստագէտներ,  
 Հազարներով կը թաղուին  
 Օրրոցներուն մէջ իրենց՝ այնքան նրբին,  
 Որ արեւու ճառագայթով մ'հիւսուած ըլլալ կըթւին,

Փրովանսի մէջ, այն ատեն,  
 Աւելի քան հրբէք խրախճանք կը տիրէ.  
 Այն ատեն, Պոմի, Ֆերիկուլէի գինիներն համով  
 Կը խըմին առանց գաւաթը բերնին մօտեցնելու.  
 Այն ատեն, կ'երգեն, կերուխում կ'ընեն.  
 Եւ մանչ ու աղջիկ  
 Դափերու ձայնով պար կը բոլորեն:

— Ես իրաւ որ բաղդաւոր եմ.  
 Իմ եղէգէ վանդակներուս վրայ ցախապատ  
 Խողակներու սա փունջերս հեղ մը նայեցէք.  
 Ասանկ փափուկ տերեւներ, հունձք մ'ասանկ հարուստ  
 Ազառակիս մէջ, դրացնուկներ, չէի տեսած  
 Երիտասարդ օրէս ի վեր,  
 Այն տարիէն ի վեր ուր մենք կարգըւեցանք:

Մինչ խողակներն կը հաւաքէին,  
 Այսպէս կ'ըսէր ժան-Մարի,  
 Ծերուկ Ռամօն վարպետին կինը մեծարոյ,  
 Միրէյօի մայրը հըպարտ.  
 Ու դրացնուկներն ու խնամիները, խնդալով,  
 Ու խողակները հաւքելով,  
 Շերամնոցին մէջ էնոր շուրջն էին շարուած:

Քաղ կ'ընէին.

Միրէյօ ինքն իսկ կ'իններուն ամէն ըուպէ  
 Կ'երկընցընէր մորճեր թըղուկ-կաղնիի  
 Ու խնկունիի փունջեր, ուր լերան հոտեր առնելով՝  
 Այնքան յօժար՝ իր կըծիկով՝  
 Կը բանտարկուի թրթուրն ազնիւ,  
 Որ կը նմանէին ոսկի դափնիի:

—Աստուածածնայ խորանին,  
Կ'ըսէր Ժան-Մարի խընամիներուն,  
Երէկ տարի արտորնօք  
Մորճերուս էն աղւորներն՝ իբրը տասանորդ:  
Այդպէս կ'ընեմ ամէն տարի. վասընզի էն է վերջապէս  
Որ, երբ հաճի, վեհանձնօրէն կը հրամայէ  
Շերամներուն որ աճին:

—Իսկ ես, ըսաւ Իզէօլթ՝ Օսթի Ագառակէն,  
Կը վախնամ որ սըխալս ինծի սուղի հասի.  
Այն օրն որ այնպէս կը փըչէր արեւելեան մեծ հովը,  
(Այդ ահուկի օրը մոռցած չէք անշուշտ),  
Անըզգուշութեամբ բաց էի թողած  
Պատուհանները սենեակին,  
Ու քիչ առաջ գըտայ քըսան հատ ճերմըկած:

Թաւէնն ալ, էնոնց օգնելու համար,  
Եկեր էր Պօէն.  
Թաւէն ըսաւ Իզէօլթին, «Դուք, ճահիլներ,  
Կը կարծէք թէ ամէն բանի մէջ ծերերէն բանգէտ էք.  
Բայց պէտք է որ տարիքը մեզ քայքայէ,  
Պէտք է հեծել, պէտք է լալ.  
Այն ատեն,բայց շատ ուշ,տեսնելու հասկընալ կըսորվինք:

Անխելք կիներ,  
Երբ շերամիդ աղէկ կ'աճի,  
Իսկոյն կ'երթաք փողոցներուն մէջ ճըռճըռալ՝  
«Օ՛, շերամներս, չըտեսնըած աղւոր են.  
Եկէք տեսէք»:  
Նախանձը հա չի մընար,  
Ձիւր ետեէն սենեակնուդ մէջ կ'ելլէ կուզայ մըրմըռալով:

«Օ՛հ, անմիտներ, որ նշգրակով  
Խուզարկելով մահը, գիտնալ կը կարծեն  
Մեղուին ուժը և գաղտնիքը մեղրին:  
Կը կարծես թէ փայլուն նայուածք մը շեշտակի՝  
Օրէն առաջ չի՞ կրնար սաղմը գալարել  
Ծոցին մէջ կընոջ  
Եւ ըստինքները չորցընել խոշորածիծ կովերուն:

«Կը կախարդուին թռչնիկներն  
Բուրճակին միայն երեսը տեսնելով.  
Օձին նայուածքը երկնքէն  
Վար կը քաշէ սագերն, և դուն կ'ուզես որ որդ մը չըքնանայ  
Մարդուն աչքին զօրութեան տակ:  
Բայց աչքին դէմ տըղամարդուն,  
Երբ անկից է որ սէր, բոց, խանդ կը ժայթքի,

«Ո՞րն է այն կոյսն որ բաւական վարպետ ըլլայ  
Պաշտպանելու համար ինքզինք»: Չորս աղջիկներ  
Վար ձրգեցին խոզակներն:  
— Յունիս ըլլանք կամ հոկոսմեր,   
է՛, պառնա օձ, խայթոցդ, ըսին,  
Միշտ կը բանի...  
Մանչերը մի... թող մօտենան, որ տեսնեն:

«Ո՛չ, կը գոչէր աղջիկներու հօտը զրւարթ,  
Ձենք ուզեր, չենք ուզեր, այնպէս չէ՛, Միբէյօ:  
— Խողակի քաղն ամէն օր չի պատահիր,  
Պատասխանեց էն, մառանին մէջ շիշ մը կայ,  
Զոր շատ համով պիտի գտնէք:  
Եւ Միբէյօ, թեթեաքայլ,  
Տուն գընաց շուտ իր կարմըրիլը ծածկելու:

— Ե՛հ, քըրուըտիք, աղքատ աղջիկ մըն եմ ես,  
Ըսկըսաւ Լօրը խըրոխտ.  
Բայց թէ որ միտքս ըլլայի դրած և ոչ մէկուն մըտիկ ընել,  
Եթէ մինչև իսկ Փամփարիկուսթի <sup>1)</sup>  
Թագաւորն ուզէր հետըս կարգըիլ,  
Հաճոյք ու քէֆ պիտի զգայի  
Տեսնել որ եօթ տարի ոտքիս տակ հոգի տար իմ սիրուս:

— Ես ատանք չեմ, ըսաւ Քիմմանս.  
Թէ որ արքայ մը դիպուածով  
Միրահարուէր ինծի, կրնայ պատահիլ,  
Եթէ փայլուն է մանաւանդ 'ւ երիտասարդ  
Եւ է՛ն գեղեցիկն իր պետութեան մէջ,

<sup>1)</sup> «Փամփարիկուստ» երեակայական երկրի անուն մըն է, զոր փրովանցիկ կատակաբանութեանց մէջ կը յիշեն:

Որ ձրգէի՝ առանց այդքան նազ ընելու՝  
Զիս իր պալատը տանէր:

«Բայց կայսրուհի երբ ընէր զիս  
Եւ տիրուհի,  
Ոսկենըկար ճոխ կրկնոցով,  
Ու հրավառ գլուխըս պճնէր  
Մարգարտայեռ զմրբխառազարդ  
Ակնախըտիդ թագով մը,  
Պիտ ելլէի, ես թագուհի, խեղճ հայրենիքըս՝ Պօ՛ Գայի,

«Ու Պօն ինծի մայրաքաղաք պիտ ընէի.  
Ժայռին վըրայ, ուր կը սողայ ան հիմայ,  
Պիտի նոփ-նոր շինել տայի մեր հին գղեական աւերուած,  
Ու պիտի հոն աշտարակիկ մ' աւելցնէի  
Որ իր ճերմակ կատարով  
Մինչև աստղերը հասնէր.  
Ու յետոյ, երբ ուզէի քիչ մը հովոտիլ,

«Աշտարակիս ծայրը, մինակ՝  
Իշխանիս հետ, պիտ ելլէի,  
Առանց թագի և կրկնոցի:  
Մինակ անոր հետ, իրան որ Խորթելի  
Ու շատ անուշ պիտի ըլլար՝  
Լանջորմին վրայ կրթնած արմուկ արմուկի՝  
Զըզել որ մեր աչքն հեռուները կորսըսի.

«Տեսնել ամբողջ, կ'ըսէր Քլեմանս,  
Փրովանսի զըւարթ թագաւորութիւնս՝  
Նարընջնեաց այգիի մ' պէս դէմըս ծաղկած.  
Եւ իր կապոյտ ծովը՝ փռուած մեղկօրէն  
Իր բըլուրներուն ու դաշտերուն տակ,  
Ու դրօշագարդ մեծ նաւակներն՝  
Լիառագաստ դէպ Իֆ գղեակը սլացոյ:

«Եւ կայծակէն հերձոտուած  
Վանթուրը որ, պատկառելի,  
Լեռներուն վրայ որ իր ներքեւ կը ծկըտին,  
Կը բարձրացնէ մինչև աստղերն իրեն գըլուխն ըսպիտակ,  
Ինչպէս մեծ ու ալեոր պետ մ' հովիւնհրու

Որ իր ցուպին կրթնած իր հօտը կը դիտէ,  
Փեկոններուն մէջ ու վայրի շոճիներուն.

«Եւ Ռոնն ուր այնքան քաղաքներ  
Շարան շարան մէկ ծայրէն միւսը կուգան  
Ջուր խմելու՝ խնդալով ու երգելով,  
Ռոնն իր ամերուն մօտ այնքան խրոխտ,  
Եւ որ սակայն երբ Ավինեոն կը հասնի,  
Կը հաւանի գլուխ ծրուել՝  
Ողջունելու Տօմի տաճարը Տիրամօր:

«Եւ Տիւրանսն, այդ այժը հրարշաւ,  
Եւ անընտել ու որկրաժէտ,  
Որ իր անցքին վրայ կը կրծէ արգուզիներն ու քատերն,  
Այդ աղջիկն աշխոյժ  
Որ իր սափորովը կուգայ հօրէն,  
Եւ որ իր ջուրը կը հոսէ  
Դէմը ելլող կտրիճներուն հետ խաղալով»:

Եւ ըսելով ասոնք, Գլեմանս,  
Փրովանսի գոգաւոր թագուհին,  
Աթոռէն ելաւ, ու կողովին մէջ  
Գլնաց իր լեցուն գոգնոցը պարպել:  
Ազալայիս, թուխ աղջընակ,  
Ու Վիոլան, որ երկուորեակն էր էնոր,  
(Կը վարէին իրենց ծընողքն էսթուպլոնի կալուածը),

Ազալայիս, թուխ աղջընակ,  
Ու Վիոլան որ երկուորեակն էր էնոր,  
Լքտտենիներու Ագարտին ըստէպ կուգային մէկտեղ:  
Սէրն, այդ դիւուկն ահաւոր,  
Որ գրրովոտ ու միամիտ հոգիներուն  
Չար կատակներ ընել միայն կ'ախորժի,  
Նոյն տղամարդուն համար երկուքին ալ սիրտն էր վառեր:

Ազալայիս վեր առաւ գլուխը և ըսաւ. «Ա'ղջիկներ,  
Քանի որ մենք ուրախութիւն կ'ընենք հիմայ,  
Ենթադրենք թէ հս ալ եղեր եմ թագուհի,  
Եւ թէ Մարսէյն իր նաւերով մեծառագաստ,  
Ու Սիոթան որ անոր հետ կը խնդայ,

Եւ Սալոնն ու իր նուշերը,  
Պոքերն և իր Մարգն, այս բոլորն ալ իմս են:

«Ազնւականն օրիորդներ ու գիւղացի աղջիկներ  
Արլի, Պօի, Պարպանթանի,  
Պիտ՝ ըսէի, թռչուններու պէս իմ պալատս թրոէք եկէք.  
Կ'ուզեմ ընտրել եօթ ամենէն աղւորներն.  
Ու կըշեօքին մէջ էնոնք պէտք է կշռեն  
Սէրը խաբերայ ու սէրն հրատոշոր...  
Եկէք, եօթդ ալ, զըւարթ, ժողով կազմեցէք:

«Սիրտ կոտորող բան չէ՞ տեսնել  
Որ երբ երկու հոգի իրար կը սիրեն,  
Իրենց միացումը խիստ շատ անգամ անհշար կ'ըլլայ.  
Բայց ես ձեզի խօսք կուտամ, ես Ազալայիս թագուհի,  
Որ պիտուի՞հանըս մէջ իմին,  
Եթէ երբէք ջուխտ մը սիրող՝ անարդար  
Ու զգուելի արգելքներով կաշկանդուին,

«Եօթ աղջկանց դատարանին թող երթան  
Եւ հոն գտնեն պիտի օրէնք մը բարի.  
Ով որ ոսկւոյ կամ գոհարի փոխարէն  
Յանձնէ պատուոյ իր պատմութեանն, ու ով որ  
Անարգանք կամ դրժանք ընէ իր սիրունւոյն,  
Պիտի գտնէ եօթ պայլուհիներուն դատարանին մէջ  
Օրէնք մ'անաւոր ու վըրէժ սիրոյ:

«Եւ երբոր նոյն աղջկան դէմ  
Երկու սիրող ելլեն, և կամ՝ ընդհակառակն՝  
Երկու աղջիկ երբ նոյն տըղուն սիրահարուին,  
Կ'ուզեմ՝ ժողովն որոշէ  
Այն որ էն լաւ կը սիրէ և դարպաս կ'ընէ,  
Եւ այն որ էն արժանին է սիրուելու:  
Վերջապէս, իբրեւ ընկեր այդ աղւոր օրիորդներուն,

Կ'ուզեմ որ գան եօթ բանաստեղծ,  
Ու ներգաշնակ բառերով՝  
Որոնց մէջ պարն ազնիւ պիտի տարփողեն՝  
Կ'ուզեմ որ ծառի կեղևներու վրայ  
Կամ վայրենի որթեւունկի տերևներու՝

Սիրոյ օրէնքներն զըրեն, և ինչպէս մեղրը փեթակէն,  
Այնպէս ալ իրենց սաղեբը հոսին:

«Ատենով, շուքին տակ շոճիներուն,  
Այսպէս՝ Ֆանէթ տը Կանթելմ<sup>1)</sup>  
Կը խօսէր անշուշտ, երբ որ իր ճակատն աստեղաճաճանչ  
Ռոմանէնին ու Փոքր Այպեանց բըլուրներն  
Կը լուսավառէր.  
Այսպէս անշուշտ կը խօսէր և Տի կոմսուհին<sup>2)</sup>,  
Երբ սարքած ունէր Ատեան մը սիրոյ»:

Բայց ահա սրուակ մը ձեռքը բռնած,  
Զատկի օրուան պէս գեղեցիկ՝ Միրէյօն,  
Այդ միջոցին, սենեակին մէջ կիներուն,  
Եկեր էր նորէն:  
— Է՛յ, ալ ատեն է խըմելու,  
Ըսաւ, խըմելն աշխատողին զըւարթութիւն կը բերէ.  
Գործերնիդ պահ մը ձըգեցէք ու գաւաթնիդ երկնցուցէք:

Ու կեմահիւս սրուակէն  
Տաքցընող ցըքին գաւաթներուն մէջ  
Ոսկի թելի պէս վազեց:  
— Ես այս իքսիրը ձեռքովս եմ պատրաստեր,  
Ըսաւ Միրէյօ, քառսուն օր ամբողջ  
Պատուհանին առջև պէտք է որ եփի,  
Որպէս զի արեւն անոր լեղութիւնը անուշցընէ:

«Լերան երեք խոտ կայ անոր մէջ զըրած.  
Ու խազմուզն որուն մէջը թաթխըւած կը մընան անոնք,  
Սիրտ բացող հոտ մը կը պահէ անոնցմէ»:  
— Բայց Միրէյօ, ինծի նայէ, ըսաւ յանկարծ էնոնցմէ մին,  
Մենէ ամէն մէկն, եթէ օր մ' հասնի  
Փարթամ կեանքի ու թագուհի եթէ ըլլայ,  
Ըսաւ թէ ի՞նչ պիտի սիրէ ամենէն շատ:

<sup>1)</sup> Էսթեֆանէթ (կըճատմամբ՝ Ֆանէթ), Կանթելմիւսիւս ազնուատուն ընտանիքէն, 1340-ի մօտ, կը նախագահէր Ռոմանէնի Սիրոյ Ատեանին:

<sup>2)</sup> Տի կոմսուհին նշանաւոր «Թրուվերուհի» մըն է (աշուղուհի), ԺԲ դարուն մէջտեղ. անքն ապրած:

«Դուն ալ, Միրէյօ, ըսէ մեզ շուտով,  
 Բու գաղափարդ ըսէ դուն ալ:  
 —Ի՞նչ կ'ուզէք որ ըսեմ. ծնողքիս քով՝ երջանիկ,  
 Ու գոհ մեր Բրօի ազարակին մէջ,  
 Ուրիշ բանի աչք չունիմ:  
 —Ա՛, ըսաւ մին աղջիկներէն,  
 Իրաւ է որ քուկին ուզածդ ոչ ոսկի է ոչ արծաթ:

«Բայց առաւօտ մը, կը յիշեմ, Միրէյօ,  
 —Ներքէ եթէ գաղտնիքը գուրս կը հանեմ,—  
 Երեքշաբթի էր, կրկուտներ ժողոված ես տուն կը դառնայի.  
 Բրուա-Պլանշի մօտ հասնելուս,  
 Կողիս վըրայ կըրհլով խուրձս փայտի,  
 Տերեւներուն մէջ քեզ տեսայ որ կ'իստէիր  
 Բաւական աչքբաց մէկու մ'հետ մէկտեղ:

—Ո՛վ էր, ո՞վ էր, ուրտեղէն էր, պոռացին  
 Ամենքը մէկանց:—Ծառերուն մէջէն,  
 Շարունակեց Նօրատ, որոշ չէի տեսներ.  
 Բայց եթէ աչքըս չէ խաբուած,  
 Ինծի այնպէս երեցաւ  
 Որ սա կողով հիւսել գիտցող  
 Վալապրիկցին էր որ Վինսեն կը կոչուի:

—Վա՛յ անառակ, անառակ,  
 Աղջիկներն ըսին քահքահ խնդալով.  
 Կ'երեայ թէ սիրուն կողով մը կ'ուզէիր ունենալ,  
 Ու կլլեցուցիր կողովագործին  
 Թէ կ'ցանկայիր որ ինքն ըլլար քու սիրահարդ.  
 Օ՛, ամենէն աղւոր աղջիկը մեր տեղին  
 Իբրեւ սիրող այդ անկուտի Վինսենն ընտրէ...

Ու էնոր հետը կ'իյնային: Բայց իսկոյն,  
 Եւ ամէն մէկուն երեսին վըրայ  
 Շուրջանակի պտըտցնելով նայուածք մը շեղ,  
 —Ա՛յ անիծած ապուշներ,  
 Գոչեց Թավէն. Ռումեքօն <sup>1)</sup>

<sup>1)</sup> Ռումեքօն՝ Փրովանսցւոց աւանդութեանց մէջ՝ տեսակ մը հողեղէշ (vampire) է:

Ձեզի ամենքդ ալ ուշաթափ ընէ թող:  
Եթէ Աստուած իսկ երկնաւոր ճամբէն անցնի,

«Այս յիմարներն ան ալ պիտի տանտինն առնեն»  
Այդ Վինսենին վրայ անհարկի կերպով այդպէս  
հնդալն աղւոր բան կը կարծէք: Բայց գիտէ՞ք  
Անոր մէջ ի՞նչ կայ, որքան ալ խեղճ ըլլայ.  
Մըտիկ ըրէք պատգամն. Աստուած  
Իր խորանին առջև անգամ մը հրաշք գործեց.  
Հաստատ գիտեմ. իմին օրովս եղած բան է:

«Հովիւ մը կար.  
Իր ամբողջ կեանքը՝ վայրենի՝ անցուցեր էր  
Արածելով հօտը դաժան Լիւպրոնին մէջ.  
Վերջապէս ղէպ ի գերեզման զգալով հակիրճ  
Իր երկաթէ մարմնոյն, ուզեց՝ ինչ որ պարտքն էր՝  
Սէնթ-Էօսթէշի ճգնաւորին  
Ոոստովանիլ:

«Մինաւորիկ, Վալմասքին <sup>1)</sup> մէջ կորսւած,  
Իր առաջին Զատիկէն ի վեր՝  
Եկեղեցի կամ մատուռ ոտք չէր կոխած.  
Ու մինչև իսկ իր աղօթքները մոռցեր էր.  
Իր խրճիթէն  
Ելաւ գընաց—ճգնարանը  
Ու մինչև գետին զըլուխը ծռեց մոնազիկն առջև:

—Ի՞նչ է գործած մեղքըդ, եղբայր,  
Ըսաւ ճգնաւորն:  
—Ահա ինչ է, պատասխանեց ծերունին.  
Մէկ խաղողուտիկ մ' (որ բարեկամ թռչուն մըն է հովիւներուն)  
Անգամ մ' իմ հօտիս մէջ կը թռչնէր.  
Ձեռքս կոտրէր, գայլախալով մը խեղճ թռչնիկն ըսպաննեցի:

—Եթէ ըրածը դիտամար չէ,  
Այս մարդն ապուշ ըլլալու է,  
Ըսաւ մտքէն ճգնաւորն, ու անմիջապէս

<sup>1)</sup> Վալմասքը Լիւպրոն լեռնաշղթային մէկ հովիտն է.  
Վալմասք (Վաու մասք) կը նշանակէ «կախարդներու հովիտ»:



Դըժոխք պիտի զրկէիք:  
 Օհ, ձեր բերանը գրցելու համար, խնայ որ,  
 էրկան մը հետ կարըւելէն  
 Նախընտրէի պիտի երթալ վանք մը քաշուիլ՝  
 Երիտասարդ հասակիս մէջ:

— Թրա լա լա լա, Թրա լա լա,  
 Երգեցին մէկ բերան բոլոր աղջիկներն:  
 Ձըսէս, ըլլաս պիտի աղւոր Մակալին,  
 Մակալին որ այն աստիճան կը գարշէր  
 Սիրոյ անուշ հրճուանքէն,  
 Որ նախընտրէց Արլ երթալ վանքը Սէն-Պլէզի  
 Ինքզինքը ողջ ողջ թաղել:

— Է՛, Նօր, դուն որ այնքան աղւոր  
 Կ'երգես ու լսողն՝ երբոր ուզես՝ կը զմայլեցնես,  
 Երգէ մեղի սա Մակալին,  
 Մակալին որ սիրոյ ձեռքէն կը փախչէր  
 Հազար խաղով,  
 Մակալին որ բարունակի,  
 Ճառագայթի ու թռչունի կը փոխուէր,  
 Բայց որ էն վերջն ինքն ալ սիրով վառեցաւ:

Ո՛վ Մակալի, ո՛վ պաշտելիս...

Ըսկըսաւ Նօր. և աշխատող  
 Աղջիկներուն զըւարթութիւնն աճեցաւ.  
 Եւ ինչպէս, երբ կը բզզայ  
 Ճըպուռի մ' երգն ամառնային,  
 Բոլոր միւսները խմբովին կը կրկնեն,  
 Այնպէս բոլորը մէկ յանկերգը կ'երգէին:

#### Մ Ա Կ Ա Լ Ի

Ո՛վ Մակալի, ո՛վ պաշտելիս,  
 Գլուխդ հանէ դուրս պատուհանէդ,  
 Մըտիկ ըրէ սա այգերգը՝  
 Զութակնիրով և դափերով:

Վերը լեցուն է աստղերով.  
 Ծոփն ինկած է.  
 Բայց դժգունին պիտի աստղերն  
 Երբ քեզ տեսնեն:

—Այնքան քիչ հոգս է այգերգըդ  
Որքան մրմունջը ծառերուն.  
Բայց ես երթամ խարտեաշ ծովուն  
Մէջ օձաձուկ պիտի ըլլամ:

—Ո՛վ Մակալի, եթէ դուն ձուկն  
Ըլլաս ջուրին,  
Ես ալ կ'երթամ ձկնորս կ'ըլլամ,  
Քեզ կը բռնեմ:

—Օ՛, եթէ դուն ձկնորս ըլլաս  
Եւ ուրկաններդ դաս նետես,  
Ես թեաւոր թռչուն կ'ըլլամ  
Ու դաշտերուն վրայ կը թռչիմ:

—Ո՛վ Մակալի, եթէ օդին  
Թռչունն ըլլաս,  
Ես ալ կ'երթամ որսորդ կ'ըլլամ  
Ու քեզ կ'որսամ:

—Եթէ դուն գոս վարմըդ լարես  
Կաքաներուն, կտցիկներուն,  
Ես ծաղկած խոտ կ'ըլլամ ու լայն  
Մարգերուն մէջ կը պահուրտիմ:

—Ո՛վ Մակալի, մարգրիտ-ծաղիկ  
Եթէ ըլլաս,  
Ես ալ վրճիտ ջուրը կ'ըլլամ,  
Քեզ կ'սոռոգեմ:

—Եթէ դուն ջուրն ըլլաս վրճիտ,  
Ես կ'երթամ մեծ ամպը կ'ըլլամ,  
Ու այսպէս շուտ, շուտ կը մեկնիմ  
Հեռուն, մինչև Ամերիկա:

—Ո՛վ Մակալի, եթէ հեռուն  
Մեկնիլ ուզես,  
Ես ծովու հով կ'ըլլամ ու քեզ  
Կ'առնեմ կ'տանեմ:

—Եթէ դուն հոգիս ըլլաս ծովու,  
Ես բերքի կողմ մը կը փախչիմ,  
Արևուն վառ հուրքը կ'ըլլամ  
Որ սառոյցներն կը հալեցնէ:

—Ո՛վ Մակալի, արևու շողք  
Եթէ ըլլաս,  
Ես ալ կանանչ մողէս կ'ըլլամ,  
Քեզ կը խըմեմ:

—Եթէ ըլլաս սաղամանդրը  
Որ թաւուտին մէջ կը թաքչի,  
Կ'ըլլամ լուսինը լըրացած՝  
Կախարդներուն ճամբայ ցուցնող:

—Ո՛վ Մակալի, եթէ պայծառ  
Լուսին ըլլաս,  
Ես ալ աղւոր մըշուշ կ'ըլլամ,  
Քեզ կը պատեմ:

—Բայց զիս մըշուշն եթէ պատէ,  
Նորէն քու ձեռքըդ չեմ մընար.  
Կ'ըլլամ աղւոր վարդ կուսական,  
Ու մացառին մէջ կը բացուիմ:

—Ո՛վ Մակալի, եթէ դուն վարդ  
Ըլլաս աղւոր,  
Ես թիթեռնիկ կ'երթամ կ'ըլլամ,  
Քեզ կը պագնեմ:

—Որքան վազես, զիս հալածես,  
Երբէք ինծի չես հասնիր դուն.  
Մեծ կաղնիի մը կեղևով  
Կը հագուիմ մութ անտառին մէջ:

—Ո՛վ Մակալի, եթէ դուն մեծ  
Կաղնի ըլլաս,  
Ես բաղեղի փունջ մը կ'ըլլամ,  
Քեզ կը գրկեմ:

—Եթէ դուն զիս ուզես գրկել,  
 Լոկ ծեր կաղնին գիրկըդ կը փնայ:  
 Ես մարապետ կ'ըլլամ ճերմակ՝  
 Սէն-Պլէզի մեծ վանատան մէջ:

—Ո՛վ Մակալի, դուն մարապետ  
 Եթէ ըլլաս,  
 Ես ալ կ'ըլլամ խոստովանայր,  
 Քեզ կ'իմանամ:

Այստեղ կիները սարսուացին,  
 Շէկ խոզակները ձեռքերնուն թափեցան,  
 Ու կ'պոռային. «Նօ՛ր, ըսէ շուտ, ըսէ մեզի  
 Թէ մարապետ ըլլալէն ետքն ի՞նչ ըրաւ  
 Խեղճ Մակալին, որ արդէն  
 Կաղնի եղած էր և ծաղիկ,  
 Լուսին, արեւ և ամպ ու խոտ, թռչուն ու ձուկ:

—Հիմայ երգին, յարեց նոր,  
 Մընացած մասն երգեմ պիտի.  
 Այնտեղն էինք եկած, եթէ լաւ կը յիշեմ,  
 Ուր էն կ'ըսէ թէ պիտի վանք երթայ փակուի,  
 Ու հրատուչոր որսորդն էնոր կ'պատասխանէ  
 Թէ ինքն ալ հոն պիտի երթայ մտնէ իբրեւ խոստովանայր.  
 Բայց տեսէք դեռ ի՞նչ նոր արգելք էն կը հանէ:

—Եթէ վանքին մէջ ստք կոխես,  
 Մարապետները կը դռնես  
 Որ չորս բոլորքս կը յածին,  
 Զիս պատանքի մէջ կը տեսնես:

—Ո՛վ Մակալի, եթէ դուն խեղճ  
 Մեռելն ըլլաս,  
 Ես այն ատեն հոգը կ'ըլլամ,  
 Քեզ կունեննամ:

—Հիմայ սկըսայ ես հաւատալ  
 Որ կատակով չես խօսիր դուն.  
 Աղւոր կարիճ, քեզ յիշատակ՝  
 Ա՛ռ սա մատնիս ապակիէ:

—Ո՛վ Մակարի, կեանք կուտաս ինձ...  
 Բայց նայէ, քեզ  
 Երբոր տեսան, աստղերն ի՞նչպէս  
 Տժգունեցան:

Նօր լըռեց. ո՛չ մէկը ձայն ձուռն կը հանէր.  
 Այնպէս աղւոր կ'երգեր Նօր,  
 Որ գլխու հակամար միւսները իրեն  
 Կընկերանային.  
 Ինչպէս փունջեր կիպիոխի  
 Որ կախ ու հըլու՝ մէկտեղ կը տարուին  
 Վազող ջուրին մէջ աղբիւրին:

—Ա՛խ, ի՞նչ աղւոր օդ կ'ընէ դուրսն, աւելցուց Նօր՝  
 Աւարտելով. բայց արտունձներն  
 Արդէն իրենց գերանդիին  
 Կը լըռան խէժը ձկնոցին ջուրին մէջ.  
 Քանի մը խնձոր փրցուր, Միրէյօ,  
 Ամառնային խնձորներէն, ու կտոր մը թարմ պանիրի հետ՝  
 Լստենիներուն տակ երթանք ուտենք:

## ԵՐԳ ՉՈՐՐՈՐԴ

Թ Ե Կ Ն Ա Ծ Ո Ի Ն Ե Ր Ը

Մանուշակներու եղանակը.—Մարթիկի ձկնորսները.—Երեք թեկ-  
 նածուներ Միրէյօն ուղիւ կուգան, Ալարի հովիւը, Վերան ձիա-  
 պահը, Ուրիաս ցլավարը.—Ալարի և իր հարուստ հօտերն ոչխա-  
 րի.—Խուզումը.—Նկարագրութիւն ձմեռնային արօտ մը փոխա-  
 դրուող մեծ հօտի մը որ Ալպաններէն կ'իջնէ.—Տեսակցութիւն  
 Ալարիի և Միրէյօի.—Սէն-Րեմիի դամբարանը.—Հովիւին ընծան,  
 քանդակուած փայտէ բաժակը.—Ալարի ճամբու կը դրուի.—Վե-  
 րան ձիապահը.—Քամարկի ճերմակ զամբիկները.—Վերան Մի-  
 րէյօն կ'ուզէ Ռամոն վարպետէն.—Ծերունուն ուրախութիւնը և  
 բարեացակամ պատասխանը, Միրէյօի մերժումը.—Ուրիաս, ցլա-  
 վարը.—Վայրի սև ցուլերը.—«Ֆերրատ»-ը.—Ուրիաս և Միրէյօ  
 աղբիւրին մօտ.—Ցլավարը ճամբու կը դրուի:

Թող զայ ժամանակն ուր մանուշակներն  
 Մարգերուն մէջ թարմ  
 Փունջ փունջ կը փթթին, և ամոլները  
 Չեն պակսիր զանոնք երթալ շուք տեղուանք քաղելու համար.  
 Թող զայ ժամանակն ուր կը խաղաղէ

Ծովն իր ծոցը խրոխա  
Եւ իր բոլոր ծիծերով յամբը կը շնչէ:

Ձեն պակսիր «փրամ»-ներն ու «սիսըլանտ»-ներն <sup>1)</sup>  
Որ Մարթիկէն՝ գեղախումբ՝  
Կը մեկնին ու կերթան իրենց մեծ ուռկանով ձուկ բռնել,  
Կ'երթան թեւերով իրենց թիւրուն  
Անծուփ ծովուն մէջ տարտղնիլ:  
Թող գայ ժամանակն ուր կ'իներուն մէջ  
Աղջիկներու կ'երեւայ տարմն ու կը ծաղկի,

Երբ հովուհիներ կամ կոմսուհիներ  
Գեղեցկութեան անուն կ'շահին,  
Թեկնածունքը չեն պակսիր Քրօի մէջ ու դղեակներուն.  
Միայն Լոտենեաց Ագարակին մէջ  
Երեք հատ եկան, մին՝ զամբըկապահ,  
Միւսը հովիւ երինջներու,  
Երրորդն հօտաղ ոչխարներու, աղւոր տըղաք՝ երեքն ալ:

Նախ Ալարի հօտաղն եկաւ:  
Կ'ըսեն թէ հազար բրդոտ անասուն ունէր պահելու  
Ջրմեռն ի բուն Անթըրսէնի լըճին եզերքը կապուած՝  
Լաւ աղալից «կրամէն»-ներուն <sup>2)</sup>.  
Կ'ըսեն թէ այն միջոցին ուր ցորենը  
Իր հանգոյցները կը կազմէ,  
Ջով բարձրութեանց վըրայ Ալպեանց  
Ինքն իսկ զանոնք կը տանէր երբ արդէն Մայիսը կը զգացուի:

Կ'ըսեն նաեւ, ու կը հաւտամ,  
Թէ սուրբ Մարկոսն երբ մօտենար, ինը խուզող,  
Եւ հուժկու մարդիկ. երեք օր իր բոլորը կը խուզէին.  
Ու դեռ չեմ յիշեր այն որ կը քաշէ  
Ծանր ու ճերմակ բուրդի գեղմէրն,  
Եւ այն հովուիկն որ անդադար խուզողներուն  
Կը բերէր գինւոյ ամանը զոր շուտ մը կը պարպէին:

Բայց յետոյ, երբ ամառուան տաքը կ'անցնի  
Ու մեծ սարերուն վըրայ ձիւնն արդէն

1) Տեսակ մը նաւակներ:—2) Սիզատհասկ բոյս մը:

Կը պըտուտքի վայրերուն մէջ լեռնական,  
Տեսնելու էր իջնին հարուստ այդ հօտին՝  
Տոֆինեան բարձր հովիտներէն՝  
Ճարակելու համար Քրօի անսահման  
Դաշտին մէջ խոտը ձըմբան:

Տեսնելու էր երկարաձիգ տարածուիլն այդ խուժանին՝  
Ճամբուն մէջ քարուտ:  
Գունդին ճակատը գառնուկներն հապըշտապ  
Կ'ոտոտստեն զուարթ խումբերով,  
Գառնարածէն առաջնորդուած:  
Ջանգակակիր էշերն, արու և մատակ,  
Եւ մորուկներն կուգային խոուն ի խուռն անոնց ետեւէն:

Թամբին վրայ հեծած,  
Իշապանն անոնց կը հակէ: Անոնք են որ կեմահիւս  
Սակառներու մէջ համետնուն վրայ կը կըրեն  
Ուտելիքներն ու խմելիքն ու ձորձերն  
Եւ մորթագերծ արջառին  
Մ'որթը տակաւին արիւնաշաղախ,  
Ու գառնուկն յոգնած:

Յետոյ կուգային՝ մէկ զըծի վըրայ,  
Գնդապետներ փաղանդին,  
Իրենց վեր դարձած եղջիւրներովը,  
Ջանգակներին ճօճելով, ծուռ նայուածքով,  
Հինգ խրոխտ նոխազներ՝ սպառնազին գլխով.  
'Ի իրենց ետեւէն մայրերը կուգան և խենթ ալոջներն  
Ու փոքր ուլերը ճերմակ:

Այծարածը կը հրամայէ  
Այդ շատակեր ու թափառկոտ հօրանին:  
Ահա արունները մաքիներուն, խոյերն առաջնորդ,  
Որոնց դունչերը կը ցցուին օդին մէջ,  
Ճամբան ի վար կ'երևան.  
Հը ճանչցըւին անոնք իրենց կոտորներովը խոշոր՝  
Ականջին շուրջ երեք անգամ գալարուած.

Եւ կողերնին ու կունակնին փնջիկներով զարդարուած են,  
Պատուացոյց նըշան՝

Թէ իրենք են մեծաւորները հօտին:  
 Խուճրին գըլճիսը կը քալէ  
 Պէտն հօտաղներուն, իր վերարկուով  
 Ուսերը ծածկած:  
 Բայց ետեւէն կուգայ ստուար մասը բանակին:

Ու փոշիի ամպի մը մէջ,  
 Յառաջագնաց և ըշտապոտ,  
 Մայր-մաքիները կը վազեն,  
 Պատասխանելով իրենց ձագերուն մայիւնին՝ երկայն  
 Մայիւններով. և ծոծրակնին չքուած կարմիր ծոպերով՝  
 Արևափայլ փոշիի պէս  
 Կանցնին յամրաքայլ բրդոտ ոչխարներն ու հերուենեակներն:

Ու, մերթ Ընդ մերթ, հովիւներուն օգնականներն որ-  
 շուններուն

«Յառաջ» կը պոռան.  
 Եւ ձիւթանիշ կողերով մեծ խաժամուժը,  
 Զափահասներն, երկածիւններն,  
 Կրկնատամներն, գառնագուրկներն,  
 Եւ արգասաւոր երկուորաբներն,  
 Որ դժուարաւ կը քաշեն ծանրը փղերնին:

Ցնցոտաւոր ջուկատ, ամուլ մաքիներն,  
 Ու ծեր խոյերն որ յաղթըւած են սիրոյ  
 Պայքարներուն մէջ,  
 Ակռապլիկներուն ու կաղերուն հետ,  
 Յետսապահ գոնդը կը կազմեն,  
 Խոյեր ու ժասպառ, արխաւք բեկորներ,  
 Որ եղջիւրնին ու պատիւնին միանգամայն են կորուսել:

Եւ այս բոլորն, այժ ու ոչխար,  
 Ինչքան որ կար ճամբուն մէջ,  
 Ալարիին էր, բոլորն ալ, ծեր ու մատղաշ, աղւոր ու տգեղ...  
 Եւ իր առջեւէն երբոր կ'անցնէին,  
 Երբ կ'անցնէին հարիւրներով,  
 Նայելով քէֆը կուգար...  
 Մականի պէս կը կըրէր բիր մը շքեղ:

Ու պարտէզի մեծ շուներոջն իր ճերմակ  
 Որ կուգային արօտներուն մէջ իր հետ,

Ծունկերն մորթէ հեակերուն մէջ կոճկըւած,  
Ու դէմքը պայծառ, ճակատն իմաստուն,  
Կարծես Դաւիթ թագաւորն էր գեղեցիկ  
Երբ, պատանի, իրիկուան դէմ, պապենական աղբիւրը  
Կը տանէր իր հօտերը ջուր խմցնելու:

— «Ահա Միրէյօն որ կ'երթայ կուգայ  
Լտտենիներու Ագ'րակին առջև,  
Ըսաւ հովիւն... Աստուած իմ, ճիշտ են ըսեր ինձ.  
Ո՛չ դաշտերու մէջ, ո՛չ լեռան վրայ,  
Ո՛չ պատկերի մէջ, ո՛չ իրաւցընէ,  
Դեռ մէկը չեմ տեսած էսոր մէջքին հասնող՝  
Գեղեցկութեամբ, ձևերով ու շքնորհով:»

Միմիայն գէնի տեսնելու համար,  
Իր հօտերէն հեռացեր էր Ալարի:  
Սակայն երբ էնոր դիմացը եկաւ,  
— Կրնաս, ըսաւ դողդըղացող ձայնով մը,  
Ճամբայ մը ցոյց տալ ինձի՝  
Անցնելու համար սա բլուրներէն.  
Ապա թէ ոչ, աղջիկ, վախճամ պիտի չկրնամ ելքը գտնել:

— «Շիտակ ճամբան բռնելու է,  
Տես, պատասխանեց դաշտերու աղջիկն.  
Յետոյ կը մտնես փերօ-Մալօի անապատին մէջ,  
Ու կը քալես մանուածապատ հովիտէն,  
Մինչև աչքիդ կամարակապ մ' երևայ  
Ու գերեզման մը որուն վրայ կը կանգնին,  
Բնորձր, օդին մէջ, երկու քարէ զօրապետ <sup>1)</sup>:

«Հին» ըսուածներն են ասոնք»:

— «Շքնորհակալ եմ, ըսաւ տրդամարդն. իմ նիշըս կըլլող

<sup>1)</sup> Կամարակապ (portique) մը, ու գերեզման մը որուն վրայ  
կը կանգնին երկու վիմաքանդակ զօրապետ:— Սէն-Ռէմիէն կէս-  
ժամ հեռու, Փոքր-Ալպեանց ստորոտը՝ քովէ քով կը ցցուին եր-  
կու հոռմէական գեղեցիկ յիշատակարաններ: Մին յաղթական կա-  
մար մըն է, միւսը հոյակապ շիրիմ մը եռալարկ, ճոխ հարթա-  
քանդակներով զարդարուած, իր վերև ունենալով շնորհալի զան-  
գակատուն մը, տասը կորնթական սիւներու վրայ յեցած, որոնց  
մէջէն երկու արձաններ կերևան կանգուն: Վերջին մնացորդներն  
են Կլանմին, մարսիլիական գաղթականութեան զօր բարբարոս-  
ները բնաջինջ ըրին:

Հազար հատ ոչխար՝ վաղը՝ Քրօի մէջ  
Հեռը պիտ ելլեն.

Ու ես առջևէն կերթամ այդ վաշտին՝

Որ դաշտերուն մէջ ցոյց տամ

Արօտավայրն և օթեանն ու ճամբան:

«Եւ բոլորն ալ ազնիւ ցեղէ են. և իմին հովուհիս՝  
Ինչ ատեն ալ որ կարգըւիմ՝

Պիտի լըսէ օրն ի բուն երգը սոխակին.

Եւ եթէ բաղդն ունենայի որ դուն, աղւոր Միրէյօ,

Իմ կինս ըլլալ հաւանէիր,

Պիտի նըւէր ընէի քեզ ոչ թէ զարդեր ոսկեղէն,

Այլ տօսախէ նոփ-նոր անօթ մ՝ որ քեզ համար եմ շիներ»:

Ու յանկարձ խօսքը կտրելով,

Իր ներքնակէն՝ մասունքի պէս դուրս կը հանէ բաժակ մը  
Թարմ տօսախով յօրինուած,

Որովհետեւ իր պարապոյ ժամերուն՝

Քարի մը վըրայ նըստած՝ կը սիրէր այդպէս բաներով

Զըւարհանալ, ու դանակով մը միայն

Զքնաղ գործեր կը շինէր

Ու քըմայքոտ ձեռքով մը

Կը քանդակէր շաչուկներ

Գիշերանց իր հօտն առաջնորդելու համար դաշտերէն.

Եւ մանեակին վըրայ անոնց զանգակներուն

՝ Ի անոնց իրրեւ լեզուակ զըրուած ոսկորին վրայ ըսպիտակ՝

Կը փորէր ու նըբաքանդակ կը գըծազրէր

Ծաղիկ, թռչուն, ինչ որ կ'ուզէր:

Բայց այդ անօթը զոր բերաւ,

Ապահով եմ որ չըպիտի հաւտայիք

Թէ հովիւին դանակը հոն գըպած ըլլար.

Ծաղկափըթիթ կիստ մ՝ անոր շուրջ

Կը ծաւալէր,

Եւ վարդերուն մէջ իր մեղկ՝

Երկու այծեամ կ'արածուէին՝ ձեացնելով անկղերն անոր:

Քիչ մը վարօք, կը տեսնուէր երեք աղջիկ,

Որ անշուշտ երեք հրաշալիք էին...

Մօտը, խաշնարած մը կը քընանար ծառի մը ներքե.  
 Եւ աղջիկներն անառակ  
 Կամացուկ մ' անոր կը մօտենային  
 Ու բերնին վրայ կը գընէին ողկուզիկ մը խաղողի  
 Զոր կողովուն մէջ ունէին:

Եւ պատանին որ կը քնանար,  
 Կ'արթննար՝ ժպտուն.  
 'Ի աղջիկներէն մին յուզուած կերևար...  
 Արմատին գոյնն եթէ չըլլար,  
 Պիտի կարծէիք թէ այդ գործին մէջ  
 Դէմքերն ողջ էին.  
 Նորի հոտ ունէր. դեռ ինքն իսկ անով ոչինչ էր խըմած:

—«Իրաւ, ըսաւ Միրէյօ,  
 Բու հարըստութիւնդ աչք կը շլացնէ».  
 Եւ կը զննէր զայն: Ու յետոյ մէկանց՝  
 —«Իմին սիրականս աւելին ունի,  
 Իր սէրը, հովիւ: Ու երբ աչքիս մէջ խորունկ կը նայի,  
 Աչուըններս վար առնել կը ստիպուիմ  
 Կամ կը զգամ մէջս երջանկութեան մը վազելն որ զիս կը  
 Թուլցնէ:»

Եւ ոգիի մը պէս աղջիկն անհետացաւ...  
 Ալարի հովիւն անօթը դըրաւ  
 Իր ներքնակին տակ, ու մութուն՝ յամրաքայլ՝  
 Ելաւ մեկնեցաւ ամարանոցէն,  
 Միտքը վրդոված՝  
 Խորհելով որ այդքան աղւոր աղջիկ մ' իրմէ ուրիշին  
 Այդ աստիճան սէր էր տըւեր:

Լստենիներու նոյն Ագ'րակին մէջ՝  
 Եկաւ նաև զամբըկապան մը, Վերան:  
 Այս Վերանը այնտեղ եկաւ Ամսպուէն <sup>1)</sup>:  
 Սամպուի մեծ մարգերուն մէջ՝  
 Ուր «քապրիտէլ»-ը կը ծաղկի,  
 Հարիւր ճերմակ զամբիկ ունէր՝  
 Հրամարգերու բարձր եղէգները ծայրատող:

<sup>1)</sup> Սամպու, Արլի մէկ աւանը, Բամարկ կղզիին մէջ:

Հարիւր զամբիկ ըսպիտակ...  
 Ճահճաբոյսի պէս՝ բաշերնին վետվետուն,  
 Յորդախիտ ու երբէք մկրատ չըտեսած.  
 Իրենց կըրակոտ սըլացքներուն մէջ՝  
 Երբ ապերասան՝ յետոյ՝ կ'մեկնէին,  
 Պարիկի մը գօտիին պէս՝  
 Ան վըզերնուն վրայ կ'ծածանէր երկնքին մէջ:

Մարդկային անգղ, ամօթ քեզի.  
 Տեսնուած չէ որ զամբիկները Քամարկի՝ <sup>1)</sup>  
 Հըպատակուն իրենց կողերը պատռող  
 Սուր խըթանին  
 Եւ կամ գիրենք շոյող ձեռքին:  
 Նհնգութիւնով ծամակապուած՝ աքսորուելին տեսեր եմ  
 Հնու աղալից իրենց մարգերէն:

Եւ օր մը, խեղ ոստմամբ մ'արագ  
 Իրենց վըրայ հեծնողը վար կը նետեն,  
 Մէկ արշաւով կը կտրեն քսան փարսախ ջրամարդ,  
 Քըթերնին հովուն,  
 Ու տառը տարուան գերութենէ հտք՝  
 Դարձած իրենց ծըննդավայրը՝ Վաքարէս <sup>2)</sup>,  
 Ծովուն աղի և ազատ շունչը կը ծըծեն:

Վասն զի այդ վայրի ցեղին  
 Տարրը ծոփէ է.  
 Պոսիգոնի կառքէն անշուշտ խոյս տըւած,  
 Դեռ փրփուրով ներկուած է ան.  
 Եւ երբ կը փըչէ ծոփն ու կը մութնայ,  
 Երբ կը կոտրին պարտնները նաւերուն,  
 Յովատակները Քամարկի կը վըրընջեն հաճոյքէ,

<sup>1)</sup> Քամարկը մեծածաւալ տեղիք մըն է Ռոնին երկճղումէն կազմուած: Այդ կղզին Արլէն մինչև ծովը կը տարածուի: Իր հօրիզոններուն անհունութիւնը, իր միահարթ դաշտերուն վեհաշուք լուսթիւնը, իր տարօրինակ բուսականութիւնը, իր «միւրաժ»-ը, իր ձկնոցները, իր մօղուկի տարմերը, իր վայրի ձիւրու և եղներու մեծ հօտերը զարմանք կը պատճառեն ուղեւորին և Հարաւային Ամերիկայի «փամփա»-ները կը յիշեցնեն:

<sup>2)</sup> Վաքարէս, Քամարկ կղզին մէջ, ընդարձակ ամբողջութիւն մըն է ջրամարգերու, աղի ձկնոցներու և լճակներու:

Ու մտրակի թելերու պէս կը շաշեցնեն  
 Ձըգձըգուող պոչն իրենց երկայն,  
 Եւ կը քերեն հողն ու իրենց մըսին մէջ  
 Երեքժամուոյն կը զգան մտնելն անհղասաստ աստուածին  
 Որ իրարանցման մը մէջ սոսկալի  
 Փոթորիկն ու ջրհեղեղը կը շարժէ  
 Եւ հիմն ի վեր տակնուվերայ կ'ընէ վիհերը ծովուն:

Այդ վերանը կ'պահէր զանոնք արօտին մէջ:  
 Օր մը որ Բրօի շրջանը կ'ընէր,  
 Մինչև մօտը Միրէյօի եկաւ՝ կ'ըսէին.  
 Զի Բամարկի մէջ և մինչև հոն հեռուն,  
 Մինչև այն լայն բերանն ուր Ռոնը կը թափի,  
 Կըսէին թէ էն աղւոր էր  
 Եւ երկար ատեն դեռ պիտի ըսեն:

Եկաւ խըրրխտ, ին Արլաձև  
 Երկայն դեղին թիկնոցակով՝  
 Վերարկուի պէս ուսն ի վար նետուած,  
 Գօտիովը խատուտիկ  
 Ինչպէս կռնակը մողէսին,  
 Ու գլխարկովը մոմալօծ կըտաւէ  
 Ուր կը ցոլանար շողքն արեգակին:

Եւ երբ վարպետին դիմացը ելաւ,  
 —«Բարի լոյս ձեզ, տուներնիդ շէն մընայ միշտ,  
 Բամարկեան Ռոնին եզրաբնակներէն մին եմ ես, ըսաւ.  
 Թոռն եմ Փիէր ձիապահին.  
 Գիտնալու էք դուք արդէն,  
 Վասն զի պապս քըսան տարի ամենաքիչն՝ իր ձիերով  
 Կոխած է հողը ձերին:

«Մեզ պաշարող ճահիճին մէջ  
 Մեծարոյ պապս ունէր երեք երկոտասնեակ երիվար...  
 Մտքերնիդ է. բայց ճշ, եթէ տեսնէիք  
 Թէ այդ խըմորն ինչ ճոխ կերպով է այժմ աճած...  
 Մանգաղները պէտք է որ շատ խոտ կըտրեն.  
 Այժմ ունինք եօթ երկոտասնեակ ու երեք զոյգ:»  
 —«Երանի՜ թէ, պատասխանեց ծերունին,

«Դեռ շատ ատեն անոնց աճելը տեսնես  
 Եւ զանոնք ձեռքովդ արօտը տանիս.

Ճանչցած եմ քու պապդ, ու երկարատև  
 Եղաւ անոր հետ բարեկամութիւն:  
 Բայց վերջ ի վերջոյ երբ տարիքը մեզ կը սառեցընէ,  
 Մեր կանթեղին լոյսին տակ  
 Հանգիստ կը մընանք, բարեկամներուն մնաս բարով կըսենք:

— «Բայց չըլըմընցաւ, ըսաւ պատանին,  
 Ու դեռ ձենէ ուզելիքըս չէք գիտեր.  
 Շատ անգամներ, Սամպուի մէջ, երբ որ Քրօէն մարդիկ կուգան  
 Սայլերով յարդ տանելու,  
 Մինչդեռ կ'օգնենք իրենց բռնին  
 Զըւանները սեղմելու,  
 Կը պատահի որ կը խօսինք աղջիկներուն վրայ Քրօի:

«Ու ձեր Միրէյօն ինձ նըկարագրած են իմ ճաշակիս  
 Այնքան յարմար, որ եթէ դուք ալ հաւանիք,  
 Վերանը ձեր փեսան կ'ըլլայ...»  
 — «Վերան., հըր էր՝ ըսածդ ըլլաւ,  
 Գոչեց Ռամոն, որովհետեւ բարեկամիս՝  
 Պապուդ փիէր ձիապահին  
 Ծաղկած շառաւիղն ինձ պատիւ միայն կարող է բերել»:

Եւ ինչպէս մարդ մ'որ Աստուծոյ փառք կուտայ,  
 Երկու ձեռքը երկիւնքն ի վեր բարձրացուց  
 Ու գոչեց.  
 — «Երանի՛ թէ մեր աղջիկն ալ քեզ հաւանի.  
 (Մեր մէկ հատիկ զաւակն է, լոյսն է աչքերնուս).  
 Իբր օժիտի երախայրիք՝  
 Վըրադ իջնայ անմահութիւնն ու օրհնութիւնը սուրբերուն»:

Եւ կը կանչէ անմիջապէս իր աղջիկն  
 Ու կը յայտնէ խնդիրն էնոր:  
 Յանկարծ դժգունած, նայուածքը շլմոր,  
 Վախէն դողդոջուն,  
 — «Բայց քու սուրբ խելքդ, ըսաւ, հայր,  
 Ո՞ւր է դացեր,  
 Որ կուգէս այսքան դեռատի հեռացընել զիս քենէ:

«Դուն ինձ ըսած էիր թէ պէտք է կարգըւիլն  
 Ըշտապով կըլլայ,

Պէտք է ճանչնալ մարդն ու անկից ճանչըցըրի...

Եւ ճանչնալը դեռ լինէ է...»:

Ու իր դէմքին մէջին մէջ քաղցըր մը տածում մը յանկարծ  
Պայծառ երևցաւ:

Այսպէս երբ առտուն՝ անձրև է եկած,

Ծաղիկները կը տեսնուին ընկղմած

Պղտոր ջուրին տակ:

Միրէյօի մայրն իրաւունք տըլաւ էնոր ըսածին,

Եւ ձիապահը, ծպտելով,

— «Ռամոն վարպետ, ըսաւ, ես ետ կը կենամ.

Որովհետեւ ձիապահ մը Քամարկցի,

Գիտցած եղէք, լաւ կը ճանչնայ խայթըլածքը մօզուկին:

Նոյն ամառունն մէջ՝ Սովածի <sup>1)</sup> արօտներէն՝

Ուրիասը եղնավար

Ագարակն եկաւ, Միրէյօն տեսնել:

Սե ու չար են, համբաւաւոր,

Սովածի եղներն...

Հըրատոչոր, արևուն տակ ու եղեամին,

Հեղեղահոս անձրևներուն բաղխումին տակ:

Հոն, մինակ իր հովերուն հետ,

Ամբողջ տարին կ'արծէր զանոնք Ուրիաս,

Ծընած՝ հօտին մէջ, եղներն հետ մեծցած,

Կազմըլածքը ունէր եզի,

Սևութիւնն ու անջը վայրի,

Ժանտ կերպարանքն ու կարծր հոգին:

Ձեռքը ջալոտ մ' ու հագուստը գետին նետած,

Ո՛րքան անգամ, դաժան քեցող,

Հորթերը իրենց մօրն ըստինքներէն

Քաշեր դատել էր

Ու զայրացած մօրը վըրայ

Խուրձ մը բիւր կոտրեր,

<sup>1)</sup> Սոված, ընդարձակ ամայի երկրամաս մը, որ փոքր Քամարկ ալ կը կոչուի. Արևելքէն իր սահմանը կը գծէ փոքր Ռոնը, որ զայն կը բաժնէ մեծ Քամարկէն, հարաւէն՝ Միջերկրականը, Արևմուտքէն և Հիւսիսէն՝ մեռած Ռոնը և էկ-Մորթի ջրանցքը: Վայրենի սև ցուլերուն զլխաւոր բնակավայրն է:

Մինչև որ ան՝ հարուածներու փոթորիկէն՝  
Փախչէր ոռնալով, մերթ ետ նայելով՝ շոճերուն մէջէն:

Ո՛րքան երինջներ ու զըւարակներ  
«Ֆերրատ»-ներուն <sup>1)</sup> մէջ Քամարկեան,  
Եղջիւրնհրնէն բռներ գետին էր նստեր.  
Եւ ատկից էր որ յօնքերուն մէջտեղը ձեղք մ'էր մընացեր՝  
Ինչպէս կայծակն որ ամպերը կը պատռէ.  
Եւ անջրդի մատիտեղներն ու օշնաններն  
Ներկուեր էին՝ ժամանակաւ՝ իր յորդահոս արիւնէն:

Ազուր օր մ'էր մեծ «Ֆերրատ»-ի:  
Հաւաքելու համար եզներն,  
Էկ-Մորթը և Աւարուունը, Փարամանն ու Լի Սանթօն  
Ղրկեր էին դէպի հողերը խոպան  
Հարիւր հատն իրենց ամենէն ամուր ձիաւորներէն:  
Բայց որոշուած տեղն  
Ուր ժողովուրդ մը խելացնոր կը լեցնէ կրկէսը լայն,

Ընդոստ արթնցած՝ աղաղաշտին մէջ,  
Ու հալածուած սնւր երեքժանիէն.  
Որով զիրենք արշաւունն մէջ կը խըթէ  
Եզողն աշխոյժ, եկեր էին երինջները և ցուերն՝  
Վազըով մը խնթ, մըռնչիւնով մը հովու,  
Տերեփուկներն ու տիփասները ճգմելով,  
Եկեր էին՝ երեք հարիւր՝ նըշանակուած տեղն հաւաքուիլ:

Եղջերաւոր ամբոխը  
Հանգ կառնէ, համր ու շըւարած,  
Բայց խըթանի հարուածներով,  
Երեք հեղ ալ զայն կը ստիպեն ծայրէ ծայր  
Կտրել շրօանակն ամփիթատրոնին,  
Ինչպէս շունը կը զաքիսին ետիէն,  
Ինչպէս Լիւարոնի արծիւն ետէն հողմավարներուն:

Չըհաւտալոր բան: Կ'իջնէ Ուրիաս իր սամբիկէն վար,  
Սովորութեան հակառակ:

<sup>1)</sup> «Ֆերրատ»-ը հովուական մեծ արարողութիւն մըն է, զոր  
կը տօնեն Արլի մէջ, և որու միջոցին որոշ տեղ մը կը հաւաքեն  
բոլոր ղեռատի եզները և անոնց վրայ հրաշէկ երկաթով իրենց  
տիրոջ նշանագիրը կը դրոշմեն:

Դիզուած՝ մուտքին մօտ կրկէսին,  
 Եզներն յանկարծ ահեղաբար կը շարժին,  
 Ու կրկէսին մէջ արագ կը սուրան  
 Հինգ ընջուղներ որոնց աչքերը կը վառին  
 Եւ որ երկինքն իրենց շրջեղ գըլուխներովը կը ճեղքեն:

Ինչպէս հով մը, կը սըլանայ Ուրիաս,  
 Ինչպէս հով մը որ ամպերը կը հալածէ,  
 Կը հետապնդի անոնց ետեէն, կը խըթէ զանոնք,  
 Մերթ անոնցմէ առաջ կ'անցնի վաղըին մէջ,  
 Ու մերթ նիզակովն անոնց կը զարնէ,  
 Մերթ կը պարէ անոնց առջև,  
 Ու մերթ զանոնք կռուփի ուժեղ հարուածով մը կը սանձէ:

Ա՛, մատ կը զարնէ ժողովուրդն ամբողջ.  
 Ուրիաս, ճեպ-ճերմակ եղած ոլիմպական փոշիով,  
 Վազքին մէջ հսկակ ապա կ'ըռնէ անոնցմէ մին եղջիւրներէն,  
 Եւ գլուխ ու ցոռկ, հւժ ու ժի դէմ:  
 Կ'ուզէ սև հրէշն իր վեր դարձած եղջիւրները ազատել,  
 Եւ գաւակը կը զալարէ,  
 Ու մոլեգին կը բառաչէ, արիւն ու մուխ կը փռչէ:

Զհւր մոլեգնութիւն, ունայն ոստումներ:  
 Անդէորդը, հարուածով մը խորամանկ,  
 Անասունին գլուխն ահուի կը կըթընցնէ իր ուսին,  
 Անոր վիզը պրկելով.  
 Եւ ուժգնապէս, դէպ ի միւս կողմ  
 Հըրելով զայն,  
 Պատնէշի մ'պէս՝ մարդն ու ցուլը թաւալազլոր գետին կ'իյնան:

Մոշներները կը դողան  
 Այն խելայեղ աղաղակէն զոր ամենքը կ'արձակին՝  
 «Ապրի՛, ապրի՛ Ուրիասը»: Ու հինգ թիկնեղ կտրիճներ  
 Յուլը կը բռնեն, զրոշմելու համար  
 Անոր վրայ նըշանն իր յաղթանակին.  
 Ինքն իսկ Ուրիաս երկաթը կ'առնէ  
 Ու կ'իտարանէ տաք երկաթով գաւակն անոր:

Խուժը մը ձի հեծած Արլի աղջիկներ,  
 Կուրծքերնին թռնգ ելած սաստիկ յուզմունքէ,  
 Իրենց ճերմակ հեգնաներուն քառասլացքէն կարմըրած,

Կուգան բերել անոր եղջիւր մը խոշոր՝  
Մինչև բերան գինով լեցուն. ու դաշտին մէջ,  
Տեսէք, յորձանքը վերըստին կ'շոգիանայ.  
Խումբ մը ձիաւոր երիտասարդներ, կը սուրան. հրավառ,  
էնոնց ետեւէն:

Ուրիաս եղներն գետին զարնելու միակ կը մտածէ.  
Տակաւին չորս հատ կը մընար.  
Բայց ինչպէս արտունձն, որ խար կը կտրէ,  
Այնքան շատ եռանդ ցոյց կուտայ որքան գործը շատ ըլլայ,  
Պայքարին կարծր ճիգերուն  
Հետըզհետէ աւելի պինդ կը տոկար,  
Ու չորսին ալ մէջքը կոտրեց:

Սէգ եղջիւրներով, ըսպիտակախայտ,  
Անոնց վերջինը դաւարիքը կը խուզէր:  
— Հերիք, Ուրիաս, գոչեցին բոլոր  
Ծեր կովարածներն: Զուր շունչ հատցուցին:  
Ըսպիտակախայտ ցուլին վրայ արդէն ան կը խոյանար,  
Երեքժանին կրթնցուցած իր ազդրին,  
Քրտնաթաթախ ու կուրծքը մերկ:

Զաթ... երբ ցըռուկին հարուածն իջեցուց,  
Երեքժանին կըտոր կըտոր փշրեցաւ.  
Վայրագ վէրքէն՝ ցուլը դարձաւ դիւահար.  
Մէկ ոստուժով եզնավարը եղջիւրներէն զայն բռնեց,  
Ու միասին կը սըլանան, ու դաշտին  
Օշանները կ'աւրըշտըկեն միասին:  
Զիով, իրենց խըթաններուն երկայն բունին կրթընած,

Արլի մ'էկ-Մորթի կովարածները  
Կը դիտէին կըռին հըզօր:  
Երկուքն ալ կատղած՝ յաղթելու տենչով,  
Մարդը սանձելով եզը բառաչող,  
Ծնն իր հետ մարդը քաշելով տանելով,  
Ու փրփրալից թանձրը լեզուով մը՝ վազքին մէջ՝  
Լիզելով ցռուկն իր արիւնքոտ:

Տէր Աստուած... եզն ահա կ'յաղթէ:  
Ճղճիմ փողիլի պէս մարդն անոր ոտքերուն տակ գլորեցաւ՝  
Իր խոյանքէն մղուելով...

—«Մեռած ձկացիք, մեռած ձկացիք»:  
 Եզն իր պողերով զանիկա գետնէն վեր կը վերցընէ,  
 Եւ իր դաժան գլուխն՝ օդին մէջ  
 Եօթը կանգուն բարձրութեամբ վեր կը նստէ զայն:

Մոռենիները կը դողան  
 Այն խելայեղ աղաղակէն զոր ամենքը կ'արձակեն...  
 Խեղճը հեռուն երեսի վրայ կ'երթայ կ'իյնայ ջախջախուած:  
 Անկից ի վեր էր որ իր դէմքն այլանդակող  
 Ըսպին կը կըրէր:  
 —Իր դամբիկին վերայ հեծած, եկաւ ան,  
 Նիզակը ձեռքը, Միրէյօի մօտ:

Դեռատի կոյսն այդ առտու  
 Մինակ գացեր էր աղբիւրը.  
 Սօթած թևերն ու փէշերը,  
 Զիպիոյն ողորկիչ  
 Քամոցները կը մաքրէր:  
 Սուրբ Աստուած, ի՜նչ գեղեցիկ էր,  
 Պայծառ ջուրին մէջ տոտիկները ցայելէն:

—«Աղւոր աղջիկ, բարև՛, ըսաւ Ուրիաս.  
 Քամոցները կը ցօղուես.  
 Եթէ թոյլ տաս, այս աղբիւրին մէջ մաքուր  
 ձերմակ ձիուս պիտի քիչ մը ջուր խմցնեմ»:  
 —«Հուր չի պակսիր այստեղ, ըսաւ էնիկա.  
 Սահանքը տար ձիդ,  
 Ուզածին չափ թող խմէ:»

—«Աղւոր աղջիկ, ըսաւ տղամարդը վայրենի,  
 Իբր ամուսին կամ ուղևոր՝ օր մ'եթէ գաս Սիլվարէալ <sup>1)</sup>,  
 Ուր ծովուն ձայնը կը լսուի,  
 Աղւոր աղջիկ, պիտի չնեղուիս.  
 Վասն զի սև կոյն այնտեղ  
 Կը պըտըտի, ագատ, դաժան, ու զայն երբէք չեն կըթեր-  
 Կիներն հոն շատ ատեն ունին ըզբօսնելու:»

—«Ա՛յ տղամարդ, այդ երկրին մէջ եղներու,  
 Աղջիկները ձանձրութենէ կը մեռնին:»

<sup>1)</sup> Սիլվարէալ, անտառ հովանոցաձև շոճիներու, կը գտնուի փոքր քամարկին մէջ:


—«Աղւոր աղջիկ, երկու հոգւով՝ կարելի չէ ձանձրանալ»:  
 —Ա՛յ տըղամարդ, այդ հեռաւոր տեղերնուն մէջ մոլորողը  
 Կ'ըսեն թէ լեղի ջուր մը կը խըմէ  
 Եւ արեն անոր երեսը կ'այրէ»:  
 —Աղւոր աղջիկ, կրնաս շուք տեղ շոճիներուն տակ կենալ»:

—«Ա՛յ տըղամարդ, կ'ըսեն թէ այդ շոճերն ի վեր  
 Կը բարձրանան կանանչ օձի գալարներ»:  
 —«Աղւոր աղջիկ, փիւնակաթեն ու ճայն ունինք,  
 Որ պարզելով իրենց լօղիկը վարդադոյն,  
 Ռոնի ափին՝ կ'որսան զանոնք»:  
 —«Ա՛յ տըղամարդ, մըտիկ ըրէ,—խօսքըդ կտրեմ—  
 Այդ քու շոճիներդ շատ հեռու են իմ լտտնիներէս»:

—«Աղւոր աղջիկ, քահանաներն ու աղջիկներն,  
 Ինչպէս առանձը կ'ըսէ, չեն գիտեր թէ ո՛ր պիտի երթան  
 Օր մ'իրենց հացն ուտելու»:  
 —«Հերիք է որ իմ սիրածիս հետ ուտեմ,  
 Ա՛յ տըղամարդ, ալ ուրիշ բան չեմ ուզեր՝  
 Հեռանալու համար բոյնէս»:  
 —Աղւոր աղջիկ, եթէ այդպէս է, սիրտդ ուրեմն ինձի տուր»:

—«Ա՛յ տըղամարդ, կուտամ, ըսաւ Միրէյօ,  
 Բայց պէտք է որ անկէց առաջ սա կոկոռներն  
 Աղաւնեգոյն խաղող բերեն.  
 Անկէց առաջ պէտք է որ քու երեքժանիդ ծաղիկներ  
 Արձըկէ,  
 Այս բըլուրներն մեղրամոմի պէս հալին  
 Եւ այստեղէն ծովով մինչև Պօ հրթըցուի»:

ԱՐՅԱԿ ՉՊԱՆԵԱՆ



# ԱՇԽԱՏԵԼՈՒ ԱՐՈՒԵՍՏԸ

(Պրոֆ. Դր. Կ. Հելտի)

## I

Աշխատելու արուեստը բոլոր արուեստներից ամենագլխաւորն է, որովհետեւ, եթէ մարդ ուղիղ մաքով պղծ հասկանալ կարողանայ, այն ժամանակ միւս բոլոր գիտութիւններն անսահման կերպով կշիւրանան: Չնայած դորան, համեմատական չափով շատ քչերը ուղիղ աշխատել գիտեն և պղծ այն ժամանակ, երբ «աշխատանքի» և «աշխատաւորների» մասին աւելի քան երբէք խօսուում է: Յատկապէս պղծ արուեստի տարածումն ու աճումը խիստ կերպով աչքի չէ ընկնում, այլ ընդհակառակը, աւելի շուտ բոլորը ձգտում են որքան հնարաւոր է քիչ աշխատել կեանքի մէջ, իսկ սորա փնացած միւս մասը հանգստութեան նուիրել:

Արդ, ուրեմն, աշխատանք և հանգիստ—իրար հակապատկէ՞ր են և միմեանց ջնջո՞ւմ են: Ամենից առաջ քննութեան արժանին այս է, որովհետեւ աշխատանքը լոկ գովելը, որի համար իւրաքանչիւր ոք պատրաստ է, աշխատելու ցանկութիւն չէ զարթեցնում: Եւ քանի որ աշխատելու մէջ չկամութիւնը իբրեւ մի տարածուած չարիք,—իբրեւ մի հիւանդութիւն կմնայ ներկայ ժողովրդեան համար, և իւրաքանչիւր ոք աւելի շուտ քան կարելի է տեսականապէս դոված իրը դործնականապէս ձեռք բերել կաշխատէ, սոցիալական դրութեան որեւէ բարելաւման մասին խօսք լինել չի կարող: Այդ իրօք կատարելապէս անբժշկելի կմնար, եթէ դոքա հակադիր իրեր լինէին:

Բայց մադդկային ամեն մի սիրտ հանգստութեան է կա-

բօսում: Ամենաչնչին արարածն ու հոգով աղքատը ճանաչում է այդ կարիքը և բարձրաթուիչ հոգին անդուլ աշխատանք չէ փնտրում: Նոյն իսկ մարդու երեակայութիւնը ապագայ երջանիկ կեանքի համար ուրիշ ոչ մի յարմար խօսք չէ գտել քան «յաւիտենական հանգիստը»: Եթէ աշխատելը կարեւոր է և հանգիստը նորա հակադիրն է, այն ժամանակ «ճակատիդ քրտինքով պէտք է քո հասն ուտես» իսկապէս մի դառն անէծք է և երկիրս կատարելապէս արտասուների հովիտ: Որովհետև մարդկային ցեղի մէջ շատ քչերը կարող են միշտ «մարդուն արժանի» կեանք վարել, և սոքա, որոնց իսկապէս այդ անէծքը վերաբերում է, նորանով են կասարում, որ նոքա իրենց նմաններին աշխատել են ստիպում և աշխատանքի ստրկութեան մէջ պահում: Եւ իրօք այդ հայեացքն են ունեցել հին աշխարհի զիտնականները: Կոպիտ, յուսահատ աշխատելու ստրկութիւնը շատերից միայն մէկին է միշտ տալիս ըստ ամենայնի կրթութեամբ ազատ քաղաքացու կեանք վարել, մինչդեռ ժողովուրդները մեր դարում ունին մի մեծ հասարակապետութիւն, որին զեկաւարում է մինչև իսկ քրիստոնեայ հոգևորականութիւնը աւետարանը ձեռքին, այն միտքը պաշտպանելու, որ մարդկային որոշ ցեղ միւսների համար ժառանգաբար աշխատանքի է դատապարտուած: Քաղաքակրթութիւնը անում է միայն հարստութեան հողի վերայ, հարստութիւնը միայն դրամագլխի միջոցով, իսկ վերջինս շահագործութեամբ նոցա, որոնք աշխատանքի համար արդար վաստակ չեն ստանում,—ergo անարդարութիւնից: Սոքա նախադասութիւններ են, որոնք քննութեան հիմնական են կազմում: Մենք այդ սողերի յարաբերութեան կամ կատարեալ ճշմարտութիւնը չենք ուզում ցոյց տալ, այլ միայն այսքանը հաստատել՝ եթէ բոլորը ուղիղ աշխատեն, այն ժամանակ այսպէս կոչուած սոցիալական հարցը վճռուած կլինի, և ուրիշ ոչ մի ճանապարհով նա չի լուծուի: Լոկ միայն ճշմամբ սակայն շատ դժուար, երբեք է կարող է այդ կատարուել, եթէ նոյն իսկ մի որեւէ ճշման բոլոր Փիլիքական միջոցները ձեռքի տակ ունենանք, դարձեալ ոչ մի արդիւնաւոր աշխատանք չի լինիլ:

Ուրեմն, պէտք է մարդկանց մէջ դէպի աշխատանքը սէր զարթեցնել և դորանով մենք «մանկավարժական» իսկական հողի վերայ ենք անդամոտանում:

Աշխատելու հանգոյքը առաջ կգայ ոչ թէ ուսուցմամբ և կամ օրինակով, այլ խորհրդով և փորձառութեամբ: Իսկ փորձառութիւնը հետևեալն է ցոյց տալիս իւրաքանչիւր մէկի, որը իւր վերայ փորձել է կամենում:

Ամենից առաջ փնտրած հանգստութիւնը ոչ թէ հոգւոյ և մարմնի կատարեալ կամ կարելիին չափ մեծ անգործութեան մէջ է, այլ ընդհակառակը՝ երկուսի էլ չափաւոր կանոնաւոր գործունէութեան մէջ է դառնում: Մարդու ամբողջ ընդունելի գործունէութեան է յարմարեցրած և նա դառն կերպով պատժւում է, եթէ այդ փոխել է կամենում: Ճշմարիտ է, նա հանգստութեան դրախտից դուրս է ծղուտծ, բայց Աստուած նորան աշխատելու պատուէր է տուել հետևել էլ դորա համար հարկաւոր սիրովանքը: Այդ պատճառով իսկական հանգստութիւնը առաջ է դալիս միայն գործունէութեան մէջ, մի որեւէ աշխատանքի յաջող ելքը մտքով տեսնելու մէջ, որեւէ ժանր խնդրի լուծման մէջ, մարմնի բնական հանգստութեան րոպէներում, ամենօրուայ ընդ մէջ, կերակուր ուտելու ժամանակ և կիրակնօրեայ անփոխարինելի հանգստութեան—օաղիսի մէջ: Գործունէութեան այսպիսի մի հաստատուն, օգտակար և միայն բնական դադարումներով ընդհատուած դրութիւնն է նըջանիկը, որը երկրի վերայ միայն գոյութիւն ունի, մարդ արտաքին ուրիշ ոչ մի երջանկութիւն չպէտք է ցանկանայ: Այո՛, նոյն իսկ կարելի է մի քայլ ևս առաջ դնալ և ասել՝ գործունէութեան բնութիւնից շատ բան չէ կախուած: Իւրաքանչիւր իսկական գործունէութեան, որը լոկ խաղալիք չէ, հետաքրքիր լինելու յատկութիւն ունի, հէնց որ մարդ լուրջ կերպով նորա մէջ է խորասուզւում, ոչ թէ գործունէութեան եղանակն է երջանիկ դարձնում, այլ գործելու և յաջողութիւն ունենալու ուրախութիւնը: Ամենամեծ դժբաղդութիւնը, որ գոյութիւն ունի, առանց աշխատանքի և առանց սորա պտղի՝ իւր վախճանում կանգնած կեանքն է: Ուստի կայ և պէտք է լինի

իրաւունք աշխատանքի վերայ. սա նոյն իսկ մարդկային բոլոր իրաւունքներից նախնականն է:

«Անգործները աշխարհիս վերայ ճշմարիտ դժբախտներն են: Բայց դժբախտ պնդան շատ են և աւելի բարձր դասակարգի մէջ քան ստորին, որոնց կարիքը դէպի աշխատանք է մղում, մինչդեռ ուրիշները կեղծ կրթութեան, նախապաշարմունքի և ամենաղորեղ սովորութիւնների շնորհիւ, որոնք որոշ շրջաններում սեպական աշխատանքը մերժում են, համարեա այդ անյոյս և ժառանգական մեծ դժբաղդութեանն են դատապարտուած: Մենք տեսնում ենք, այն, ամեն տարի նոցա ներքին դատարկութիւնը և ծանծրոյթը մեր լեռներն ու ամառանոցները տեղափոխուած, որոնցից նոքա իզուր կազդուրումն են սպասում: Դեռ ևս ամբողջ ամառը բաւական է դոնեա իրենց հիւանդութիւնից ծագած անգործութիւնը ֆիզիքական որ և է ջանքի շնորհիւ աւողջացնելու. դորանից լետոյ պէտք է նոքա ծմեռն ևս անցնեն, և մօտիկ ապագայում հիւանդանոցները,— որոնց համար են համարեա ստեղծել նոքա մեր գեղեցիկ դրամները,— բայց պիտի լինին ամբողջ տարին այդպիսի անհանգիստ մարդկանց համար, որոնք ամեն տեղ հանգստութիւն են փրնտրում և ոչ մի տեղ չեն դանում,—որովհետեւ նոքա այդ աշխատանքի մէջ չեն փնտրում: «Վեց օր պէտք է դու աշխատես», ոչ պակաս և ոչ աւելի: Մեր ժամանակի ջղային հիւանդութիւններից շատերը այս դեղատոմսով պէտք է բրժկուին, եթէ որ նոքա անգործ մնողների սերունդի անէծք չեն և ամառանոցային ու խելագարների բժշկներից շատերը նոցա վերայ իրենց փորձերը չեն կատարում: Կեանքն ընդհանրապէս մարդ չպէտք է «նաշակէ», այլ պէտք է պաղարեր դարձնէ: Ով այդ չգիտէ, նա արդէն իւր հոգեկան առողջութիւնը կորցրել է, և անկարելի է, որ նա մարմնականն ևս այնքան պահել կարողանայ քան այդ բնական յատկութեանց շնորհիւ և կեանքի ուղիղ եղանակով կարելի կլինի <sup>1)</sup>: Մեր

<sup>1)</sup> Գործունեայ մարդկանցից մէկը՝ Լէվինգստոնն ասում է. «Ծակատի քրտինքը, երբ մարդ Աստուծոյ համար է աշխատում, ամրացնում է ջղերը», և մեր ժամանակի նշանաւոր մի գիտնական.

կեանքը տևում է 70 կամ շատր 80 տարի և եթէ նա չանքի և աշխատանքի մէջ է եղել, ապա ուրեմն խիստ օգտակար է եղել: Այդպէս պէտք է հնչէ առածը: Գուցէ այդ էլ նորա սկզբնական իմաստի մէջ է գտնւում:

Իսկապէս մենք լաւ ենք գործում, հէնց որ մի ճշգրիտ սահման ենք որոշում: Բոլոր աշխատանքները միմեանց նման չեն, կայ և երևութական աշխատանք, այսինքն այնպիսին, որ երևոյթի վերայ է հիմնուած կամ թէ չէ առերևոյթ է ձեռքի տակ: Մի մասը այսպէս ասած «կանանց ձեռագործների», որը լոկ միայն գինւորական խաղ է, ինչպէս որ սոքա սկզբում առաջ են եկել, «արուեստներին» վերաբերեալ զբաղմունքների մեծ մասը, որը կայանում է դաշնամուրի անբաւարար և անպատու նուագելուն մէջ, որսի և այսպէս ասած «զուարճութիւնների» կարևոր մի մասը, նոյնպէս և ամենաքիչը սեպհական կարողութեան «սնտեսութիւնը» անգամ չէ պատկանում դորան: Խոհեմ և գործունեայ մարդը պարտաւոր է մի աւելի գոհացուցիչ բան փնտրել <sup>1)</sup>:

Հէնց այդ է պատճառը թէ ինչո՞ւ մեքենաների վերայի աշխատանքը, մեքենան և հատ ու կտոր աշխատանքները ընդհանրապէս այդքան քիչ են բաւականութիւն տալիս, և արուեստաւորը կամ երկրագործը աւելի դոհ է քան գործարանի բա-

կցում է դորան, «Մարդ կարող է խղճով հանգիստ լինել հոգւոյ անդադրում աշխատանքի մէջ»: Երկուսն էլ թէև խօսում են իրենց սեպհական աշխատանքից, բայց յայտնապէս սեպհական փորձառութեան հիման վերայ:

<sup>1)</sup> Շուաբիայի առանձնայատուկ Ֆլատտիս քահանան իւր երկրի մի սպայի մասին հետևեալն է պատմում, որը դքսի համար աննպատակ կօշկակարութեան մէջ իրեն դժբաղդ էր գգում և իւր ցաւի պատճառները չէր ճանաչում: Նա համոզեց սպային նորանով, որ մի փոքրիկ աղջիկ կանչեց և խոստացաւ տալ նորան մի ֆեօրին, եթէ աղջիկը մի ամբողջ օր, արծաթեայ գդալը ձեռքին աթոռի վերայ նստած կմնայ: Ինչպէս որ նա գուշակել էր, կէս ժամ չանցած, ձգեց աղջիկը ձեռքից գդալը և ասաց, որ այդպիսի մի անօգուտ աշխատանք չի կատարի և չէ հաւատում, որ դորա համար անպատճառ կվարձատրուի: Ահա այդ է պատճառը, թէ ինչո՞ւ մարդկանցից շատերը իրենց «աշխատանքի» մէջ ուրախութիւն չեն գտնում: Այդ էլ նոյն օրինակի համար է:

նուորը, որի պատճառով և սօցիալական շարժումներն են առաջ եկել: Այդ բանուորները իրենց աշխատանքի արդիւնքը շատ քիչ են զտնուում: Մեքենան աշխատում է. մարդս միայն նորա ենթադրեալ մի գործիքն է կամ միշտ միմիայն նորա որեւէ պատուտակն է ուղղում, սակայն մի ամբողջ ժամացոյց չէ արտադրում նա, որը արուեստի մի ուրախալի արդասիւք: մարդկային ճշմարիտ աշխատանքի մի վաստակ է: Այսպիսի մի մեքենական աշխատանք մեղանչում է մարդկային արժանապատուութեան մասին ունեցած բնական հասկացողութեան դէմ, որն ամենաչնչին իրին յատուկ է, սակայն ճշմարտապէս նորսն բաւականութիւն տալ չէ կարողանում:

Այն աշխատուորներն են, ընդհակառակ, ամենից երջանիկը, որոնք ամբողջովին իրենց աշխատանքի մէջ են խորասուզուում, նորանով բարձրանալ կարողանալու, արուեստագէտները՝ որոնք հոգին ամբողջովին իրենց առարկայով լեցուած է, երբ նոքա նորան ըմբռնում և ներկայացնում են, գիտնականները՝ որոնք բացի իրենց առարկայից ուրիշ բանի համար մի բոլոր ժամանակ չունին: Այո, նոյն իսկ բոլոր ամուսիններից «օրինակելիները», որոնք միասին մի փոքրիկ գործունէութեան շրջանում, իրենց համար փոքրիկ աշխարհ են ստեղծել:

Դոքա բոլորը—գուցէ անաչառ վերցրած նոյն իսկ սնարդար կերպով—ունեն աշխատութեան զգացմունքը, աշխարհին ոչ թէ խաղ՝ այլ ճշմարիտ, օգտակար, հարկաւոր աշխատանք տալու համար և նոցանից շատերը այդպիսի յարատեւ, յոգնեցուցիչ և գուցէ նոյն իսկ ֆիզիքապէս քիչ առողջ գործունէութեան մէջ հասակի ամենաբարձր աստիճանին են հասնում, մինչդեռ քիչ զբաղուած բարձր դասակարգի մարդիկ և նորածնութիւն սիրող կանայք, մի և նոյն ժամանակ ամենից անօգուտները, սկզբունքով ներկայ դարուս ամենից քիչ աշխատող մարդկային դասակարգն են ներկայացնում և միշտ իրենց առողջութիւնը վերականգնելով են զբաղուած:

Ամենից առաջ, այսօր ինչ որ մեր աշխարհին հարկաւոր է, փորձառութեան և այն մտածողութեան ընդհանրացումն է, որ առանց բացառութեան, բոլոր մարդկանց մարմնական և հո-

դեոր առողջութեան համար կարեորը — հետեւապէս նոցա երջանկութիւնն — չափաւոր աշխատանքն է:

Սորանից հաստատապէս հետեւում է, որ կոչւածով դատարկաշրջիկները ոչ թէ մի նախամեծար, «աւանաւոր» դասակարգի են պատկանում, այլ նոցա վերայ պէտք է նայել իբրեւ հոգեպէս անկատար կամ վատառողջ մարդկանց վերայ, որոնք ուղիղ կենցաղավարութիւնը կորցրել են: Հէնց որ սովորութիւնը, որ ընդհանուր, հաստատուն մի համոզման արտայայտութիւն է, նոցա մէջ յայտնուած կլինի, այդ ժամանակ և միայն այդ ժամանակ աշխարհի համար նոր և լուս դարեշրջան կսկսուի: Բայց մինչ այդ նորան փնտսում է մէկի անպատշաճ և միւսի անբուական աշխատանքը, որոնք երկուստէք պայմանաւորուում են, և դեռ հարց է թէ այդ երկու կողմերից որն արդարապէս աւելի զժբաղդն է:

Ինչո՞ւ համար են այս մտքերը, հարցնում ենք, որոնք հաղարաւոր տարիների փորձառութեան հիմք ունին, որոնց իւրաքանչիւր ոք իւր վերայ ամենայն օր, երբ նա աշխատում կամ չէ աշխատում, փորձել կարող է, և բոլոր կրօններն ու փիլիսոփայութիւնները քարոզում են այնպիսի ձեւով, որ, օրինակ, դեռ ևս հազարաւոր «կանայք» կան, որոնք աստուածաշնչի վերայ մեծ յօյս են դնում, յաւիտեական դատաստանը շատ եռանդով պաշտպանում են, բայց խղճի դարմանալի հանգստութեամբ մի ըողորովին պարզ պատուիրանի հակառակ, ամենաշատը մի օր — աշխատում են և վեց օր իրենց հանգրստութեան նուիրում: Գլխաւորապէս այդ առաջ է դալիս աշխատանքի անարդար բաժանումից և կարգաւորումից, որն անպայման պարզապէս այդ ձեւով բեռը կդառնայ, որով և մենք մեր բնագրի վերնադրին ենք վերադառնում:

Այստեղ միայն մի ճշմարիտ հրահանգ հնարաւոր է այն մարդու դէմ, որը սկզբունքով մի օր և է աշխատանքի կարիքի համոզումն ունի և հաճոյքով այն սկսել կը կամենար, եթէ դարմանալի կերպով նորան միշտ մի որեւէ լրան չխանգարէր:

(վերջը միւս անգամ)

ԳԵՐՄ. Թ. ԱՐՏԱԿ. Վ. ՍՄԲԱՏԵԱՆՑ

## ԵՐԱՋԵԱԼ ՈՍԿԵԴԱՐ

### III

Միջին դարերի աղանդները.—Վերածնունդի շրջան.—Թոմաս  
Մոռ և նրա ուսուցիան.—

Միջին դարերում լոյս չի տեսել ոչ մի շարադրութիւն, որ յատկապէս նուիրուած լինէր անցեալ կամ ապագայ ոսկեգարի նկարագրութեան. բայց սխալ կլինէր ասել, որ ոսկեգարի գաղափարը իսպառ մոռացուած էր: Նա միայն երևան էր գալիս միջին դարերու յատուկ կրօնական երևոյթների ու շարժումների մէջ, որոնց թուին են պատկանում խաչակրաց արշաւանքները և բաղձաթիւ սղանդները և հերետիկոսական վարդապետութիւնները: Յայանի է, որ վերջիններս զլխաւորապէս յաշոգութիւն էին գտնում անտեսապէս և բարոյապէս ճնշուած զիւղացի և մանր արհեստաւոր աւարների մէջ, խոտանալով նրանց ոչ միայն երկնային երանութիւն, այլ և երկրիս վերայ եղբայրութիւն և տնտեսական հաւասարութիւն, մի խօսքով ոսկեգարեան երջանկութիւն: «Առաքելական եղբայրները» (պաթառենները) նպատակ էին զրել բարեփոխել մարդկային կեանքը ռամկավարական սկզբունքների հիման վերայ և XIV-րդ դարում այդ ուղղութեամբ մի անյաջող փորձ էլ արին (Դոլլինոյի հռչակաւոր ապստամբութիւնը և նրա եղերական մահը 1307 թ.): Բէզգարդների աղանդը պահանջում էր թէ ստացուածքի և թէ կանանց հանրութիւն: Նրանք կատարեալ հաւասարութիւն էին քարոզում և դէմ էին տմեն տեսակ իշխանութեան: Միջին դարերի վերջին մենք տեսնում ենք, որ զիւղացիները—որոնց տնտեսական և իրաւական դրութիւնը այդ միջոցին շատ աւելի վատացել էր—ամէն տեղ ապստամբում են կրօնական զրօշակի տակ, բայց իրապէս իրոնց

տնտեսական վիճակը և իրաւական դրութիւնը բարւոքելու նպատակով (Լօլլարդները—Անգլիայում, Ըաբօրիւնները—Քօհէմիայում, վերջապէս նշանաւոր գիւղական ապստամբութիւնը Գերմանիայում):

Եկեղեցական վերանորոգութեան (Ռեֆորմացիայի) շրջանում տեղի ունեցած Եան Մատիսէնի, Թօմաս Միւնցէրի և Իօան Լէյքէնցու ապստամբութիւնները պէտք է բացատրել ոչ միայն նրա կրօնական Փանատիկոսութեամբ, այլ և այն հաւատով, որը տարածուած էր Ժողովրդի մէջ, և սրով առգործուած էին և նրանք՝ թէ ոչնչացնելով հին անտեսական և հասարակական կարգերը, կարելի է ստեղծել նոր, երջանիկ կեանք: Հետաքրքրականը այն է, որ դրանց բոլորի իդէալը—կոմմունիզմն էր, մասնաւոր կամ կատարեալ. և այդ իդէալն էր, որ նրանք ուղղում էին իրականացած տեսնել կեանքի մէջ: Սակայն, ինչպէս յայտնի է, այդ բոլոր փորձերը հէնց սկզբում խեղդուեցին իշխանների, ազնուականների և ըստծրաստիճան հոգևորականների ձեռքով, որոնց շարքումն էր Լոււտերը:

Կրօնական էնդուղիստների ու նրա ջանքերով կազմուած համայնքների անյաշտութիւնը այնուամենայնիւ չմեռցրեց Ժողովրդի մէջ նրազնալ ոսկէդարի, Պրաստնի իդէալական պետութեան կամ առաջին քրիստոնեաների փայփայած երկնային թագաւորութեան գաղափարը: Վերածնութեան շրջանը, իր նոր գիւտերով ու նոր հորիզոններով ընդհակառակը նոր սրնունդ էր ստալիս մտրդկային երեւակայութեան, իսկ նոր րացուած աշխարհների նկարագրութիւնները համոզուած էին նրանց, որ երջանիկ աշխարհ ասածդ—երազ կամ հէքիաթ չէ, որ իրօք հեռու, անյայտ ու մինչև օրս անծանօթ երկիրներում գոյութիւն ունի գրախտային կեանք, առատ, անհոգ և երջանիկ:

Ճանապարհորդները հազար ու մի գոյներով նկարագրում էին իրանց արկածները, տեսած հրաշալի կղզիները, նորագիւտ Ամերիկան, նրա բնիկների կազմակերպութիւնը, կեանքը և այլն և խոր կերպով ազդում էին ընթերցողների երեւակայութեան վերայ: Համոզմունք էր ստեղծուել, որ նորագիւտ երկիրների Ժողովուրդների կազմակերպութիւնը աւելի կատարեալ է և

ընդունակ երջանկացնելու նաև եւրոպացիներին, եթէ Եւրոպայումն էլ նոյն կարգերը մտցուեն: Ահա այդ ժամանակ երեւան է գալիս մի շարագրութիւն, որը ըստ երևոյթին պատմում է այդպիսի նորագիւտ կղզու և նրա բնակչութեան կազմակերպութիւն, տնտեսական դրութեան, բնտանեկան յարաբերութիւնների մասին և այլն, մինչդեռ իսկապէս հեղինակը նկարագրում է երևակայական կղզի ու բնակչութիւն, իդէալական պետութիւն ու կազմակերպութիւն:

Դա Թովմաս Մօռի ուտոպիան էր \*), որը լոյս տեսաւ 1516 թուականին: Թ. Մօռը ծնուած էր 1478 թ. Լօնդօնում և ժամանակի կրթութեամբ մարդկանցից մէկն էր. նա տաղանդաւոր փաստաբան էր և զանազան հարուստ վաճառականական տների իսկապատմաբան: 26 տարեկան հասակում նա արդէն բնտրւում է պարլամենտի անդամ և իր ընդունակութիւնների շնորհիւ հրաւիրուեց պետական-արքունական պաշտօնավարութեան, ուր կարճ միջոցում հասաւ ամենաբարձր աստիճանների և պատասխանատու պաշտօնների: 1599 թուին նա լօրդ կանցլէրի պաշտօնը ստացաւ: Դա այն ժամանակն էր, երբ Հենրիկոս VIII-ը որոշեց անշատուել չձուլմի եկեղեցուց. Թ. Մօռը ընդդիմադրում էր թագաւորի քմահաճութեանը, մասնաւորապէս նրա ամուսնական արկածներին և երբ 1631 թուին անգղիական հոգեւորականութիւնը Հենրիկոսին եկեղեցու գլուխ և պետ հռչակեց—Թովմաս Մօռը հրաժարուեց պաշտօնից: Մօռի շիտակութիւնը, յամառութիւնը և օպպօզիցիան թագաւորին դուր չէր գալիս. նա հակառակորդներ չէր կարող մարսել: Եւ ահա հնարւում է կեղտոտ ասմբաստանութիւն, տեղի է ունենում վատաստանական կատակերգութիւն և թագաւորի հրամանով Մօռը գլխատւում է 1535 թուին: Իր հռչակաւոր շարագրութիւնը Մօռը գրել է

\*) Գրքի վերնագիրն էր՝ De optimo Reipublical statu, deque nova insula utopia libellus vere aureus (Ոսկէ գիրք կատարեալ պետութեան կազմակերպութեան և Ուտոպիա նոր կղզու մասին): Utopia բառը յունարէն ου (ոչ) և topos (տեղ) բառերից է և պէտք է նշանակէ «ոչ մի տեղ» «անտեղ», «գոյութիւն չունեցող»:

Հօլլանդիայում, ուր եկել էր նա առևտրական դաշնագիր կապելու յանձնաժողովի հետ: Թէ այստեղ և թէ Անգղիայում Մօռը մշտական յարաբերութիւնների մէջ էր ճանապարհորդների, հեռաւոր երկիրների հետ առևտուր անողների և հումանիտանների հետ, որոնց ազդեցութիւնը չի կարելի չնկատել նրա այդ շարադրութեան մէջ: Նրա Ուսուցիւն մեծ ընդունելութիւն գտաւ ընթերցող հասարակութեան մէջ և ոչ միայն Անգղիայում, այլ և ամբողջ Եւրոպայում: Ըստ երևոյթիւն Թ. Մօռը բաւարարութիւն էր տալիս ժամանակի պահանջին: Ահա այդ դրքի բովանդակութիւնը:

Մօռը պատմում է, թէ ինչպէս նա Փլանդրիայի Անտվերպէն քաղաքում պատահում է իր ընկերոջ Պետրոս Գելիսին, որը զբօսնում էր Ռափայէլ Հիտլոդէյ ճանապարհորդի հետ: Վերջինս Ամերիգօ Վէսփուլլի ընկերներից է եղել և նրանից բաժանուելով Բրազիլիայի ափերին այցելել է շատ նոր տեղեր, իմիշի այլոց Ուսուցիւն կղզին և Հնդկաստանի վրայով վերադարձել է առևտու: Մօռը իր ընկերոջը և Հիտլոդէին հրաւիրում է իր մօտ հիւր և այստեղ, հաշի սեղանին, նրանք սկսում են զրոյց անել նախ անգղիական օրէնսդրութեան մասին: Հիտլոդէյը Անգղիայի դաժան օրէնքները և մահուան պատիժը գողերի և աւազակների համար—աննպատակ է դնում: Հարկաւոր է, ժողովուրդը այնպիսի պայմանների մէջ զենել, որ նա ստիպուած չլինի գողանալու: Մինչդեռ Անգղիայի այժմեան օրէնքները պաշտպանում են աիրող տնտեսական դրութիւնը, որը հարստացնում է հարուստներին և զօրեղներին և ընդհակառակը սնանկացնում է թոյլերին և ստիպում են նրանց գողութիւն անել \*): Նրան հականառում են և նա ողբալորում սկսում է քննադատել եւրոպական բոլոր կարգ ու սարքերը, թէ տնտեսական և թէ իրաւական ու այն համոզմունքն է յայտնում, որ Պղատօնը իրաւացի է եղել, երբ ա-

\*) Այստեղ ի միջի այլոց այն կարծիքն է յայտնում, որ պառաւանքներին և աշխատելու անընդունակներին պիտութիւնը պէտք է թողակ նշանակէ. մի միտք, որը իրագործուեց Անգղիայում միայն նորերս:

սեյէ թէ փրկութեան և երջանկութեան միակ նանապարհը անտեսական հաւասարութեան մէջ է»։ Տիրող անարդարութիւնը վերացնելու միակ ճանապարհը—մասնաւոր սեփականութեան ոչնչացումն է»։ ասում է նա։ Այդ բանի դէմ բողոքում է Մօսը, որովհետեւ այդպիսի կարգերը ընդհանուր ծովութիւն առաջ կբերեն, չի լինի ոչ մի յառաջադիմութիւն և այլն։

—«Քո այդ կարծիքներդ ինձ չեն դարձացնում, ասում է Հիտլօրէյը, որովհետեւ դու չես եղել Ուտօպիա կղզու վերայ, ուր ես անցկացրի հինգ տարի. եթէ դու ծանօթանաս նրա կարգերի, օրէնքների և բարքերի հետ, դու կհամոձայնես, որ այնտեղի հասարակութիւնը ամենալաւ կերպով է կազմակերպուած»։

Այդ խօսքերից յետոյ նա սկսում է նկարագրել Ուտօպիայ կազմակերպութիւնը։

Ուտօպիան-կղզի է, որի վրայ 55 միատեսակ քաղաք կայ՝ Ամարօտ մայրաքաղաքով։ Ամեն քաղաք իր շուրջը փռուած մշակելու հողեր ունի. դիւղական աշխատանքներով պարապողները ապրում են քաղաքից դուրս մեծ ընտանիքներով, ոչ պակաս քան 40 կին և տղամարդուց բաղկացած։ Երկու տարի գիւղում ապրելուց յետոյ այդ ընտանիքի կէսը տեղափոխւում է քաղաք, իսկ քաղաքից գալիս են նոյն թուով նորերը, որոնք պարտական են երկու տարի գիւղացիութիւն անել ու այնպէս ամեն տարի գիւղերի և քաղաքների միջև աշխատողների փոխարինութիւն է լինում։ Այսպէս ուրեմն բոլոր ուտօպիացիները և գիւղացիներ են և քաղաքացիներ։ Գիւղի արտադրութիւնը տեղացիներին բաւականութիւն տալուց յետոյ ուղարկւում է քաղաք, որտեղից գիւղը ստանում է այն բոլորը, ինչ որ հարկաւոր է կեանքի համար։ Ամեն մարդ բացի հողագործութիւնով պարապելուց պարտական է նաև զբաղուել մի որևէ արհեստով։ Ամենքն էլ պարտաւոր են աշխատել. այդ բանի վրայ հսկողներ կան։ Բայց աշխատանքը շատ չափաւոր է և օրական վեց ժամից աւել չէ։ Ամբողջ կղզու արդիւնաբերութիւնը—թէ գործարանների, թէ գիւղա-

տնտեսական և իր արհեստավորների—ենթարկուած է որոշ տնօրինութեան:

Ուսուսիւայում փող գոյութիւն չունի. ամեն մարդ ստանում է իր թաղի շուկայից ինչ որ իրեն հարկաւոր է. և ընդհակառակը ամեն մարդ իր աշխատանքի արդիւնքը—ապրանքը—տանում է այդ շուկան և դարսում է հասարակական շտեմարաններում և պահեստներում: Ոչ ոք պէտքից աւելի չի վերցնում, որովհետեւ ագահութիւն ասած բանը նրանք չգիտեն. իսկ չգիտեն, որովհետեւ ոչ կարող են աւելորդ ապրանքով առւտուր անել, ոչ էլ պէտք եղած ժամանակը պակասութիւն դալ:

Կերած խմածները բոլորինը համայնական է և կազմակերպուած է այս ձեով: Ամեն մի փողոցի վրայ շինուած է մի մի ընդարձակ պալատ ուր որոշ ժամին բնակիչները հաւաքուած են սեղանի շուրջը: Կերակուր պատրաստողները—կանայք են. սպասավորները—երիտասարդներ: Սեղանատան կարգերը—վանակտն սեղանատուն են լիչեցնում: Քաղաքի, ընտանիքի, ընտանիքի անդամների թիւը սահմանափակ է և ենթարկուած է որոշ սխտեմի:

Ընտանիքի մէջ 10—16 չափահաս անդամից աւել լինելու չէ. աւելին տեղաւորուած է ուրիշ ընտանիքներում: Քաղաքը իր դիւղերով 6000 ընտանիքից աւել ունենալու չէ. աւելիներից նոր դադութներ են կազմում: Աղջիկները 18 տարեկանից առաջ, իսկ տղամարդիկ 22—իրաւունք չունեն ամուսնանալ. միակնութիւնը պահւում է սրբութեամբ. ամուսնական անհաւատարմութիւնը պատժուած է՝ առաջին անգամ—գերի են դարձնուած, երկրորդ անգամ—մահուան պատժի ենթարկուած: Ապահարգանք շատ դժուար է: Ամեն մի ընտանիքի մէջ փոքրները ենթարկուած են մեծերի իշխանութեան, կանայք—ամուսինների, երեխաները—ծնողների:

30 ընտանիք ընտրուած են իրանց միջից մի պեա՝ Փիլարխ անունով, որը առանձնապէս հսկում է իր անդամների աշխատանքների վրայ և առհասարակ տնտեսական յարաբերութիւնների: Ամեն մի 300 ընտանիք իրանց տասը Փիլարխնե-

րով ենթարկւում են մի պրօտօֆիլարխի: Բոլոր ֆիլարխները միասին հաւաքուելով ընտրում են ժողովրդի առաջարկած թեկնածուներից մի իշխան կամ քաղաքապետ: Իշխանը պրօտօֆիլարխների հետ երեք օրը մի անգամ նիստ է կազմում և ղեկավարում է վարչական գործերով: Բոլոր քաղաքները ուղարկում են մայրաքաղաք երեքական ամենախելացի ծերունիներ, որոնք զլխաւորապէս զբաղւած են ժողովրդի տնտեսական կեանքը կարգաւորելով, բնակչութեան և արդիւնաբերութեան վերաբերեալ վիճակագրական տեղեկութիւններ հաւաքելով և այդ մասին կարգադրութիւններ անելով:

Խոշոր պաշտօնեաները ընտրւում են մի տարի ժամանակով, բացի իշխաններից և քաղաքապետներից, որոնք ընտրւում են ցմահ:

Հաւատարմաւոր գործ է ճանաչւում և կղզու վերայ զանազան կրօններ կան. բայց անհաւատները ոչ մի վարկ չունեն: Քահանաները ընտրւում են և մեծ պատիւ են վայելում: Կանայք էլ կարող են քահանայ ընտրուել: Գիտութիւնը ազատ է. ով ինչ գիտութիւնով որ ուզում է պարապում է. բայց տէրութիւնը հսկում է, որ անընդունակները գիտութիւնով չզբաղուեն, որովհետև գիտնականները շատ յարգի են և ֆիզիքական աշխատանքից ազատուած են: Ուսուցիչացիները պատերազմի դէմ են, բայց երբ իրենց վրայ յարձակւում են— պարտականութիւն են համարում ամբողջ ընտանիքով գնալ պատերազմի դաշար:

Վերջացնելով իր նկարագրութիւնը, հիտլօքէյը եղրափակում է՝ «միայն ուսուցիչայում ամենքը աշխատում են ընդհանուրի օգտին, որովհետև այնտեղ ոչ փող կայ, ոչ մասնաւոր սեփականութիւն և ուր ամեն ոք հաւատացած է, որ նա ինքն էլ, իր ընտանիքն էլ, կստանան հոստարակական պահեստներից այն բոլորը, ինչ որ իրանց հարկաւոր է: Այնտեղ տիրում է կատարեալ հաւասարութիւն և թէպէտև սեփականութիւն չկայ, բայց ամենքն էլ հարուստ են: Ամենքն էլ տալիւ են ուրախ և անհոգ, որովհետև վաղուայ մասին հարկաւոր չէ

մտածել: Այնտեղ թղլի և աշխատելու անընդունակի մասին նոյնչափ հոգս են քաշում, որչափ և ուրիշների մասին:

Իսկ ձեզ մօտ. ո՛ւր է ձեզ մօտ արդարութիւնը, երբ ծրիակներ հարուստները և աղնուականները փարթամ և ճոխ կեանք են վարում, իսկ խեղճ արհեստավորները, բանուորները, գիւղացիները և այլ աշխատավոր տարրը տաւարից աւելի բանելով, տաւարից վատ է ապրում... դա արդարութիւն չէ դա հարուստների դաւադրութիւն է: Եւ ինչ զարմանք որ ձեզ մօտ անպակաս են գողութիւնը, աւազակութիւնը, վիրավորանքները, սպանութիւնները և այլն: Եւ այս բոլորը աղքատութեան հետ միասին կ'ոչնչանար, եթէ վերացուէն անհատական սեփականութիւնը և փողը»:

«Թէպէտեւ, վերջացնում է իր գիրքը Թ. Մօռը, ես համածայն չեմ չիտլօւէի յայտնած կարծիքների հետ, բայց կարծում եմ, որ մենք ուսուպիացիներից կարող էինք շատ փոխ առնել...»:

Ինչպէս տեսնում է ընթերցողը հեղինակն այս շարադրութիւնով սալիս է մեզ իդէալական կազմակերպութեան պատկերը, որը գուցէ իր շատ կողմերով չի կարող գոհացնել արդի մարդկութեան պահանջները, բայց այնուամենայնիւ ներկայացնում է մի կատարեալ հասարակական կազմակերպութիւն, որի անդամները յամենայն դէպս XVI դարու եւրոպացիներից աւելի երջանիկ պէտք է լինէին: Իսկ այդ իդէալական պետութեան կազմակերպութեան հիմքը—այժմս էլ շատերի իդէալն է խօսքս սօցիալ-դեմօկրատների մասին է, որոնց ապագայ պետութիւնը, ըստ կարլ Մարկսի, հիմնուած պիտի լինի սրնատեսական յարաբերութիւնների կանոնավոր տնօրինութեան և հանրակեցութեան վերայ առանց մասնավոր սեփականութեան:

Մեր արած ընդհանուր պատմական տեսութիւնից ընթերցողը տեսնում է, որ դա նոր միտք չէր և որ մինչև իսկ իրադործւում էր կեանքում, թէպէտ և ոչ լիովին և կանոնավոր ձևով: Բայց առաջին անգամ այդ բոլորը ձևակերպեց ու իրադործելի երազ դարձրեց—Թովմաս Մօռը իր Ուսուպիայով այդ պատճառով ուսուպիան էլ հասարակ անուն դարձաւ և

այժմ նշանակում է այն բոլոր աշխատութիւնները (կամ գաղափարները, ծեփակերպութիւնները), որոնք իդէալական բնաւորութիւն ունեն և կեանքի մէջ իրագործուելու ոչ մի և կտմ շատ քիչ շանսեր ունեն, յամենայն դէպս մօտ ապագայում:

Թ. Մօռի ուտօպիան հետևողներ առաջացրեց, որոնց երկար շարքը մինչև մեր օրերն է հասնում: Մենք կիսօսենք նրանց մասին էլ, բայց առանձնապէս կանգ կառնենք միայն այն գրողաժքների վերայ, որոնք նշանակութիւն ունեն կամ քաղաքակրթութեանը պատմութեան տեսակէտից և կտմ մեծ ժողովրդականութիւն են վայելել ընթերցող շրջանների մէջ:

ՄԻՆԱՍ ԲԵՐԲԵՐԵԱՆ

## ՅՈՒՇԵՐ

Ամառային մի ոսկեվառ արաւօս  
Թողած իւր բոյն, լեռան զագաթ, ծառի ուս,  
Փամբակ ձորի մեղմ ու պայծառ երեսում  
Լի բերկրութեամբ անհոգ բազէն էր նախրում:

Դիտում էի անդ սլացող թելերը  
Ու նոր յիշում կեանքիս անցած օրերը.  
Երբ ես անհոգ բազէի պէս ու ազաւ  
Ապրում էի, յոյսեր տաճում հաւազաւ:

## ՅԱՅՏԱՐԱՐՈՒԹԻՒՆՆԵՐ

Լոյս տեսաւ

ԴԻԻԱՆ ՀԱՅՈՑ ՊԱՏՄՈՒԹԵԱՆ

գիրք է.

Դաւիթ կաթողիկոս մ. II

մի վիճառի ֆերմանով

Գինն է 4 Ռ

ստանալ կարելի է «Լուծալ»-ի խմբագրատանը.

Ձուտով լոյս կը տեսնի

### **ՄՈՒՐԱՑԱՆԻ**

Երկասիրութիւնների հաստի բ.

1, Իմ պատասխանը քննադատ-  
ներին.

2, Ռուզան (փոփոխուած).

3, Անդրէաս երէց:

Վաճառուում է

Լուսաւորչի մեծագիր իւղաներկ  
պատկերը

Թղթի վրայ՝ 3 ռ.

կտաւի վրայ՝ 15 ռ.

պատրաստուած է տպագրութեան համար

### **ՆՈՐ ԹՈՒՍ-ՀԱՅ ԲԱՌԳԻՐԳ**

Բաղմաթիւ պատկերներով զարդարուած  
աշխ. Վարդգէս Աղանեանի

(ուս. Մոսկ. համալսար. լեզ. բաժնի)

Այս մասին կտրուի տառնձին և  
ընդարձակ ծանուցում:

1909-14 ՏԱՐԻ

# „Լ ՈՒ Մ Ա Յ“

ԳՐԱԿԱՆ-ՊԱՏՄԱԿԱՆ

ԱՄՍԱԳԻՐ

ԲԱԺՆԵԳԻՆԸ

ԻԶԵՑՐԱԾ Է

5 Ր ՈՒ Բ Լ ՈՒ

«Հայրենիք» շաբաթաթերթի բաժանորդների  
համար 4 րուբլի:

Ապագիկ ոչ ոքի չի ուղարկում  
Լուսման ժամանակաւորապէս լոյս կտեսնի  
տետրերով 32-ից մինչ 48 երես: Հարկաւոր  
դէպքում կը տրուին պատկերներ և առանձին  
յաւելուածներ:

## Պ Ա Յ Մ Է Ն Ն Ե Ր

1. Նիւթերը պիտի գրուած լինին մի էջի վրայ և ոչ  
աւելի քան 32 տպագրական երեսից բաղկացած:
2. Արտատպութիւն ոչ մի դէպքում չի տրուում  
աշխատակիցներին:
3. Նիւթերը չեն վերադարձուում:
4. Չպուող նիւթերի մասին ծանուցում է տրուում  
ամսագրի մէջ պատասխանների բաժնում:
5. Թարգմանական նիւթեր ընդունուում են շատ  
կարճ և ընտիր հեղինակների:





